

添品妙法蓮華經序

左

隋仁壽元年岷多梵多三法師添品

妙法蓮華經者破二明一之指歸也降神五濁弘道三乘權智不思大悲難極先設化城之迹後示繫珠之本車雖有異兩實無差記以正覺之名許以真子之位同入法性歸之於此昔燉煌沙門竺法護於晉武之世譯正法華後秦姚興更請羅什譯妙法蓮華考驗二譯定非一本護似多羅之葉什似龜茲之文余檢經藏備見二本多羅則與正法符會龜茲則共妙法允同護華尚有所遺什文寧無其漏而護所闕者普門品偈也什所闕者藥草喻品之半富樓那及法師等二品之初提婆達多品普門品偈也什又移囑累在藥王之前二本陀羅尼並置普門之後其間異同言不能極竊見提婆達多及普門品偈先賢續出補闕流行余景仰遺風寫成範大隋仁壽元年辛酉之歲因普曜寺沙門上行所請遂共三藏經多

添品妙法蓮華經卷第一 第二版 左
及多二法師於大興善寺重勒天竺多羅華本富樓那及法師等二品之初勘本猶闕藥草喻品更益其半提婆達多通入塔品陀羅尼次神力之後囑累還結其終字句差殊頗亦改正儻有披尋幸勿疑惑雖千萬億偈妙義難盡而二十七品本文且具所願四辯梵詞遍神州之域一乘秘教悟象運之機耶記翻譯序之云介

隋天竺三藏闍那崛多共梵多譯

妙法蓮華經序品第一

如是我聞一時佛住王舍城耆闍崛山中與大比丘眾萬二千人俱皆是阿羅漢諸漏已盡無復煩惱逮得已利盡諸有結心得自在其名曰阿若憍陳如摩訶迦葉優樓頻螺迦葉伽耶迦葉那提迦葉舍利弗大目犍連摩訶迦旃延阿菟樓駄劫賓那憍梵波提離婆多畢陵伽婆蹉薄拘羅摩訶拘絺羅難陀孫陀羅難陀富樓那彌多羅尼子須菩提阿難羅睺羅如是眾所知識大阿羅漢等復有學無

學二千人摩訶波闍波提比丘尼與眷屬六千人俱羅睺羅母耶輸陀羅比丘尼亦與眷屬俱菩薩摩訶薩八萬人皆於阿耨多羅三藐三菩提不退轉皆得陀羅尼樂說辯才轉不退轉法輪供養無量百千諸佛於諸佛所殖眾德本常為諸佛之所稱歎以慈修身善入佛慧通達大智到於彼岸名稱普聞無量世界能度無數百千眾生

其名曰文殊師利菩薩觀世音菩薩得大勢菩薩常精進菩薩不休息菩薩寶掌菩薩藥王菩薩勇施菩薩寶月菩薩月光菩薩滿月菩薩大力菩薩無量力菩薩越三界菩薩跋陀婆羅菩薩彌勒菩薩寶積菩薩導師菩薩如是等菩薩摩訶薩八萬人俱

爾時釋提桓因與其眷屬二萬天子俱復有名月天子普香天子寶光天子四大天王與其眷屬萬天子俱自在天子大自在天子與其眷屬三萬天子俱娑婆世界主梵天王尸棄大梵光明大梵等與其眷屬萬二千天

淨法華經卷第一 第四

子俱有八龍王難陀龍王跋難陀龍王娑伽羅龍王和脩吉龍王德叉迦龍王阿都婆達多龍王摩那斯龍王遍鉢羅龍王等各與若干百千眷屬俱有四緊那羅王法緊那羅王妙法緊那羅王大法緊那羅王持法緊那羅王各與若干百千眷屬俱有四闍婆王樂闍婆王樂音闍婆王美軋闍婆王美音闍婆王各與若干百千眷屬俱有四阿脩羅王婆稚阿脩羅王法羅騫駄阿脩羅王大摩質多羅阿脩羅王羅睺阿脩羅王各與若干百千眷屬俱有四迦樓羅王大威德迦樓羅王大身迦樓羅王大滿迦樓羅王如意迦樓羅王各與若干百千眷屬俱提希子阿闍世王與若干百千眷屬俱各禮佛足退坐一面

華身殊沙華摩訶曼殊沙華而散佛上及諸大衆普佛世界六種振動令時會中比丘比丘尼優婆塞優婆夷天龍夜叉闍婆阿脩羅迦樓羅緊那羅摩睺羅伽人非人等及諸小王轉輪聖王是諸大衆得未曾有歡喜合掌一心觀佛令時佛放眉間白毫相光照東方萬八千世界靡不周遍下至阿鼻地獄上至阿迦膩吒天於此世界盡見彼土六趣衆生又見彼土現在諸佛及聞諸佛所說經法并見彼諸比丘比丘尼優婆塞優婆夷諸修行得道者復見諸菩薩摩訶薩種種因緣種種信解種種相續行菩薩道復見諸佛般涅槃者復見諸佛般涅槃後以佛舍利起七寶塔令時彌勒菩薩作是念今者世尊現神變相以何因緣而有此瑞今佛世尊入于三昧是不可思議現希有事當以問誰能答者復作此念是文殊師利法王子已曾親近供養過去無量諸佛必應見此希有之相我今當問今時比丘比丘尼優婆塞優婆夷

淨法華經卷第一 第六

及諸天龍鬼神等咸作此念是佛光明神通之相今當問誰令時彌勒菩薩欲自決疑又觀四衆比丘比丘尼優婆塞優婆夷及諸天龍鬼神等衆會之心而問文殊師利言以何因緣而有此瑞神通之相放大光明照於東方萬八千土悉見彼佛國界莊嚴於是彌勒菩薩欲重宣此義以偈問曰

文殊師利導師何故眉間白毫大光普照兩脇陀羅曼殊沙華旃檀香風悅可衆心以是因緣地皆嚴淨而此世界六種震動時四部衆咸皆歡喜身意快然得未曾有眉間光明照于東方萬八千土皆如金色從阿鼻獄上至有頂諸世界中六道衆生生死所趣善惡業緣受報好醜於此悲見又觀諸佛聖主師子演說經典微妙第一其聲清淨出柔軟音教諸菩薩無數億萬梵音深妙令人樂聞各於世界講說正法種種因緣以無量喻

照明佛法開悟衆生若人遭苦
 狀老病死為說涅槃盡諸苦際
 若人有福曾供養佛志求勝法
 為說緣覺若有佛子修種種行
 求無上慧為說淨道文殊師利
 我住於此見聞若斯及千億事
 如是衆多今當略說我見彼土
 恒沙菩薩種種因緣而求佛道
 或有行施金銀珊瑚真珠摩尼
 車渠馬瑙金剛諸珍妙婢車乘
 寶飾輦輿歡喜布施迴向佛道
 願得是乘三界第一諸佛所歎
 或有菩薩馳馬寶車欄楯華蓋
 軒飾布施復見菩薩身肉手足
 及妻子施求無上道又見菩薩
 頭目身體欣樂施與求佛智慧
 文殊師利我見諸王往詣佛所
 問無上道便捨樂土宮殿臣妾
 剝除鬚髮而被法服或見菩薩
 而作比丘獨處閑靜樂誦經典
 又見菩薩勇猛精進入於深山
 思惟佛道又見難欲常處空閑
 深修禪定得五神通又見菩薩

安禪合掌以千萬偈讚諸法王
 復見菩薩智深志固能問諸佛
 聞悲受持又見佛子定慧具足
 以無量喻為衆講法欣樂說法
 化諸菩薩破魔兵衆而擊法鼓
 又見菩薩寂然宴默天龍恭敬
 不以為喜又見菩薩慶林放光
 濟地獄苦令入佛道又見佛子
 未嘗睡眠經行林中勤求佛道
 又見具戒威儀無缺淨如寶珠
 以求佛道又見佛子住忍辱力
 增上憐人惡罵捶打皆能忍
 以求佛道又見菩薩離諸戲笑
 及癡眷屬親近智者一心除亂
 攝念山林億千萬歲以求佛道
 或見菩薩銷鑊飲食百種湯藥
 施佛及僧名衣上服價直千萬
 或無價衣施佛及僧千萬億種
 栴檀寶舍衆妙卧具施佛及僧
 清淨園林華果茂盛流泉浴池
 施佛及僧如是等施種種微妙
 歡喜無厭求無上道或有菩薩
 說寂滅法種種教詔無數衆生

又見菩薩觀諸法性無有一相
 猶如虛空又見佛子心無所著
 以此妙慧求無上道文殊師利
 又有菩薩佛滅度後供養舍利
 又見佛子造諸塔廟無數恒沙
 嚴飾國界寶塔高妙五千由旬
 縱廣正等二千由旬一一塔廟
 各千幢幡珠文露綵寶鈴和鳴
 諸天龍神人及非人香華伎樂
 常以供養文殊師利諸佛子等
 為供舍利嚴飾塔廟國界自然
 殊特妙好如天樹王其華開敷
 佛放一光我及衆會見此國界
 種種殊妙諸佛神力智慧希有
 放一淨光照無量國我等見此
 得未曾有佛子文殊願決衆疑
 四衆欣仰瞻仁及我世尊何故
 放斯光明佛子時答決疑令喜
 何所饒益演斯光明佛坐道場
 所得妙法為欲說此為當授記
 示諸佛土衆寶嚴淨及見諸佛
 此非小緣文殊當知四衆龍神
 瞻察仁者為說何等

源品法華經卷第一 第十張 在

是時文殊師利語諸菩薩摩訶薩及諸大士善男子等如我惟付今佛世尊欲說大法兩大法兩吹大法螺擊大法鼓演大法義諸善男子我於過去諸佛曾見此瑞放斯光已即說大法是故當知今佛現光亦復如是欲令衆生咸得聞知一切世間難信之法故現斯瑞諸善男子如過去無量無邊不可思議阿僧祇劫今時有佛号日月燈明如來應供正遍知明行足善逝世間解無上士調御丈夫天人師佛世尊演說正法初善中善後善其義深遠其語巧妙純一無雜具足清白梵行之相為求聲聞者說應四諦法度生老病死究竟涅槃為求辟支佛者說應十二因緣法為諸菩薩說應六波羅蜜令得阿耨多羅三藐三菩提成一切種智次復有佛亦名日月燈明次復有佛亦名日月燈明如是二萬佛皆同一字号日月燈明又同一姓姓頗羅墜彌勒當知初佛後佛皆同一字名日月燈明十号具足所可說法初中後善其寂後

源品法華經卷第一 第十張 在

佛未出家時有八王子一名有意二名善意三名無量意四名實意五名增意六名除疑意七名響意八名法意是八王子威德自在各領四天下是諸王子聞父出家得阿耨多羅三藐三菩提悲捨王位亦隨出家發大乘意常修梵行皆為法師已於千萬佛所殖諸善本是時日月燈明佛說大乘經名無量義教菩薩法佛所護念說是經已即於大衆中結加趺坐入於無量義處三昧身心不動是時天雨曼陀羅華摩訶曼陀羅華殊沙華摩訶曼陀羅華而散佛上及諸大衆普佛世界六種震動今時會中比丘比丘尼優婆塞優婆夷天龍夜叉乾闥婆阿脩羅迦樓羅緊那羅摩睺羅伽人非人等及諸小王轉輪聖王等是諸大衆得未曾有歡喜合掌一心觀佛今時如來放眉間白毫相光照東方萬八千佛土靡不周遍如今所見是諸佛土彌勒當知今時會中有二十億菩薩樂欲聽法是諸菩薩見此光明普照佛土得未曾有欲

源品法華經卷第一 第十二張 在

知此光所為因緣時有菩薩名曰妙光有八百弟子是時日月燈明佛從三昧起因妙光菩薩說大乘經名妙法蓮華教菩薩法佛所護念六十小劫不起于座時會聽者亦坐一處六十小劫身心不動聽佛所說謂如食須是時衆中無有一人若身若心而生懈倦日月燈明佛於六十小劫說是經已即於梵魔沙門婆羅門及天人阿脩羅衆中而宣此言如來於今日中夜當入無餘涅槃時有菩薩名曰德藏日月燈明佛即授其記告諸比丘是德藏菩薩次當作佛号曰淨身多陀阿伽度阿羅訶三藐三佛陀佛授記已便於中夜入無餘涅槃滿減度後妙光菩薩持妙法蓮華經滿八十小劫為人演說日月燈明佛八子皆師妙光妙光教化令其堅固阿耨多羅三藐三菩提是諸王子供養無量百千萬億佛已皆成佛道其寂後成佛者名曰然燈八百弟子中有一人号曰求名貪著利養雖復讀誦衆經而不利通多所忘失故号求名

是人亦以種諸善根因緣故得值無量百千萬億諸佛供養恭敬尊重讚歎我身是也求名菩薩沒身是也今見此瑞與本無異是故惟忖今日如來當說大乘經名妙法蓮華教菩薩法佛所護念今時文殊師利於大衆中欲重宣此義而說偈言

我念過去世無量無數劫有佛人中尊名日月燈明世尊演說法度無量衆生無數億菩薩今入佛智慧佛未出家時所生八王子見大聖出家亦隨修梵行時佛說大乘經名無量義於諸大衆中而為廣分別佛說此經已即於法座上加趺坐三昧名無量義處天雨曼陀華天鼓自然鳴諸天龍鬼神供養人中尊一切諸佛土即時大震動佛放眉間光現諸希有事此光照東方萬八千佛土示一切衆生生死業報處又見諸佛土以衆寶莊嚴琉璃頗梨色斯由佛光照及見諸天人龍神夜叉衆乾闥婆羅各供養其佛又見諸如來自然成佛道身色如金山端嚴甚微妙如淨琉璃中

內現真金像世尊在大衆敷演深法義一一諸佛土聲聞衆無數因佛光照悉見彼大衆或有諸比丘在於山林中精進持淨戒猶如護明珠又見諸菩薩行施忍辱等其數如恒沙斯由佛光照又見諸菩薩深入諸禪定身心寂不動以求無上道又見諸菩薩知法寂滅相各於其國土說法求佛道今時四部衆見日月燈佛現大神通力其心皆歡喜各各自相問是事何因緣天人所奉尊適從三昧起讚妙光菩薩汝為世間眼一切所歸信能奉持法哉如我所說法惟汝能證知世尊既讚歎令妙光歡喜說是法花經滿六十小劫不起於此座所說上妙法長妙光法師悉皆能受持佛說是法華今衆歡喜已尋即於是日告於天人衆諸法實相義已為汝等說我今於中夜當入於涅槃汝一心精進當離於放逸諸佛甚難值億劫時一遇世尊諸子等間佛入涅槃各各懷悲惱佛滅一何速聖主法之三安慰無量衆我若滅度時汝等勿憂師是德藏菩薩於無漏實相心已得通達其次當作佛

號曰為淨身亦度無量衆佛此夜滅度如薪盡火滅分布諸舍利而起無量塔比丘比丘尼其數如恒沙倍復加精進以求無上道是妙光法師奉持佛法藏八十小劫中廣宣法華經是諸八王子妙光所開化堅固無上道當見無數佛供養諸佛已隨順行大道相繼得成佛轉次而授記取後天中天號曰然燈佛諸仙之導師度脫無量衆是妙光法師時有一弟子心常懷懈怠貪著於名利求名利無厭多遊族姓家棄捨所習誦廢忘不通利以是因緣故號之為求名亦行衆善業得見無數佛供養於諸佛隨順行大道具六波羅蜜今見釋師子其後當作佛名曰彌勒廣度諸衆生其數無有量彼佛滅度後懈怠者汝是妙光法師者今則我身是我見燈明佛奉光瑞如此以是知今佛欲說法華經今相如本瑞是諸佛方便令佛放光明助發實相義諸人今當知合掌一心待佛當雨法雨充足求道者諸求三乘人若有疑悔者佛當為除斷令盡無有餘妙法蓮華經方便品第二

法華經卷第一 第一疏 在奉

今時世尊從三昧安詳而起告舍利弗諸佛智慧甚深無量其智慧門難解難入一切聲聞辟支佛所不能知所以者何佛曾親近百千萬億無數諸佛盡行諸佛無量道法勇猛精進名稱普聞成就甚深未曾有法隨宜所說意趣難解舍利弗吾從成佛已來種種因緣種種譬喻廣演言教無數方便引導眾生令離諸著所以者何如來方便知見波羅蜜皆已具足舍利弗如來知見廣大深遠無量無導力無所畏禪定解脫三昧深入無際成就一切未曾有法舍利弗如來能種種分別巧說諸法言辭柔軟悅可眾心舍利弗取要言之無量無邊未曾有法佛悉成就止舍利弗不須復說所以者何佛所成就第一希有難解之法惟佛與佛乃能究竟諸法實相所謂諸法如是相如是性如是體如是力如是作如是因如是緣如是果如是報如是本末究竟等今時世尊欲重宣此義而說偈言

法華經卷第一 第十七疏 在奉

無能知佛者佛力無所畏解脫諸三昧及佛諸餘法無能測量者本從無數佛具足行諸道甚深微妙法難見難可了於無量億劫行此諸道已道場得成果我已悉知見如是大果報種種性相義我及十方佛乃能知是事是法不可示言辭相寂滅諸餘眾生類無有能得解脫諸菩薩眾信力堅固者諸佛弟子眾曾供養諸佛一切漏已盡住是寂後身如是諸人等其力所不堪假使滿世間皆如舍利弗盡思共度量不能測佛智正使滿十方皆如舍利弗及餘諸弟子亦滿十方剎盡思共度量亦復不能知辟支佛利智無漏取後身亦滿十方界其數如竹林斯等共一心於億無量劫欲思佛寶智莫能知少分新發意菩薩供養無數佛了達諸義趣又能善說法如稻麻竹筴充滿十方剎一心以妙智於恒河沙劫咸皆共思量不能知佛智不退諸菩薩其數如恒沙一心共思求亦復不能知又告舍利弗無漏不思議甚深微妙法我今已具得惟我知是相十方佛亦然舍利弗當知諸佛語無異

法華經卷第一 第十八疏 在奉

於佛所說法當生大信力世尊法久後要當說真實告諸聲聞眾及永緣覺乘我今脫苦縛速得涅槃者佛以方便力示以三乘教眾生處處著引之令得出今時大衆中有諸聲聞漏盡阿羅漢阿若憍陳如等千二百人及發聲聞辟支佛心比丘比丘尼優婆塞優婆夷各作是念今者世尊何故懇懇稱歎方便而作是言佛所得法甚深難解有所言說意趣難知一切聲聞辟支佛所不能及佛說一解脫義我等亦得此法到於涅槃而今不知是義所趣今時舍利弗知四眾心疑自亦未了而白佛言世尊何因何緣懇懇稱歎諸佛第一方便甚深微妙難解之法我自昔來未曾從佛聞如是說今者四眾咸皆有疑惟願世尊敷演斯事世尊何故懇懇稱歎甚深微妙難解之法今時舍利弗欲重宣此義而說偈言

慈目大聖尊久乃說是法自說得如是力無畏三昧禪定解脫等不可思議法道場所得法無能終問者我意難可測

亦無能問者無問而自說稱歎所行道
智慧甚微妙諸佛之所得無漏諸羅漢
及求涅槃者今皆墮疑網佛何故說是
其水緣覺者比丘比丘尼諸天龍鬼神
及乾闥婆等相視懷猶豫瞻仰兩足尊
是事為云何願佛為解說於諸聲聞眾
佛說我第一我今自於智疑惑不能了
為是究竟法為是所行道佛口所生子
合掌瞻仰待願出微妙音時為如實說
諸天龍神等其數如恒沙求佛諸菩薩
大數有八萬又諸萬億國轉輪聖王至
合掌以敬心欲聞具足道

爾時佛告舍利弗止止不須復說若
說是事一切世間諸天及人皆當驚
疑舍利弗重白佛言世尊惟願說之
惟願說之所以者何是會無數百千
萬億阿僧祇眾生曾見諸佛諸根猛
利智慧明了聞佛所說則能敬信今
時舍利弗欲重宣此義而說偈言
法王無上尊 惟說願勿慮 是會無量眾
有能敬信者

佛復止舍利弗若說是事一切世間
天人阿脩羅皆當驚疑增上慢比丘

將墜於大坑爾時世尊重說偈言
止止不須說 我法妙難思 諸增上慢者
聞必不敬信

爾時舍利弗重白佛言世尊惟願說
之惟願說之今此會中如我等比百
千萬億世世已曾從佛受化如此人
等必能敬信長夜安隱多所饒益今
時舍利弗欲重宣此義而說偈言
無上兩足尊 願說第一法 我為佛長子
惟垂分別說是會無量眾能敬信此法
佛已曾世世教化如是等皆一心合掌
欲聽受佛語我等二百及餘求佛者
願為此眾故惟垂分別說是等聞此法
則生大歡喜

爾時世尊告舍利弗汝已懇懇三請
豈得不說汝今諦聽善思念之吾當
為汝分別解說此語時會中有比
丘比丘尼優婆塞優婆夷五千人等
即從座起禮佛而退所以者何此輩
罪根深重及增上慢未得謂得未證
謂證有如此失是以不住世尊默然
而不制止今時佛告舍利弗我今此
眾無復枝葉純有貞實舍利弗如是

增上慢人退亦佳矣汝今善聽當為
汝說舍利弗言唯然世尊願樂欲聞
佛告舍利弗如是妙法諸佛如來時
乃說之如優曇鉢華時一現耳舍利
弗汝等當信佛之所說言不虛妄舍
利弗諸佛隨宜說法意趣難解所以
者何我以無數方便種種因緣譬喻
言辭演說諸法是法非思量分別之
所能解惟有諸佛乃能知之所以者
何諸佛世尊惟以一大事因緣故出
現於世舍利弗云何名諸佛世尊惟
以一大事因緣故出現於世諸佛世
尊欲令眾生開佛知見使得清淨故
出現於世欲示眾生佛知見故出現
於世欲令眾生悟佛知見故出現於
世欲令眾生入佛知見道故出現於
世舍利弗是為諸佛以一大事因緣
故出現於世佛告舍利弗諸佛如來
但教化菩薩諸有所作常為一事惟
以佛之知見示悟眾生舍利弗如來
但以一佛乘故為眾生說法無有餘
乘若二若三舍利弗一切十方諸佛
法亦如是舍利弗過去諸佛以無量

法華經卷第一 第十張

無數方便種種因緣譬喻言辭而為衆生演說諸法是法皆為一佛乘故是諸衆生從諸佛聞法究竟皆得一切種智舍利弗未來諸佛當出於世亦以無量無數方便種種因緣譬喻言辭而為衆生演說諸法是法皆為一佛乘故是諸衆生從佛聞法究竟皆得一切種智舍利弗現在十方無量百千萬億佛土中諸佛世尊多所饒益安樂衆生是諸佛亦以無量無數方便種種因緣譬喻言辭而為衆生演說諸法是法皆為一佛乘故是諸衆生從佛聞法究竟皆得一切種智舍利弗是諸佛但教化菩薩欲以佛之知見示衆生故欲以佛之知見悟衆生故欲令衆生入佛知見道故舍利弗我今亦復如是知諸衆生有種種欲深心所著隨其本性以種種因緣譬喻言辭方便力故而為說法舍利弗如此皆為得一佛乘一切種智故舍利弗十方世界中尚無二乘何況有三舍利弗諸佛出於五濁惡世所謂劫濁煩惱濁衆生濁見濁命

法華經卷第一 第十張

濁如是舍利弗劫濁亂時衆生垢重慳貪嫉妬成就諸不善根故諸佛以方便力於一佛乘分別說三舍利弗若我弟子自謂阿羅漢辟支佛者不聞不知諸佛如來但教化菩薩事此非佛弟子非阿羅漢非辟支佛又舍利弗是諸比丘比丘尼自謂已得阿羅漢是寂後身究竟涅槃便不復志求阿耨多羅三藐三菩提當知此輩皆是增上慢人所以者何若有比丘實得阿羅漢若不信此法無有是處除佛滅度後現前無佛所以者何佛滅度後如是等經受持讀誦解其義者是人難得若遇餘佛於此法中便得決了舍利弗汝等當一心信解受持佛語諸佛如來言無虛妄無有餘乘惟一佛乘今時世尊欲重宣此義而說偈言

比丘比丘尼有懷增上慢優婆塞我憐優婆塞不信如是四衆等其數有五千不自見其過於戒有缺漏護惜其瑕疵是小智已出衆中之糟粕佛威德故去斯人豈福穩不堪受是法此衆無技業

法華經卷第一 第十張

惟有諸真實舍利弗善聽諸佛所得法無量方便力而為衆生說衆生心所念種種所行道若干諸欲性先世善惡業佛悉知是已以諸緣譬喻言辭方便力令一切歡喜或說脩多羅伽陀及本事本生末曾有亦說於因緣譬喻并祇夜優波提舍經純根樂小法貪著於生死於諸無量佛不行深妙道衆苦所惱亂為是說涅槃我設是方便令得入佛慧未曾說汝等當得成佛道所以未曾說說時未至故今正是其時史定說大乘我此九部法隨順衆生說入大乘為本以故說是經有佛子心淨柔軟亦利根無量諸佛所而行深妙道為此諸佛子說是大乘經我記如是人來世成佛道以深心念佛修持淨戒故此等聞得佛大喜充滿身佛知彼心行故為說大乘聲聞若菩薩聞我所說法乃至於一偈皆成佛無疑十方佛土中惟有一乘法無二亦無三除佛方便說但以假名字引導於衆生說佛智慧故諸佛出於世惟此一事實餘二則非真終不以小乘濟度於衆生佛自住大乘如其所得法

定慧力莊嚴以此度眾生自證無上道
大乘平等法若以小乘化乃至於一人
我則墮慳貪此事為不可若人信歸佛
如來不欺誑亦無貪嫉意斷諸法中惡
故佛於十方而獨無所畏我以相嚴身
光明照世間無量眾所尊為說實相印
舍利弗當知我本立誓願欲令一切眾
如我等無異如我昔所願今者已滿足
化一切眾生皆令入佛道若我遇眾生
盡教以佛道無智者錯亂迷惑不受教
我知此眾生未曾修善本堅著於五欲
癡愛故生憫以諸欲因緣墮墮三惡道
輪迴六趣中備受諸苦毒受胎之微形
世世常增長薄德少福人眾苦所逼迫
入邪見稠林若有若無等依止此諸見
具足六十二深著虛妄法堅受不可捨
我慢自矜高諂曲心不實於千萬億劫
不聞佛名字亦不聞正法如是人難度
是故舍利弗我為設方便說諸盡苦道
亦之以涅槃我雖說涅槃是亦非真滅
諸法從本來常寂滅相佛子行道已
來世得作佛我有方便力開示三乘法
一切諸世尊皆說一乘道今此諸大眾

皆應除疑惑諸佛語無異惟一無二乘
過去無數劫無量滅度佛百千萬億種
其數不可量如是諸世尊種種緣譬喻
無數方便力演說諸法如是諸世尊等
皆說一乘法化無量眾生令入於佛道
又諸大聖主知一切世間天人眾生類
深心之所欲更以異方便助顯第一義
若有眾生類值諸過去佛若聞法布施
或持戒忍辱精進禪智等種種修福慧
如是諸人等皆已成佛道諸佛滅度已
若人善軟心如是諸眾生皆已成佛道
諸佛滅度已供養舍利者起萬億種塔
金銀及頗梨車乘與馬珂玫瑰瑠璃珠
清淨廣嚴飾莊校於諸塔或有起石廟
栴檀及沉水木櫨并餘材埽瓦泥土等
若於曠野中積土成佛廟乃至童子戲
聚沙為佛塔如是諸人等皆已成佛道
若人為佛故建立諸形像刻雕成眾相
皆已成佛道或以七寶成鍤石赤白銅
白鐵及鉛錫鐵木及與泥或以膠漆布
嚴飾作佛像如是諸人等皆已成佛道
彩畫作佛像百福莊嚴相自作若使人
皆已成佛道乃至童子戲若草木及筆

或以指爪甲而畫作佛像如是諸人等
漸漸積功德具足大悲心皆已成佛道
但化諸菩薩度脫無量眾若人於塔廟
寶像及畫像以華香幡蓋敬心而供養
若使人作樂鑾鼓吹角貝簫笛瑟箏篳
琵琶鏡銅鈸如是眾妙音盡持以供養
或以歡喜心歌頌頌佛德乃至一小音
皆已成佛道若人散亂心乃至以一華
供養於畫像漸見無數佛或有人禮拜
或復但合掌乃至舉一手或復小低頭
以此供養像漸見無量佛自成無上道
廣度無數眾入無餘涅槃如薪盡火滅
若人散亂心入於塔廟中一稱南無佛
皆已成佛道於諸過去佛現在或滅度
若有聞是法皆已成佛道未來諸世尊
其數無有量是諸如來等亦方便說法
一切諸如來以無量方便度脫諸眾生
入佛無漏智若有聞法者無一不成佛
諸佛本誓願我所行佛道普欲令眾生
亦同得此道未來世諸佛雖說百千億
無數諸法門其實為一乘諸佛兩足尊
知法常無性佛種從緣起是故說一乘
是法住法位世間相常住於道場知已

添品法華經卷第一第二十八張 在

道師方便說天人所供養現在十方佛其數如恒沙出現於世間安隱眾生故亦說如是法知第一寂滅以方便力故雖示種種道其實為佛乘知眾生諸行深心之所念過去所集業欲性精進力及諸根利鈍以種種因緣譬喻亦言辭隨應方便說我今亦如是安隱眾生故以種種法門宣示於佛道我以智慧力知眾生性欲方便說諸法皆令得歡喜舍利弗當知我以佛眼觀見六道眾生貧窮無福慧入生死險道相續苦不斷深著於五欲如犛牛受尾以貪愛自蔽盲冥無所見不求大勢佛及與斷苦法深入諸邪見以苦欲捨苦為是眾生故而起大悲心我始坐道場觀樹亦經行於三七日中思惟如是事我所得智慧微妙寂第一眾生諸根鈍著樂癡所盲如斯之等類云何而可度今時諸梵王及諸天帝釋護世四天王及大自在天并餘諸天眾眷屬百千萬恭敬合掌禮請我轉法輪我即自思惟若但讚佛乘眾生沒在苦不能信是法破法不信故墜於三惡道我寧不說法疾入於涅槃

添品法華經卷第一第二十九張 在

尋念過去佛所行方便力我今所得道亦應說三乘作是思惟時十方佛皆現梵音慰喻我善哉釋迦文第一之導師得是無上法隨諸一切佛而用方便力我等亦皆得寂妙第一法為諸眾生類分別說三乘少智樂小法不自信作佛是故以方便分別說諸果雖復說三乘但為教菩薩舍利弗當知我聞聖師子深淨微妙音稱南無諸佛復作如是念我出濁惡世如諸佛所說我亦隨順行思惟是事已即趣波羅奈諸法寂滅相不可以言宣以方便力故為五比丘說是名轉法輪便有涅槃音及以阿羅漢法僧差別名從久遠劫來讚示涅槃法生死苦永盡我常如是說舍利弗當知我見佛子等志求佛道者無量千萬億咸以恭敬心皆來至佛所曾從諸佛聞方便所說法我即作是念如來所以出為說佛慧故今正是其時舍利弗當知鉢根小智人著相憍慢者不能信是法今我喜無畏於諸菩薩中正直捨方便但說無上道菩薩聞是法疑網皆已除千二百羅漢悉亦當作佛如三世諸佛

添品法華經卷第一第三十張 在

說法之儀式我今亦如是說無分別法諸佛興出世懸遠值遇難正使出于世說是法復難無量無數劫聞是法亦難能聽是法者斯人亦復難譬如優曇華一切皆愛樂天人所希有時時乃一出聞法歡喜讀乃至發一言則為已供養一切三世佛是人甚希有過於優曇華汝等勿有疑我為諸法王普告諸大眾但以一乘道教化諸菩薩無聲聞弟子汝等舍利弗聲聞及菩薩當知是妙法諸佛之秘要以五濁惡世但樂著諸欲如是等眾生終不求佛道當來世惡人間佛說一乘迷惑不信受破法墮惡道有慚愧清淨志求佛道者當為如是等廣讚一乘道舍利弗當知諸佛法如是以萬億方便隨宜而說法其不習學者不能曉了此汝等既已知諸佛世之師隨宜方便事無復諸疑惑心生大歡喜自知當作佛

添品妙法蓮華經卷第一

癸卯歲高麗國大藏都監奉勅彫造

添品妙法蓮華經卷第二

隋天竺三藏闍那崛多共笈多譯

辟喻品第三

尔時舍利弗踊躍歡喜即起合掌瞻仰尊顏而白佛言今從世尊聞此法音心懷踊躍得未曾有所以者何我昔從佛聞如是法見諸菩薩受記作佛而我等不預斯事甚自感傷失於如來無量知見世尊我嘗獨處山林樹下若坐若行每作是念我等同入法性云何如來以小乘法而見濟度是我等各非世尊也所以者何若我等待說所因成就阿耨多羅三藐三菩提者必以大乘而得度脫然我等不解方便隨宜所說初聞佛法遇便信受思惟取證世尊我從昔來終日竟夜每自剋責而今從佛聞所未聞未曾有法斷諸疑悔身意泰然使得安隱今日乃知真是佛子從佛口生從法化生得佛法分尔時舍利弗欲重宣此義而說偈言

我聞是法音得所未曾有 心懷大歡喜

添品妙法蓮華經卷第二 第三 在 佛

疑網皆已除 昔來蒙佛教 不失於大乘 佛音甚希有 能除眾煩惱 我已得漏盡 聞亦除憂惱 我處於山谷 或在林樹下 若坐若經行 常思惟是事 嗚呼深自責 云何而自欺 我等亦佛子 同入無漏法 不能於未來 演說無上道 金色三十二 十力諸解脫 同共一法中 而不得此事 八十種妙好 十八不共法 如是等功德 而我皆已失 我獨經行時 見佛在大眾 名聞滿十方 廣饒益眾生 自惟失此利 我為自欺誑 我常於日夜 每思惟是事 欲以問世尊 為失為不失 我常見世尊 稱讚諸菩薩 以是於日夜 籌量如此事 今聞佛音聲 隨宜而說法 無漏難思議 今眾至道場 我不善邪見 為諸梵志師 世尊知我心 拔邪說淫脛 我悉除邪見 於空法得證 尔時心自謂 得至於滅度 而今乃自覺 非是實滅度 若得作佛時 具三十二相 天人夜叉眾 龍神等恭敬 是時乃可謂 永盡滅無餘 佛於大眾中 說我當作佛 聞如是法音 疑悔悉已除 初聞佛所說 心中大驚疑 將非魔作佛 惱乱我心耶 佛以種種緣 辟喻巧言說

添品妙法蓮華經卷第二 第三 在 佛

其心安如海 我聞疑網斷 佛說過去世 無量滅度佛 安住方便中 亦皆說是法 現在未來佛 其數無有量 亦以諸方便 演說如是法 如今者世尊 從生及出家 得道轉法輪 亦以方便說 世尊說實道 波旬無此事 以是我定知 非是魔作佛 我墮疑網故 謂是魔所為 聞佛柔軟音 深遠甚微妙 演暢清淨法 我心大歡喜 疑悔水已盡 安住實智中 我定當作佛 為天人所敬 轉無上法輪 教化諸菩薩 尔時佛告舍利弗 吾今於天人沙門 婆羅門等大眾中 說我昔曾於二万 億佛所為無上道 故常教化汝汝亦 長夜隨我受學 我以方便引導汝故 生我法中 舍利弗 我昔教汝志願佛 道汝今悉忘 而便自謂 已得滅度 我 今還欲令汝憶念 本願所行道 故為 諸聲聞說是大乘經名妙法蓮華教 菩薩法 佛所護念 舍利弗 汝於未來 世過無量無邊不可思議劫 供養若 千千萬億佛 奉持正法 具足菩薩所 行之道 當得作佛 号曰華光如來 應 供正遍知 明行足 善逝世間解 無上

添品法華經卷第二 第四節 在佛

士調御丈夫天人師佛世尊國名離垢其土平正清淨嚴飾安隱豐樂天人熾盛琉璃為地有八交道黃金為繩以界其側其傍各有七寶行樹常有華果華光如來亦以三乘教化眾生舍利弗彼佛出時雖非惡世以本願故說三乘法其劫名大寶莊嚴何故名曰大寶莊嚴其國中以菩薩為大寶故彼諸菩薩無量無邊不可思議竿數譬喻所不能及非佛智力無能知者若欲行時寶華承足此諸菩薩非初發意皆久殖德本於無量百千萬億佛所淨修梵行恒為諸佛之所稱嘆常修佛慧具大神通善知一切諸法之門質直無偽志念堅固如是菩薩充滿其國舍利弗華光佛壽十二小劫除為王子未作佛時其國人民壽八小劫華光如來過十二小劫授堅滿菩薩阿耨多羅三藐三菩提記告諸比丘是堅滿菩薩次當作佛号曰華足安行多陀阿伽度阿羅訶三藐三佛隨其佛國土亦復如是舍利弗是華光佛滅度之後正法住

添品法華經卷第二 第五節 在佛

世三十二小劫像法住世亦三十二小劫今時世尊欲重宣此義而說偈言

舍利弗來世成佛普智尊号名曰華光當度無量眾供養無數佛具足菩薩行十力等功德證於無上道過無量劫已劫名大寶嚴世界各離垢清淨無瑕穢以琉璃為地金繩界其道七寶雜色樹常有花果實彼國諸菩薩志念常堅固神通波羅蜜皆已悉具足於無數佛所善學菩薩道如是等大士華光佛所化佛為王子時棄國捨世榮於寂末後身出家成佛道華光佛住世壽十二小劫其國人民眾壽命八小劫佛滅度之後正法住於世三十二小劫廣度諸眾生正法滅盡已像法三十二舍利弗廣流布天人普供養華光佛所為其事皆如是其兩足聖尊取勝無倫匹彼即是汝身宜應自欣慶

今時四部眾比丘比丘尼優婆塞優婆夷天龍夜叉乾闥婆阿脩羅迦樓羅緊那羅摩睺羅伽等大眾見舍利弗於佛前得受阿耨多羅三藐三菩提

添品法華經卷第二 第六節 在佛

記心大歡喜踊躍無量各各脫身所著上衣以供養佛釋提桓因梵天王等與無數天子亦以天妙衣天男陀羅華廣訶男陀羅華等供養於佛所散天衣住虛空中而自迴轉諸天伎樂百千萬種於虛空中一時俱作雨眾天華而作是言佛昔於波羅柰初轉法輪今乃復轉無上取大法輪今時諸天子欲重宣此義而說偈言

昔於波羅柰轉四諦法輪分別說諸法五眾之生滅今復轉寂妙無上大法輪是法甚深奧少有能信者我等從昔來數聞世尊說未曾聞如是深妙之上法世尊說是法我等皆隨喜大智舍利弗今得受尊記我等亦如是必當得作佛於一切世間寂尊無有上佛道思議方便隨宜說我所有福業今世若過世及見佛功德盡迴向佛道

今時舍利弗白佛言世尊我今無復疑悔親於佛前得受阿耨多羅三藐三菩提記是諸千二百心自在者若住學地佛常教化言我法能離生老病死究竟涅槃是學無學人亦各自

以離我見及有無見等謂得涅槃而今於世尊前聞所未聞皆墮疑惑善哉世尊願為四眾說其因緣令離疑悔今時佛告舍利弗我先不言諸佛世尊以種種因緣譬喻言辭方便說法皆為阿耨多羅三藐三菩提耶是諸所說皆為化菩薩故然舍利弗今當復以譬喻更明此義諸有智者以譬喻得解舍利弗若國邑聚落有大長者其年衰邁財富無量多有田宅及諸僮僕其家廣大唯有一門多諸人衆一百二百乃至五百人止住其中堂閣朽故牆壁頽落柱根腐敗梁棟傾危周匝俱時欬然火起焚燒舍宅長者諸子若二十或至三十在此宅中長者見是大火從四面起即大驚怖而作是念我雖能於此所燒之門安隱得出而諸子等於火宅內樂著嬉戲不覺不知不驚不怖火來逼身苦痛切已心不厭患無求出意舍利弗是長者作是思惟我身手有力當以衣械若以机案從舍出之復更思惟是舍唯有一門而復墮小諸

子幼稚未有所識戀著戲處或當墮落為火所燒我當為說怖畏之事此舍已燒宜時疾出無令為火之所燒言作是念已如所思惟具告諸子汝等速出父雖憐愍慈善言誘喻而諸子等樂著嬉戲不肯信受不驚不畏了無出心亦復不知何者是火何者為舍云何為失但東西走戲視父而已余時長者即作是念此舍已為大火所燒我及諸子若不時出必為所焚我今當設方便令諸子等得免斯害父知諸子先心各有所好種種珍玩奇異之物情必樂著而告之言汝等所可玩好希有難得汝若不取後必憂悔如此種種羊車鹿車牛車今在門外可以遊戲汝等於此火宅宜速出來隨汝所欲皆當與汝今時諸子聞父所說珍玩之物適其願故心各勇銳互相推排競共馳走爭出火宅是時長者見諸子等安隱得出皆於四衢道中露地而坐無復障罣其心泰然歡喜踊躍時諸子等各白父言父先所許玩好之具羊車鹿車牛車

願時賜與舍利弗今時長者各賜諸子等一大車其車高廣衆寶莊校周匝欄楯四面懸鈴又於其上張設億蓋亦以珍奇雜寶而嚴飾之寶繩文絡垂諸華纓重敷綰綰安置丹枕駕以白牛膚色充潔形體殊好有大筋力行步平正其疾如風又多僕從而侍衛之所以者何是大長者財富無量種種諸藏悉皆充溢而作是念我財物無極不應以下劣小車與諸子等今此幼童皆是吾子愛無偏黨我有如是七寶大車其數無量應當等心各各與之不宜差別所以者何以我此物周給一國猶尚不匱何況諸子是時諸子各乘大車得未曾有非本所望舍利弗於汝意云何是長者等與諸子珍寶大車寧有虛妄不舍利弗言不也世尊是長者但令諸子得免火難全其軀命非為虛妄何以故若全身命便為已得玩好之具况復方便於彼火宅而拔濟之世尊若是長者乃至不與一小車猶不虛妄何以故是長者先作是意我以方

添品法華經卷第二 第十張 在

便令子得出以是因緣無虛妄也何況長者自知財富無量欲饒益諸子等與大車佛告舍利弗善哉善哉如汝所言舍利弗如來亦復如是則為一切世間之父於諸怖畏衰惱憂患無明闇蔽永盡無餘而悉成就無量知見力無所畏有大神力及智慧力具足方便智慧波羅蜜大慈大悲常無懈倦恒求善事利益一切而生三界朽故火宅為度眾生生老病死憂悲苦惱愚癡闇蔽三毒之火教化令得阿耨多羅三藐三菩提見諸眾生生為生老病死憂悲苦惱之所燒煮亦以五欲財利故受種種苦又以貪著追求故現受眾苦後受地獄畜生餓鬼之苦若生天上及在人間貧窮困苦愛別離苦愁憎會苦如是等種種諸苦眾生在無量無數遊戲不覺不知不驚不怖亦不生厭不求解脫於此三界火宅東西馳走雖遭大苦不以為患舍利弗佛見此已便作是念我為眾生之父應拔其苦難與無量無邊佛智慧樂令其遊戲舍利弗

添品法華經卷第二 第十張 在

如來復作是念若我但以神力及智慧力捨於方便為諸眾生讚如來知見力無所畏者眾生不能以是得度所以者何是諸眾生未免生老病死憂悲苦惱而為三界火宅所燒何由能解佛之智慧舍利弗如彼長者雖復身手有力而不用之但以懇懃方便免諸諸子火宅之難然後各與珍寶大車如來亦復如是雖有力無所畏而不用之但以智慧方便於三界火宅救濟眾生為說三乘聲聞辟支佛佛乘而作是言汝等莫得樂住三界火宅勿貪貪著聲色聲香味觸也若貪著生愛則為所燒汝等速出三界當得三乘聲聞辟支佛佛乘我今為汝保任此事終不虛也汝等但當勤修精進如來以是方便誘進眾生復作是言汝等當知此三乘法皆是聖所播嘆自在無繫無所依求乘是三乘以無漏根力覺道禪定解脫三昧等而自娛樂便得無量安隱快樂舍利弗若有眾生內有智性從佛世尊聞法信受懇懃精進欲速出三界自

添品法華經卷第二 第十二張 在

求涅槃是名聲聞乘如彼諸子為求羊車出於火宅若有眾生從佛世尊聞法信受懇懃精進求自然慧樂獨善寂深知諸法因緣是名辟支佛乘如彼諸子為求鹿車出於火宅若有眾生從佛世尊聞法信受勤修精進求一切智佛智自然智無師智如來知見力無所畏慈念安樂無量眾生利益天人度脫一切是名大乘菩薩求此乘故名為摩訶薩如彼諸子為求牛車出於火宅舍利弗如彼長者見諸子等安隱得出火宅到無畏處自惟財富無量等以大車而賜諸子如來亦復如是為一切眾生之父若見無量億千眾生以佛教門出三界苦怖畏險道得涅槃樂如來亦時便作是念我有無量無邊智慧力無畏等諸佛法藏是諸眾生皆是我子等與大乘不令有人獨得滅度皆以如來滅度而滅度之是諸眾生脫三界者悉與諸佛禪定解脫等娛樂之具皆是一相一種聖所稱歎能生淨妙第一之樂舍利弗如彼長者初以三

車誘引諸子然後但與大車寶物莊嚴安隱第一然彼長者無虛妄之各如來亦復如是無有虛妄初說三乘引導衆生然後但以大乘而度脫之何以故如來有無量智慧力無所畏諸法之藏能與一切衆生大乘之法但不盡能受舍利弗以是因緣當知諸佛方便力故於一佛乘分別說三佛欲重宣此義而說偈言

譬如長者有一大宅 其宅久故而復頽弊 室舍高危 柱根摧朽 梁棟傾斜 基陛頽毀 牆壁圯圻 泥塗掃落 覆苫亂墜 椽桷老脫 同障屈曲 雜穢充溢 有五百人止住其中 鴟梟鵂鶩 烏鵲鳩鵲 魍魎蝮蝎 蜈蚣蚰蜒 守宮百足 狢狸鼯鼠 諸惡蟲輩 交橫馳走 屎尿臭處 不淨流溢 蟻蝨諸虫而集其上 狐狼野干 咀齧踐蹋 躑躅死屍 骨肉狼藉 由是群狗競來搏掇 飢羸憊惶 屢處求食 鬬爭齟齬 嗷嗷嗷吠 其舍恐怖 變狀如是 處處皆有 魍魎魍魎

夜叉惡鬼 食取人肉 毒虫之屬 諸惡禽獸 爭乳產生 各自蔽護 夜叉覓米 爭取食之 食之既飽 惡心轉熾 鬬爭之聲 甚可怖畏 鳩豚茶鬼 蹲踞土埕 或時離地 一尺二尺 往返遊行 縱逆嬉戲 捉狗兩足 撲令失聲 以脚加頸 怖狗自樂 復有諸鬼 其身長大 裸形黑瘦 常住其中 發大惡聲 叫呼求食 復有諸鬼 其咽如針 復有諸鬼 首如牛頭 或食人肉 或復斂狗 頭駭蓬亂 殘害兇險 飢渴所逼 叫喚馳走 夜叉餓鬼 諸惡鳥獸 飢急四向 窺看窓隙 如是諸難 恐畏無量 是打故宅 屬于一人 其人近出 未久之間 於後舍宅 忽然火起 四面一時 其焰俱熾 椽桷椽柱 爆聲震裂 摧折墮落 牆壁崩倒 諸鬼神等 揚聲大叫 鷗鷺諸鳥 鳩豚茶鬼 周憊惶怖 不能自出 惡獸毒虫 藏窟孔穴 毗舍闍鬼 亦住其中 薄福德故 為火所逼 共相殘害

飲血取肉 野干之屬 並已前死 諸大惡獸 覓來食取 臭烟煙燔 四面充塞 蜈蚣蚰蜒 毒蛇之類 兩火所燒 爭走出穴 鳩豚茶鬼 隨取而食 又諸餓鬼 頭上火燃 飢渴熱惱 周憊悶走 其宅如是 甚可怖畏 毒害火災 衆難非一 是時宅主 在門外立 聞有人言 汝諸子等 先因遊戲 來入此宅 稚小無知 歡娛樂著 長者聞已 驚入火宅 方宜救濟 令無燒害 告諭諸子 說衆患難 惡鬼毒虫 災火蔓延 衆苦次第 相續不絕 毒蛇魍魎 及諸夜叉 鳩豚茶鬼 野干狐狗 鷗鷺鴟梟 百足之屬 飢渴惱急 甚可怖畏 山苦難處 况復大火 諸子無知 雖聞父誨 猶故樂著 嬉戲不已 是時長者而作是念 諸子如此 益我愁惱 今此舍宅 無一可樂 而諸子等 耽湎嬉戲 不受我教 將為火害 即便思惟 設諸方便 告諸子等 我有種種 珍玩之具 妙寶好車

添品法華經卷第二第十六張 在闍

羊車座車 大牛之車 今在門外
汝等出來 吾為汝等 造作此車
隨意所樂 可以遊戲 諸子聞說
如此諸車 即時奔競 馳走而出
到於空地 離諸苦難 長者見子
得出火宅 住於四衢 坐師子座
而自慶言 我今快樂 此諸子等
生育甚難 愚小無知 而入險宅
多諸毒虫 魑魅可畏 大火猛焰
四面俱起 而此諸子 貪樂嬉戲
我已救之 今得脫難 是故諸人
我今快樂 今時諸子 知父安坐
皆詣父所 而白父言 願賜我等
三種寶車 如前所許 諸子出來
當以三車 隨汝所欲 今正是時
惟垂給與 長者大富 庫藏衆多
金銀琉璃 碑礪碼碯 以衆寶物
造諸大車 莊校嚴飾 周巾欄楯
四面懸鈴 金繩交絡 真珠羅網
張施其上 金華諸纓 處處垂下
衆彩雜飾 周巾圓繞 柔軟繒纈
以為茵蓐 上妙細氈 價直千億
鮮白淨潔 以覆其上 有大白牛

添品法華經卷第二第十七張 在闍

肥壯多力 形體殊好 以駕寶車
多諸寶從 而侍衛之 以是妙車
等賜諸子 諸子是時 歡喜踊躍
乘是寶車 遊於四方 嬉戲快樂
自在無導 告舍利弗 我亦如是
衆聖中尊 世間之父 一切衆生
皆是吾子 深著世樂 無有慧心
三界無安 猶如火宅 衆苦充滿
甚可怖畏 常有生老 病死憂患
如是等火 熾燃不息 如來已離
三界火宅 寂然閑居 安處林野
今此三界 皆是我有 其中衆生
悉是吾子 而今此處 多諸患難
唯我一人 能為救護 雖復教詔
而不信受 於諸欲染 貪著深故
是以方便 為說三乘 今諸衆生
知三界苦 開示演說 出世間道
是諸子等 若心決定 具足三明
及六神通 有得緣覺 不退菩薩
汝舍利弗 我為衆生 以此譬喻
說一佛乘 汝等若能 信受是語
一切皆當 成得佛道 是乘微妙
清淨第一 於諸世間 為無有上

添品法華經卷第二第十八張 在闍

佛所悅可 一切衆生 所應稱讚
供養禮拜 無量億千 諸力解脫
禪定智慧 及佛餘法 得如是乘
令諸子等 日夜劫數 常得遊戲
與諸菩薩 及聲聞衆 乘此寶乘
直至道場 以是因緣 十方諦求
更無餘乘 除佛方便 告舍利弗
汝諸人等 皆是吾子 我則是父
汝等累劫 衆苦所燒 我皆濟拔
今出三界 我雖先說 汝等滅度
但盡生死 而實不滅 今所應作
唯佛智慧 若有菩薩 於是衆中
能一心聽 諸佛實法 諸佛世尊
雖以方便 所化衆生 皆是菩薩
若人小智 深著愛欲 為此等故
說於苦諦 衆生心喜 得未曾有
佛說苦諦 真實無異 若有衆生
不知苦本 深著苦因 不能暫捨
為是等故 方便說道 諸苦所因
貪欲為本 若滅貪欲 無所依止
滅盡諸苦 名第三諦 為滅諦故
修行於道 離諸苦縛 名得解脫
是人於何 而得解脫 但離虛妄

名為解脫其實未得一切解脫
 佛說是人未實滅度斯人未得
 無上道故我意不欲今至滅度
 我為法王於法自在安隱眾生
 故現於世汝舍利弗我此法印
 為欲利益世間故說在所遊方
 勿妄宣傳若有聞者隨喜頂受
 當知是人阿惟越致若有信受
 此經法者是人已曾見過去佛
 恭敬供養亦聞是法若人有能
 信汝所說則為見我亦見於汝
 及比丘僧并諸菩薩斯法華經
 為深智說淺識聞之迷惑不解
 一切聲聞及辟支佛於此經中
 力所不及汝舍利弗尚於此經
 以信得入況餘聲聞其餘聲聞
 信佛語故隨順此經非已智分
 又舍利弗憍憍懈怠計我見者
 莫說此經凡夫淺識深著五欲
 聞不能解亦勿為說若人不信
 毀謗此經則斷一切世間佛種
 或復顛惑而懷疑惑汝當聽說
 此人罪報若佛在世若滅度後

其有誹謗如斯經典見有讀誦
 書持經者輕賤憎嫌而懷結恨
 此人罪報汝今復聽其人命終
 入阿鼻獄具足一切劫盡更生
 如是展轉至無數劫從地獄出
 當墮畜生若狗野干其形頹瘦
 黧黑疥癩人所觸嫌又復為人
 之所惡賤常困飢渴骨肉枯竭
 生受楚毒死被瓦石斷佛種故
 受斯罪報若作駱駝或生驢中
 身常負重加諸杖撻但念水草
 餘無所知謗斯經故獲罪如是
 有作野干來入聚落身體疥癩
 又無一目為諸童子之所打擲
 受諸苦痛或時致死於此死已
 更受蟒身其形長大五百由旬
 韻駭無足宛轉腹行為諸小虫
 之所啖食晝夜受苦無有休息
 謗斯經故獲罪如是若得為人
 諸根聞能姓陋癡癡盲聾背偃
 有所言說人不信受口氣常臭
 鬼魅所著貧窮下賤為人所使
 多病痛瘦無所依怙雖親附人

人不在意若有所得尋復忘失
 若修醫道順方治病更增他疾
 或復致死若自有病無人救療
 設服良藥而復增劇若他反逆
 抄劫竊盜如是等罪橫羅其殃
 如斯罪人永不見佛眾聖之王
 說法教化如斯罪人常生難處
 狂瞋心亂永不聞法於無數劫
 如恒河沙生轉韻症諸根不具
 常處地獄如遊園觀在餘惡道
 如已舍宅馳驅猪狗是其行處
 謗斯經故獲罪如是若得為人
 靨盲瘡症貧窮諸衰以自莊嚴
 水腫乾癆疥癩癰疽如是等病
 以為衣服身常臭處垢穢不淨
 深著我見增益瞋恚雖欲熾盛
 不擇禽獸謗斯經故獲罪如是
 告舍利弗謗斯經者若說其罪
 窮劫不盡以是因緣我故語汝
 無智人中莫說此經若有利根
 智慧明了多聞強識求佛道者
 如是之人乃可為說若人曾見
 億百千佛殖諸善本深心堅固

添品法華經卷第二 第三張 在焉

如是之人 乃可為說 若人精進
常修慈心 不惜身命 乃可為說
若人恭敬 無有異心 雖諸凡愚
獨處山澤 如是之人 乃可為說
又舍利弗 若見有人 捨惡知識
親近善友 如是之人 乃可為說
若見佛子 持戒清潔 如淨明珠
求大乘經 如是之人 乃可為說
若人無瞋 質直柔軟 常愍一切
恭敬諸佛 如是之人 乃可為說
復有佛子 於大眾中 以清淨心
種種因緣 譬喻言辭 說法無導
如是之人 乃可為說 若有比丘
為一切智 四方求法 合掌頂受
但樂受持 大乘經典 乃至不受
餘經一偈 如是之人 乃可為說
如人至心 求佛舍利 如是求經
得已頂受 其人不復 志求餘經
亦未曾念 外道典籍 如是之人
乃可為說
告舍利弗 我說是相 求佛道者
窮劫不盡 如是等人 則能信解
汝當為說 妙法華經

添品法華經卷第二 第三張 在焉
添品妙法蓮華經信解品第四

今時慧命須菩提摩訶迦旃延摩訶
迦葉摩訶目犍連從佛所聞未曾有
法世尊授舍利弗阿耨多羅三藐三
菩提記發布有心歡喜踊躍即從座
起整衣服偏袒右肩右膝著地一心
合掌曲躬恭敬瞻仰尊顏而白佛言
我等居僧之首年並朽邁自謂已得
涅槃無所堪任不復進求阿耨多羅
三藐三菩提世尊往昔說法既久我
時在座身體疲倦但念空無相無作
於菩薩法遊戲神通淨佛國土成就
衆生心不喜樂所以者何世尊令我
等出於三界得涅槃證又今我等年
已朽邁於佛教化菩薩阿耨多羅三
藐三菩提不生一念好樂之心我等
今於佛前聞授聲聞阿耨多羅三藐
三菩提記心甚歡喜得未曾有不謂
於今忽然得聞希有之法深自慶幸
獲大善利無量珍寶不求自得世尊
我等今者樂說譬喻以明斯義譬若
有人年既幼稚捨父逃逝久住他國
或十二至五十歲年既長大加復

添品法華經卷第二 第三張 在焉

窮困馳騁四方以求衣食漸漸遊行
遇向本國其父先來求子不得中止
一城其家大富財寶無量金銀琉璃
珊瑚琥珀頗梨珠等其諸倉庫悉皆
盈溢多有僮僕臣佐吏民為馬車乘
牛羊無數出入息利乃遍他國商估
賈客亦甚衆多時貧窮子遊諸聚落
經歷國邑遂到其父所止之城父每
念子與子離別五十餘年而未曾向
人說如此事但自思惟心懷悔恨自
念老朽多有財物金銀珠寶倉庫盈
溢無有子息一旦終沒財物散失無所
委付是以慙慙每憶其子復作是念
我若得子委付財物坦然快樂無復
憂慮世尊今時窮子備具展轉遇到
父舍住立門側遙見其父踞師子床
寶几承足諸婆羅門剎利居士皆恭敬
圍繞以真珠纓絡價值直千萬莊嚴其
身吏民僮僕手執白拂侍立左右覆
以寶帳垂諸華幡香水灑地散衆名
華羅列寶物出內取與有如是等種
種嚴飾威德特尊窮子見父有大力
勢即懷恐怖悔來至此竊作是念此

或是王或是王等非我傭力得物之
 處不如往至貧里肆力有地衣食易
 得若久住此或見逼迫強使我作作
 是念已疾走而去時富長者於師子
 座見子便識心大歡喜即作是念我
 財物庫藏今有所付我常思念此子
 無由見之而忽自來甚適我願我雖
 年朽猶故貪惜即遣傍人急追將還
 令時使者疾走往捉窮子驚愕稱怨
 大嘆我不相犯何為見捉使者執之
 逾急強牽將還于時窮子自念無罪
 而被囚執此必定死轉更惶怖悶絕
 躡地父還見之而語使言不須此人勿
 強將來以冷水澀面令得醒悟莫復
 與語所以者何父知其子忘意下劣
 自知豪貴為子所難審知是子而以
 方便不語他人云是我子使者語之
 我今放汝隨意所趣窮子歡喜得未
 曾有從地而起往至貧里以求衣食
 令時長者將欲誘引其子而設方便
 密遣二人形色顛顛無威德者汝可
 詣彼徐語窮子此有作處倍與汝直
 窮子若許將來使作若言欲何所作

便可語之雇汝除糞我等二人亦共
 汝作時二使人即求窮子既已得之
 具陳上事令時窮子先取其價尋與
 除糞其父見子慰而恠之又以他日
 於窓牖中還見子身羸瘦顛顛糞土
 塵塗汙穢不淨即脫纓終細軟上服
 嚴飾之具更著塵弊垢膩之衣塵土
 全身右手執持除糞之器狀有所畏
 語諸作人汝等勤作勿得懈息以方
 便故得近其子又復告言出男子汝
 常此作勿復餘去當加汝價諸有所
 須覓器米麵鹽酢之屬莫自疑難亦
 有老弊使人須者相給好自安意我
 如汝父勿復憂慮所以者何我年老
 大而汝少壯汝常作時無有懈怠瞋
 恨怨言都不見汝有此諸惡如餘作
 人自今已後如所生子即時長者更
 與作字名之為兒令時窮子雖欣此
 遇猶故自謂客作賤人由是之故於
 二十年中常令除糞過是已後心相
 體信入出無難然其所止猶在本處
 世尊令時長者有疾自知將死不久
 語窮子言我今多有金銀珍寶倉庫

盈溢其中多少所應取與汝悉知之
 我心如是當體此意所以者何今我
 與汝便為不異宜加用心無令漏失
 令時窮子即受教勅領知衆物金銀
 珍寶及諸庫藏而無怖取一食之意
 然其所止故在本處下劣之心亦未
 能捨復經少時父知子意漸以通泰
 成就大志自鄙先心臨欲終時而命
 其子并會親族國王大臣剎利居士
 皆悉已集即自宣言諸君當知此是
 我子我之所生於某城中捨吾逃走
 伶仃辛苦五十餘年其本字某我名
 某甲昔在本城懷憂推覓忽於此間
 遇會得之此實我子我實其父令我
 所有一切財物皆是子有先所出內
 是子所知世尊是時窮子聞父此言
 即大歡喜得未曾有而作是念我本
 無心有所怖求今此實藏自然而至
 世尊大富長者則是如來我等皆似
 佛子如來常說我等為子世尊我等
 以三苦故於生死中受諸熱惱迷惑
 無知樂著小法今日世尊令我等思
 惟蠲除諸法戲論之糞我等於中勤

法華經卷第二 第三十八張 在

法華經卷第二 第三十九張 在

法華經卷第二 第三十張 在

加精進得至涅槃一日之價既得此已心大歡喜自以為足而便自謂於佛法中勤精進故所得弘多然世尊先知我等心著弊欲樂於小法便見縱捨不為分別汝等當有如來知見寶藏之分世尊以方便力說如來智慧我等從佛得涅槃一日之價以為大得於此大乘無有志求我等又因如來智慧為諸菩薩開示演說而自於此無有志願所以者何佛知我等心樂小法以方便力隨我等說而我等不知真是佛子今我等方知世尊於佛智慧無所怯惜所以者何我等昔來真是佛子而但樂小法若我等有樂大之心佛則為我說大乘法於此經中唯說一乘而昔於菩薩前毀譽聲聞樂小法者然佛實以大乘教化是故我等說本無心有所怖求今法王大寶自然而至如佛子所應得者皆已得之今時摩訶迦葉欲重宣此義而說偈言

我等今日聞佛音教歡喜踊躍得未曾有佛說聲聞當得作佛

無上寶聚 不求自得 譬如童子 幼稚無識 捨父逃逝 遠到他土 周流諸國 五十餘年 其父憂念 四方推求 求之既疲 頃止一城 造立舍宅 五欲自娛 其家巨富 多諸金銀 車馬璫璫 真珠琉璃 烏馬牛羊 輦輦車乘 田業僮僕 人民衆多 出入息利 乃遍他國 商估賈人 無處不有 千萬億衆 圍繞恭敬 常為王者 之所愛念 群臣豪族 皆共宗重 以諸緣故 往來者衆 豪富如是 有大力勢 而年朽邁 益憂念子 夙夜惟念 死時將至 癡子捨我 五十餘年 庫藏諸物 當如之何 今時窮子 求索衣食 從邑至邑 從國至國 或有所得 或無所得 飢餓羸瘦 體生瘡癬 漸次經歷 到父住城 傭賃展轉 遂至父舍 今時長者 於其門內 施大寶帳 慶師子座 眷屬圍繞 諸人侍衛 或有計竿 金銀寶物 出內財產 注記券疏 窮子見父 豪貴尊嚴

謂是國王 若是王等 驚怖自恠 何故二此 復自念言 我若久住 或見逼迫 追馳使作 思惟是已 馳走而去 借問貧里 欲往傭作 長者是時 在師子座 遙見其子 默而識之 即勅使者 追捉將來 窮子驚笑 迷悶躑躅 是人執我 必當見煞 何用衣食 使我至此 長者知子 愚癡狹劣 不信我言 不信是父 即以方便 更遣餘人 眇目楚陋 無威德者 汝可語之 云當相雇 除諸糞穢 倍與汝價 窮子聞之 歡喜隨求 為除糞穢 淨諸房舍 長者於隔 見其子 念子愚劣 樂為鄙事 於是長者 著弊垢衣 執除糞器 往到子所 方便附近 語令勤作 既益汝價 并塗足油 飲食充足 薦席厚暖 如是苦言 汝當勤作 又以軟語 若如我子 長者有智 漸令入出 經二十年 執作家事 亦其金銀 真珠頗梨 諸物出入 皆使令知 猶處門外 止宿草庵 自念貧事

我無此物添品法華經第一卷第三十一張父知子心漸已曠大
 欲與財物即聚親族國王大臣
 剎利居士於此大衆說是我子
 捨我他行經五十年自見子來
 已二十年昔於某城而失是子
 周行求索遂來至此凡我所有
 舍宅人民悉以付之恣其所用
 子念昔貧志意下劣今於父所
 大獲珍寶并及舍宅一切財物
 甚大歡喜得未曾有佛亦如是
 知我樂小未曾說言汝等作佛
 而說我等得諸無漏成就小乘
 聲聞弟子佛勸我等說軍上道
 修習此者當得成佛我承佛教
 為大菩薩以諸因緣種種譬喻
 若干言辭說無上道日夜思惟
 諸佛子等從我聞法即授其記
 精勤修習是時諸佛一切諸佛
 汝於來世當得作佛演其實事
 秘藏之法但為菩薩如彼窮子
 而不為我說斯真要心不怖取
 得近其父雖知諸物自無志願
 我等雖說佛法實藏

亦復如是添品法華經第二卷第三十二張我等內滅自謂為足
 唯了此事更無餘事我等若聞
 淨佛國土教化衆生都無欣樂
 所以者何一切諸法皆悉空寂
 無生無滅無大無小無漏無為
 如是思惟無生喜樂我等長夜
 於佛智慧無貪無著無復志願
 而自於法謂是究竟我等長夜
 修習空法得脫三界苦惱之患
 住取後身有餘涅槃佛所教化
 得道不虛則為已得報佛之恩
 我等雖為諸佛子等說菩薩法
 以求佛道而於是法永無願樂
 導師見捨觀我心故初不勸進
 說有實利如富長者知子志劣
 以方便力柔伏其心然後乃付
 一切財寶佛亦如是現希有事
 知樂小者以方便力調伏其心
 乃教大智我等今日得未曾有
 非先所望而今自得如彼窮子
 得無量寶世尊我今得道得果
 於無漏法得清淨眼我等長夜
 持佛淨戒始於今日得其果報

法王法中久修梵行今得無漏
 無上大果我等今者真是聲聞
 以佛道聲令一切聞我等今者
 真阿羅漢於諸世間天人魔梵
 普於其中應受供養世尊大恩
 以希有事憐愍教化利益我等
 無量億劫誰能報者手足供給
 頭頂禮敬一切供養皆不能報
 若以頂戴兩肩荷負於恒沙劫
 盡心恭敬又以美膳無量寶衣
 及諸卧具種種湯藥牛頭栴檀
 及諸珍寶以起塔廟寶衣布地
 如斯等事以供養於恒沙劫
 亦不能報諸佛希有無量無邊
 不可思議大神通力無漏無為
 諸法之王能為下劣忍于斯事
 取相凡夫隨宜而說諸佛於法
 得取自在知諸衆生種種欲樂
 及其志力隨所堪任以無量喻
 而為說法隨諸衆生宿世善根
 又知成熟未成熟者種種等量
 分別知已於一乘道隨宜說三
 添品妙法蓮華經卷第二

王寶藏高麗國大藏都監奉
 勅彫造

法華經卷第三

在

隋天竺三藏闍那多共受多譯

藥草喻品第五

尔時世尊告摩訶迦葉及諸大弟子
善哉善哉迦葉善說如來真實功德
誠如所言如來復有無量無邊阿僧
祇功德汝等若於無量億劫說不能
盡迦葉當知如來是諸法之王若有
所說皆不虛也於一切法以智方便
而演說之其所說法皆悉到於一切
智地如來觀知一切諸法之所歸趣
亦知一切衆生深心所行通達無碍
又於諸法究盡明了示諸衆生一切
智慧迦葉譬如三千大千世界山川
谿谷土地所生卉木藥林及諸藥草
種類若干名色各異密雲弥布遍覆
三千大千世界一時等樹其澤普洽
卉木藥林及諸藥草小根小莖小枝
小葉中根中莖中枝中葉大根大莖
大枝大葉諸樹大小隨上中下各有
所受一雲所雨稱其種性而得生長
華菓敷實雖一地所生一雨所潤而

諸草木各有差別迦葉當知如來亦
復如是出現於世如大雲起以大音
聲普遍世界天人阿脩羅如彼大雲
遍覆三千大千國土於大衆中而唱
是言我是如來應供正遍知明行足
善逝世間解無上士調御丈夫天人
師佛世尊未度者令度未解者令解
不安者令安未涅槃者令得涅槃今
世後世如實知之我是一切知者一
切見者知道者開道者說道者汝等
天人阿脩羅衆皆應到此為聽法故
尔時無數千萬億種衆生來至佛所
而聽法如來于時觀是衆生諸根利
鈍精進懈怠隨其所堪而為說法種
種無量皆令歡喜使行善利是諸衆
生聞是法已現世安隱後生善處以
道受樂亦得聞法既聞法已離諸障
碍於諸法中任力所能漸得入道如
彼大雲雨於一切卉木藥林及諸藥
草如其種性具足蒙潤各得生長如
來說法一相一味所謂解脫相離相
滅相究竟至於一切種智共有衆生
聞如來法若持讀誦如說修行所得

功德不自覺知所以者何唯有如來
知此衆生種種相體性念何事思何事
修何事云何念云何思云何修以何
法念以何法思以何法修以何法得
何法衆生住於種種之地唯有如來
如實見之明了無碍如彼卉木藥林
諸藥草等而不自知上中下性如來
知是一相一味之法所謂解脫相離
相滅相究竟涅槃常寂滅相終歸於
空佛知是已觀衆生心欲而將護之
是故不即為說一切種智汝等迦葉
甚為希有能知如來隨宜說法能信
能受所以者何諸佛世尊隨宜說法
難解難知尔時世尊欲重宣此義而
說偈言
破有法王 出現世間 隨衆生欲
種種說法 如來尊重 智慧深遠
久默斯要 不務速說 有智若聞
則能信解 無智疑悔 則為永失
是故迦葉 隨力為說 以種種緣
令得正見 迦葉當知 譬如大雲
起於世間 遍覆一切 惠雲含潤
電光是曜 雷聲遠震 令衆悅豫

日光掩蔽 地上清涼 覆垂布
 如可承攬 其雨普等 四方俱下
 流澍無量 率土充洽 山川嶺谷
 幽邃所生 卉木藥草 大小諸樹
 百穀苗稼 甘蔗蒲桃 雨之所潤
 無不豐足 乾地普洽 藥木並茂
 其雲所出 一味之水 草木叢林
 隨分受潤 一切諸樹 上中下等
 稱其大小 各得生長 根莖枝葉
 華果光色 一雨所及 皆得鮮澤
 如其體相 性分大小 所潤是一
 而各滋茂 佛亦如是 出現於世
 譬如大雲 普覆一切 既出于世
 為諸眾生 分別演說 諸法之實
 大聖世尊 於諸天人 一切眾中
 而宣是言 我為如來 兩足之尊
 出于世間 猶如大雲 充潤一切
 枯槁眾生 皆令離苦 得安隱樂
 世間之樂 及涅槃樂 諸天人眾
 一心善聽 皆應到此 觀無上尊
 我為世尊 無能及者 安隱眾生
 故現於世 為大眾說 甘露淨法
 其法一味 解脫涅槃 以一妙音

演暢斯義 常為大乘 而作因緣
 我觀一切 普皆平等 無有彼此
 愛憎之心 我無貪著 亦無限導
 恒為一切 平等說法 如為一人
 眾多亦然 常演說法 曾無他事
 去來坐立 終不疲歇 充足世間
 如雨所潤 貴賤上下 持戒毀戒
 威儀具足 及不具足 正見邪見
 利根鈍根 等雨法雨 而無懈倦
 一切眾生 聞我法者 隨力所受
 住於諸地 或處人天 轉輪聖王
 釋梵諸天 是小藥草 知無漏法
 能得涅槃 起六神通 及得三明
 獨處山林 常行禪定 得緣覺證
 是中藥草 求世尊處 我當作佛
 行精進定 是上藥草 又諸佛子
 專心佛道 常行慈悲 自知作佛
 決定無疑 是名小樹 安住神通
 轉不退輪 度無量億 百千眾生
 如是菩薩 名為大樹 佛平等說
 如一味雨 隨眾生性 所受不同
 如彼草木 所稟各異 佛以此喻
 方便開示 種種言辭 演說一法

於佛智慧 如海一滴 我雨法雨
 充滿世間 一味之法 隨力修行
 如彼叢林 藥草諸樹 隨其大小
 漸增茂好 諸佛之法 常以一味
 令諸世間 普得具足 漸次修行
 皆得道果 聲聞緣覺 處於山林
 住最後身 聞法得果 是名藥草
 各得增長 若諸菩薩 智慧堅固
 了達三界 求取上乘 是名小樹
 而得增長 復有住禪 得神通力
 聞諸法空 心大歡喜 放無數光
 度諸眾生 是名大樹 而得增長
 如是迦葉 佛所說法 譬如大雲
 以一味雨 潤於人華 各得成實
 迦葉當知 以諸因緣 種種譬喻
 開示佛道 是我方便 諸佛亦然
 今為汝等 說取實事 諸聲聞眾
 皆非減度 汝等所行 是菩薩道
 漸漸修學 悉當成佛
 復次迦葉 如來於諸眾生 調伏平等
 迦葉譬如 日月光明 照於世間 若作
 善若作不善 若高處住 若下處住 若
 香若臭 諸處平等 光照無偏 如是迦

添品法華經卷第三 第九張 在

業如來應正遍知一切種智心之光
明於諸五趣衆生受生之中如其信
解大乘緣覺乘聲聞乘中為說正法
平等而轉如來智慧亦無增減如其
福智聚集而生迦葉無有三乘唯彼
衆生別異行故施設三乘慧命摩訶
迦葉白佛言世尊若無三乘何故現
世施設聲聞緣覺菩薩佛告慧命摩
訶迦葉譬如作元器者等和土涅而
用作器彼中或有盛沙糖器或盛酥
器或盛乳酪器或盛惡臭穢器盛亦
無有種種別異而物著中隨所受量
器則種種別異施設如是迦葉此唯
一乘所謂大乘無有二乘及以三乘
慧命摩訶迦葉白佛言世尊彼諸衆
生種種信解若出三界彼等為一涅
縣為當二三佛告慧命摩訶迦葉若
覺諸法體等涅縣彼亦唯一無有二
迦葉以彼義故我當為汝作喻以此
喻故有智丈夫則當解我所說之義
迦葉譬如生盲丈夫作如是言無有
好惡等色亦無好惡等色可見無有
日月星宿等亦無星宿等可見有異

添品法華經卷第三 第九張 在

丈夫於彼生盲者前說如是言有好
惡等色亦有好惡等色可見有日月
星宿等亦有星宿等可見生盲丈夫
雖聞其說而不信受時有良醫能知
諸病見彼生盲丈夫如是念言其彼
丈夫先有惡業今有病生若其病生
則有四種所謂風黃與瘡及以等分
時彼良醫為欲滅其病故又復方便
如是思惟所有藥物世所行者彼等
不能療治此病唯雪山王有四種藥
何等為四所謂初名順入諸色味慶
二名解脫諸病三名破壞諸毒四名
隨所住處施與安樂是為四種時彼
良醫於生盲所發生悲愍興起如是
方便思惟以彼方便詣雪山王到已
上頂或下入或傍行周遍觀察既觀
察已得四種藥於中或以齒等咀嚼
作已與之或以石磨或復和別藥物
煮熟與之或復和生藥物作已與之
或針刺身與作孔穴或有與火炙燒
或以別異藥物相和乃至飲食和而
與之時彼生盲以方便相應故即時
得眼彼得眼已內外遠近日月光明

添品法華經卷第三 第九張 在

星宿諸色皆悉得見說如是不信受我今
我甚愚癡我聞先說本不信受我今
此時皆悉得見我盲已脫亦已得眼
無勝我者彼時復有五通仙人天眼
天耳了知他心憶念宿住善證智通
語丈夫言丈夫汝唯得眼餘無一知
汝今何故已生憍慢汝亦未有智慧
善巧彼復作如是言丈夫汝入室坐
外有別色不見不知汝亦不知衆生
善心惡心五踰闍鄰邊住所有言說
鼓貝等聲汝亦不聞不知拘盧舍邊
不舉兩足不能往到及生長已母胎
作業汝亦不念云何汝有巧智云何
作如是言我悉得見又汝丈夫闇作
明知明作闇知時彼丈夫語仙人言
以何方便又作何等清淨業已當得
是智及於汝等淨信力故我亦當得
如此功德時彼仙人語丈夫言若欲
如是汝應當住空閑山窟坐思念法
及斷煩惱當得神通具足功德時彼
丈夫受其義已即行出家住空閑處
專守一心斷世渴愛得五神通既得
五神通已思惟我先作於別業以彼

因故無一切德可以證知我念此時隨所思念即能得去我於昔時少智少慧有盲而住迦葉作此辭喻欲令知義於此義中復應當見迦葉其生盲者即是六趣流轉中住所有衆生若於正法未有知覺煩惱盲闇則當增長及彼無明闇冥以無明闇冥故行業聚集以行業為緣故名色乃至唯有大苦之聚積集當生如是無明闇冥衆生流轉中住唯有如來超出三界發生悲愍亦如慈父愛念一子發悲愍已下入三界見彼衆生於流轉輪中行不如實知出離流轉佛以佛眼而觀見之見已了知此等衆生先世作善少瞋厚欲少欲厚瞋或有少智或有巧慧或有成熟清淨或有邪見彼等衆生佛為方便巧說三乘如彼仙人五通淨眼者即是菩薩菩提心生得無生忍證覺無上正真之覺如彼大醫即是如來當如是見如彼生盲即是癡闇衆生當如是見如彼風黃瞶等即是欲瞋及癡六十二見當如是見如四種藥即是空無相

無願涅槃門當如是見隨所服藥其病隨滅即是空無相無願解脫門正修念已無明當滅無明滅故行滅乃至唯有大苦聚滅如是思惟不住善中亦不惡中如盲得眼即是聲聞緣覺乘當如是見剎斷流轉煩惱繫縛解脫煩惱解脫六趣及以三界以彼義故聲聞乘者如是念言無有別法更須證覺我今已得到於涅槃今時如來為彼說法若於諸法未能悉到何處彼有究竟涅槃彼等佛以菩提教化發菩提心不住流轉不到涅槃彼悟三界十方空寂皆如化夢及以焰智觀見諸法不生不滅不縛不解不闇不明如是見甚深法彼見亦無所見而亦恒見滿諸三界別異衆生心之信解亦時世尊欲重宣此義而說偈言

譬如日月光平等照三千於善及於惡而光無增減如來智慧光平等如日月教化諸衆生無增亦無減如及師作器平等和土渥於中器或盛沙糖乳酥水或有盛不淨或有盛於酪彼唯取一渥

及師用為器若物隨其內因彼知器名如衆生無餘如來隨別欲華說乘差別決定唯佛乘無智故輪轉而不知寂滅若人能知空遠離於法我彼知佛世尊所得正真覺安置廣中智說名緣覺者空智教化已顯名為聲聞若能覺諸法說名正遍知如有生盲者不見日月星彼使如是言無有諸色類大醫於生盲為其入慈悲往詣雪山已上下及傍行求得於良藥順入色味處如是等四種和合而療治或有用齒齧或有以石磨或以針入身療治生盲者彼既得眼已即見日月光復作如是念昔時無智說是流轉衆生盲大無智緣生輪所運無智受苦道無智癡世中如是一切智如來大良醫出生悲愍體彼以善方便演說寂正法無上佛覺智演說寂勝乘廣說廣中際中智導師者怖畏於流轉為讚異菩提出離三界已聲聞自知住如是念我得涅槃無垢安當得諸法覺涅槃甘露慶大仙於彼故為其入悲愍告言汝愚癡莫念我是智若有於倉舍汝住彼中時外有則不知汝是小智者

添品法華經卷第三 第三

若住彼中時知外作未作彼亦未是知
况汝小智者五踰闍鄰量若有音聲出
汝不能聞彼何况別速住他人於汝所
若受若惡心汝不能知彼如何生普暢
欲向俱盧舍不步不能往汝胎所有事
汝亦忘彼時若得五神通乃名一切智
汝癡無一智而說是智者汝欲一切智
出生於神通若住空閑處神通則可出
思惟清淨法則當得神通受教詣空閑
思惟入靜室得五神通已不久具功德
如是諸聲聞念得涅槃想諸佛說彼時
小息非涅槃是諸佛方便為說如此道
若離一切智無有發涅槃三世智無邊
六度行清淨空寂及無相作願亦除捨
及以菩提心別法向涅槃及四種梵行
四攝亦讚說為教化眾生勝仙而說此
若復知諸法自性如幻夢不實似芭蕉
亦與音響等及知彼自性三界無餘殘
不縛亦不解不知於滅度諸法平等空
無有異體者此亦無所見不觀於一法
彼見大智者法身無餘殘無有於三乘
一乘此中有諸法皆平等平等常等等
知如是智已涅槃甘露安

添品妙法蓮華經授記品第六
添品法華經卷第二 第四 不

今時世尊說是偈已告諸大眾唱如
是言我此弟子摩訶迦葉於未來世
當得奉觀三百萬億諸佛世尊供養
恭敬尊重讚嘆廣宣諸佛無量大法
於寂後身得成為佛名曰光明如來
應供正遍知明行足善逝世間解無
上士調御丈夫天人師佛世尊國名
光德劫名大莊嚴佛壽十二小劫正
法住世二十小劫像法亦住二十小
劫國界嚴飾無諸穢惡及礫荆棘便
利不淨其土平正無有高下坑坎堤
埤琉璃為地寶樹行列黃金為繩以
界道側散諸寶華周遍清淨其國菩
薩無量千億諸聲聞眾亦復無數無
有魔事雖有魔及魔民皆護佛法今
時世尊欲重宣此義而說偈言
告諸比丘我以佛眼見是迦葉
於未來世過無數劫當得作佛
而於來世供養奉觀三百萬億
諸佛世尊為佛智慧淨修梵行
供養取上兩足尊已修集一切
無上之慧於寂後身得成為佛

添品法華經卷第一 第五 在

其土清淨琉璃為地多諸寶樹
行列道側金繩界道見者歡喜
常出好香散眾名華種種奇妙
以為莊嚴其地平正無有丘坑
諸菩薩眾不可稱計其心調柔
逮大神通奉持諸佛大乘經典
諸聲聞眾無漏後身法王之子
亦不可計乃以天眼不能數知
其佛當壽十二小劫正法住世
二十小劫像法亦住二十小劫
光明世尊其事如是
今時大目犍連須菩提摩訶迦葉
等皆悲悚慄一心合掌瞻仰世尊目
不暫捨即共同聲而說偈言
大雄猛世尊諸釋之法王哀愍我等故
而賜佛音聲若知我深心見為授記者
如以甘露灑除熱得清涼如從飢國來
忽遇大王饌心猶懷疑懼未敢即便食
若復得王教然後乃敢食我等亦如是
每惟小乘過不知當云何得佛無上慧
雖聞佛音聲言我等作佛心尚懷憂懼
如未敢便食若蒙佛授記今乃快安樂
大雄猛世尊常欲安世間願賜我等記

添品法華經卷第三 第七段 在 如飢須教食

尔時世尊知諸大弟子心之所念告諸比丘是須菩提於當來世奉觀三百萬億那由他佛供養恭敬尊重讚嘆常修梵行具菩薩道於寂後身得成為佛号曰名相如來應供正遍知明行足善逝世間解無上士調御丈夫天人師佛世尊劫名有寶國名寶生其土平正願梨為地寶樹莊嚴無諸丘坑沙磧荆棘便利之穢寶華覆地周遍清淨其土人民皆慶寶臺珍妙樓閣聲聞弟子無量無邊竿數辟喻所不能知諸菩薩眾無數千萬億那由他佛壽十二小劫正法住世二十小劫像法亦住二十小劫其佛常處虛空為眾說法度脫無量菩薩及聲聞眾尔時世尊欲重宣此義而說偈言

諸比丘眾 今告汝等 皆當一心聽我所說 我大弟子 須菩提者當得作佛 号曰名相 當供無數萬億諸佛 隨佛所作 漸具大道取後身得 三十二相 端正殊妙

添品法華經卷第三 第十七段 在 猶如寶山

其佛國土 嚴淨第一 衆生見者 無不受樂 佛於其中 度無量衆 其佛法中 多諸菩薩 皆悉利根 轉不退輪 彼國常以 菩薩莊嚴 諸聲聞眾 不可稱數 皆得三明 具六神通 住八解脫 有大威德 其佛說法 現於無量 神通變化 不可思議 諸天人民 數如恒沙 皆共合掌 聽受佛語 其佛當壽 十二小劫 正法住世 二十小劫 像法亦住 二十小劫 尔時世尊復告諸比丘眾我今語汝是大迦旃延於當來世以諸供具供養奉事八千億佛恭敬尊重諸佛滅後各起塔廟高千由旬縱廣正等五百由旬以金銀琉璃車渠瑪瑙真珠玫瑰七寶合成衆華瓔珞塗香末香燒香繒蓋幢幡供養塔廟過是已後當復供養二萬億佛亦復如是供養是諸佛已具菩薩道當得作佛号曰閻浮那提金光如來應供正遍知明行足善逝世間解無上士調御丈夫天人師佛世尊其土平正願梨為地

猶如寶山 其佛國土 嚴淨第一 衆生見者 無不受樂 佛於其中 度無量衆 其佛法中 多諸菩薩 皆悉利根 轉不退輪 彼國常以 菩薩莊嚴 諸聲聞眾 不可稱數 皆得三明 具六神通 住八解脫 有大威德 其佛說法 現於無量 神通變化 不可思議 諸天人民 數如恒沙 皆共合掌 聽受佛語 其佛當壽 十二小劫 正法住世 二十小劫 像法亦住 二十小劫 尔時世尊復告諸比丘眾我今語汝是大迦旃延於當來世以諸供具供養奉事八千億佛恭敬尊重諸佛滅後各起塔廟高千由旬縱廣正等五百由旬以金銀琉璃車渠瑪瑙真珠玫瑰七寶合成衆華瓔珞塗香末香燒香繒蓋幢幡供養塔廟過是已後當復供養二萬億佛亦復如是供養是諸佛已具菩薩道當得作佛号曰閻浮那提金光如來應供正遍知明行足善逝世間解無上士調御丈夫天人師佛世尊其土平正願梨為地

添品法華經卷第三 第十八段 在 寶樹莊嚴黃金為繩

以界道側妙華覆地周遍清淨見者歡喜無四惡道地獄餓鬼畜生阿修羅道多有天人諸聲聞眾及諸菩薩無量萬億莊嚴其國佛壽十二小劫正法住世二十小劫像法亦住二十小劫尔時世尊欲重宣此義而說偈言 諸比丘眾 皆一心聽 如我所說 真實無異 是迦旃延 當以種種 妙好供具 供養諸佛 諸佛滅後 起七寶塔 亦以華香 供養舍利 其寂後身 得佛智慧 成等正覺 國土清淨 度脫無量 萬億衆生 皆為十方 之所供養 佛之光明 無能勝者 其佛号曰 閻浮金光 菩薩聲聞 斷一切有 無量無數 莊嚴其國 尔時世尊復告大衆我今語汝是大目犍連當以種種供具供養八千諸佛恭敬尊重諸佛滅後各起塔廟高千由旬縱廣正等五百由旬以金銀琉璃車渠瑪瑙真珠玫瑰七寶合成衆華瓔珞塗香末香燒香繒蓋幢幡

寶樹莊嚴黃金為繩以界道側妙華覆地周遍清淨見者歡喜無四惡道地獄餓鬼畜生阿修羅道多有天人諸聲聞眾及諸菩薩無量萬億莊嚴其國佛壽十二小劫正法住世二十小劫像法亦住二十小劫尔時世尊欲重宣此義而說偈言 諸比丘眾 皆一心聽 如我所說 真實無異 是迦旃延 當以種種 妙好供具 供養諸佛 諸佛滅後 起七寶塔 亦以華香 供養舍利 其寂後身 得佛智慧 成等正覺 國土清淨 度脫無量 萬億衆生 皆為十方 之所供養 佛之光明 無能勝者 其佛号曰 閻浮金光 菩薩聲聞 斷一切有 無量無數 莊嚴其國 尔時世尊復告大衆我今語汝是大目犍連當以種種供具供養八千諸佛恭敬尊重諸佛滅後各起塔廟高千由旬縱廣正等五百由旬以金銀琉璃車渠瑪瑙真珠玫瑰七寶合成衆華瓔珞塗香末香燒香繒蓋幢幡

法華經卷第三 第七段 在

以用供養過是已後當復供養二百萬億諸佛亦復如是當得成佛。曰：多摩羅跋旃檀香如來應供正遍知。明行足善逝世間解無上士調御丈夫天人師佛世尊。劫名喜滿國名意樂其土平正頗梨為地寶樹莊嚴。妙真珠華周遍清淨見者歡喜多諸天人菩薩聲聞其數無量。佛壽二十四小劫正法住世四十小劫像法亦住四十小劫。尔時世尊欲重宣此義而說偈言：

我此弟子大目犍連捨是身已得見八千二百萬億諸佛世尊。為佛道故供養恭敬於諸佛所常修梵行於無量劫奉持佛法。諸佛滅度起七寶塔長表金刹花香伎樂而以供養諸佛塔廟。漸漸具足菩薩道已於意樂國而得作佛。号多摩羅拺檀之香其佛壽命二十四劫常為天人演說佛道聲聞無量如恒河沙。三明六通有大威德菩薩無數志圖精進於佛智慧皆不退轉。

法華經卷第三 第七段 在

佛滅度後正法當住四十小劫。像法亦尔我諸弟子威德具足其數五百皆當授記於未來世咸得成佛。我及汝等宿世因緣吾今當說汝等善聽。

添品妙法蓮華經化城喻品第七

佛告諸比丘乃往過去無量無邊不可思議阿僧祇劫今時有佛名大通智勝如來應供正遍知明行足善逝世間解無上士調御丈夫天人師佛世尊其國名好成劫名大相諸比丘彼佛滅度已來甚大久遠譬如三千大千世界所有地種假使有人磨以為墨過於東方千國土乃下一點大如微塵又過千國土復下一點如是展轉盡地種墨於汝等意云何是諸國土若竿師若竿師弟子能得邊際知其數不不也世尊諸比丘是人所經國土若點不點盡末為塵一塵一劫彼佛滅度已來復過是數無量無邊百千萬億阿僧祇劫我以如來知見力故觀彼久遠猶若今日今時世尊欲重宣此義而說偈言：

添品法華經卷第三 第七段 在

我念過去世無量無邊劫有佛兩足尊名大通智勝如人以力磨三千大千土盡此諸地種皆悉以為墨過於千國土乃下一塵點如是展轉盡此諸塵墨如是諸國土點與不點等復盡末為塵一塵為一劫此諸微塵數其劫復過是彼佛滅度來如是無量劫如來無量智知彼佛滅度及聲聞菩薩如見今滅度諸比丘當知佛智淨微妙無漏無所尋通達無量劫。

佛告諸比丘大通智勝佛壽五百四十萬億那由他劫其佛本坐道場破魔軍已垂得阿耨多羅三藐三菩提而諸佛法不現在前如是一小劫乃至十小劫結跏趺坐身心不動而諸佛法猶不在前今時切利諸天先為彼佛於菩提樹下教師子座高一由旬佛於此坐當得阿耨多羅三藐三菩提。菩提時諸梵天王雨眾天華面百由旬香風時來吹去萎華更雨新者如是不絕滿十小劫供養於佛乃至滅度常雨此華四王諸天為供養佛常擊天鼓其餘諸天作天使。

樂滿十小劫至於滅度亦復如是諸比丘大通智勝佛過十小劫諸佛之法乃現在前成阿耨多羅三藐三菩提其佛未出家時有十六子其第一者名曰智積諸子各有種種珍異玩好之具聞父得成阿耨多羅三藐三菩提皆捨所珍往詣佛所諸母涕泣而隨送之其祖轉輪聖王與一百大臣及餘百千萬億人民皆共圍繞隨至道場咸欲親近大通智勝如來供養恭敬尊重讚嘆到已頭面礼足繞佛畢已一心合掌瞻仰尊顏以偈頌曰大威德世尊為度眾生故於無量億歲今乃得成佛諸願已具足善哉吉無上世尊其希有一坐十小劫身體及手足靜然安不動其心常懷怕未曾有散亂究竟永寂滅安住無漏法今者見世尊安隱成佛道我等得善利稱慶大歡喜眾生常苦惱盲冥無導師不識苦盡道不知求解脫長夜增惡趣咸賴諸天眾從冥入於冥永不聞佛名今佛得取上安隱無漏道我等及天人為得最大利是故咸稽首歸命無上尊

今時十六王子偈讚佛已勸諸世尊轉於法輪咸作是言世尊說法多所安隱憐愍慈饒益諸天人民重說偈言世雄無等倫百福自在嚴得無上智慧願為世間說度脫於我等及諸眾生類為分別顯示令得是智慧若我等得佛眾生亦復然世尊知眾生深心之所念亦知所行道又知智慧力欲樂及修福宿命所行業世尊悉知已當轉無上輪佛告諸比丘大通智勝佛得阿耨多羅三藐三菩提時十方各五百万億諸佛世界六種震動其國中間幽冥之處日月威光所不能照而皆大明其中眾生各得相見咸作是言此中云何忽生眾生又其國界諸天宮殿乃至梵宮六種震動大光普照遍滿世界勝諸天光今時東方五百万億諸國中梵天宮殿光明照曜倍於常明諸梵天王各作是念今者宮殿光明昔所未有以何因緣而現此相是時諸梵天王即各相詣共議此事時彼眾中有一大梵天王名救一切為諸梵眾而說偈言

我等諸宮殿光明昔未有此是何因緣豈可共求之為大德天生為佛出世間而此大光明遍照於十方今時五百萬億國土諸梵天王與宮殿俱各以衣祴咸詣天華共詣西方推尋是相見大通智勝如來處于道場菩提樹下坐師子座諸天龍王乳闍婆緊那羅摩睺羅伽人非人等恭敬圍繞及見十六王子詣佛轉法輪即時諸梵天王頭面礼佛繞百千匝即以天華而散佛上其所散華如須弥山并以供養佛菩提樹其菩提樹高十由旬華供養已各以宮殿奉上彼佛而作是言唯見哀愍饒益我等所獻宮殿願垂納受今時諸梵天王即於佛前一心同聲以偈頌曰世尊甚希有難可得值遇具無量功德能救護一切天人之大師哀愍於世間十方諸眾生普皆蒙饒益我等所從來五百萬億國捨深禪定樂為供養佛故我等先世福宮殿甚嚴飾今以奉世尊唯願哀納受今時諸梵天王偈讚佛已各作是言

淨品法華經卷第三 第二十

唯願世尊轉於法輪度脫衆生開涅槃道時諸梵天王一心同聲而說偈言
世推兩足尊唯願演說法以大慈悲力度苦惱衆生

尔時大通智勝如來默然許之又諸比丘東南方五百萬億國土諸大梵王各自見宮殿光明照曜昔所未有歡喜踊躍生希有心即各相詣共議此事時彼衆中有一大梵天王名曰大悲為諸梵衆而說偈言

是事何因緣而現如此相我等諸宮殿光明昔未有為大德天生為佛出世間未曾見此相當共一心求過千萬億土尋光共推之多是佛出世度脫苦衆生尔時五百萬億諸梵天王與宮殿俱各以衣祴盛諸天華共詣西北方推尋是相見大通智勝如來處于道場菩提樹下坐師子座諸天龍王乾闥婆緊鄰羅摩睺羅伽人非人等恭敬圍繞及見十六王子請佛轉法輪時諸梵天王頭面礼佛繞百千匝即以天華而散佛上所散之華如須弥山并以供養佛菩提樹華供養已各以

淨品法華經卷第三 第二十一

言殿奉上彼佛而作是言唯見衆慙繞益我等所獻宮殿願垂納受尔時諸梵天王即於佛前一心同聲以偈頌曰

聖主天中王迦陵頻伽聲哀愍衆生者我等今敬礼世尊其希有久遠乃一現一百八十劫空過無有佛三惡道充滿諸天衆減少今佛出於世為衆生作眼世間所歸起救護於一切為衆生之父哀愍饒益者我等宿福慶今得值世尊尔時諸梵天王偈讚佛已各作是言唯願世尊哀愍一切轉於法輪度脫衆生時諸梵天王一心同聲而說偈言大聖轉法輪顯示諸法相度苦惱衆生今得大歡喜衆生間是法得道若生天諸惡道減少忍善者地益

尔時大通智勝如來默然許之又諸比丘南方五百萬億國土諸大梵天各自見宮殿光明照曜昔所未有歡喜踊躍生希有心即各相詣共議此事以何因緣我等宮殿有此光明時彼衆中有一大梵天王名曰妙法為諸梵衆而說偈言

淨品法華經卷第三 第二十二

我等諸宮殿光明甚盛雖此非無因緣是相宜求之過於百千劫未曾見是相為大德天生為佛出世間

尔時五百萬億諸梵天王與宮殿俱各以衣祴盛諸天華共詣北方推尋是相見大通智勝如來處于道場菩提樹下坐師子座諸天龍王乾闥婆緊鄰羅摩睺羅伽人非人等恭敬圍繞及見十六王子請佛轉法輪時諸梵天王頭面礼佛繞百千匝即以天華而散佛上所散之華如須弥山并以供養佛菩提樹華供養已各以宮殿奉上彼佛而作是言唯見哀愍饒益我等所獻宮殿願垂納受尔時諸梵天王即於佛前一心同聲以偈頌曰

世尊甚難見破諸煩惱者過百三十劫今乃得一見諸飢渴衆生以法雨充滿昔所未曾觀無量智慧者如優曇鉢羅今日乃值遇我等諸宮殿蒙光故嚴飾世尊大慈愍唯願垂納受尔時諸梵天王偈讚佛已各作是言唯願世尊轉於法輪令一切世間諸

天魔梵沙門婆羅門皆獲安隱而得度脫時諸梵天王一心同聲而說偈言

惟願天人尊轉無上法輪擊于大法鼓而吹大法螺普雨大法雨度無量眾生我等咸歸請當演深遠音

今時大通智勝如來默然許之西南方乃至下方亦復如是

今時上方五百万億國土諸梵天王皆悉自觀所止宮殿光明威曜昔所未有歡喜踊躍生希有心即各相詣共議此事以何因緣我等宮殿有斯光明時彼眾中有一大梵天王名曰尸棄為諸梵眾而說偈言

今以何因緣我等諸宮殿威德光明曜嚴飾未曾有如是之妙相昔所不聞見為大德天生為佛出世間

今時五百万億諸梵天王與宮殿俱各以衣祴威詣天華共詣下方推尋此相見大通智勝如來處于道場菩提樹下坐師子座諸天龍王乾闥婆緊那羅摩睺羅伽人非人等恭敬圍繞及見十六王子請佛轉法輪時諸

梵天王頭面礼佛繞百千匝即以天華而散佛上所散之華如須弥山并以供養佛菩提樹華供養已各以宮殿奉上彼佛而作是言唯見哀愍能益我等所獻宮殿願垂納慶今時諸梵天王即於佛前一心同聲以偈頌曰

善哉見諸佛救世之聖尊能於三界獄勉出諸眾生普智天人尊哀愍群萌類能開甘露門廣度於一切於昔無量劫空過無有佛世尊未出時十方常闇冥三惡道增長阿脩羅亦感諸天眾轉滅死多墮惡道不從佛聞法常行不善事色力及智慧斯等皆減少罪業因緣故失樂及樂想住於邪見法下識善儀則不蒙佛所化常墮於惡道佛為世間眼久遠時乃出哀愍諸眾生故現於世間超出成正覺我等甚欣慶及餘一切眾喜嘆未曾有我等諸宮殿蒙光故嚴飾今以奉世尊唯垂哀愍受願以此功德普及於一切我等與眾生皆共成佛道今時五百万億諸梵天王偈讚佛已各白佛言唯願世尊轉於法輪多所

安隱多所度脫時諸梵天王一心同聲而說偈言

世尊轉法輪擊甘露法鼓度苦惱眾生開示涅槃道唯願受我請以大微妙音哀愍而敷演無量劫集法

今時大通智勝如來受十方諸梵天王及十六王子請即時三轉十二行法輪若沙門婆羅門若天魔梵及餘世間所不能轉謂是苦是苦集是苦滅是苦滅道及廣說十二因緣法無明緣行行緣識識緣名色名色緣六入六入緣觸觸緣受受緣愛愛緣取取緣有有緣生生緣老死愛悲苦惱無明滅則行滅行滅則識滅識滅則名色滅名色滅則六入滅六入滅則觸滅觸滅則受滅受滅則愛滅愛滅則取滅取滅則有滅有滅則生滅生滅則老死憂悲苦惱滅佛於天人大眾之中說是法時六百万億那由他人以不受一切法故而於諸漏心得解脫皆得深妙禪定三昧六通具八解脫第二第三第四說法時千万億恒河沙那由他等眾生亦以不受一

法華經卷第三 第三十

切法故而於諸漏心得解脫從是已後諸聲聞衆無量無邊不可稱數。爾時十六王子皆以童子出家而為沙彌。諸根通利智慧明了。已曾供養百千萬億諸佛。淨修梵行。求阿耨多羅三藐三菩提。俱白佛言。世尊。是諸無量千萬億大德聲聞。皆已成就世尊。亦當為我等說阿耨多羅三藐三菩提法。我等聞已。皆共修學。世尊。我等悉願如來知見深心。所念佛自證知。今時轉輪聖王。所將衆中八萬億人。見十六王子出家。亦未出家。王即聽許。今時彼佛受沙彌請過二万劫已。乃於四衆之中。說是大乘經名妙法蓮華教。菩薩法。佛所護念。說是經已。十六沙彌為阿耨多羅三藐三菩提。故皆共受持誦誦。通利說是經時。十六菩薩沙彌皆悉信受。聲聞衆中亦有信解。其餘衆生。十萬億種皆生疑。惑。佛說是經於八千劫。未曾休廢。說此經已。即入靜室。住於禪定。八万四千劫。是時十六菩薩沙彌知佛入室。寂然禪定。各昇法座。亦於八万四千

法華經卷第三 第三十

劫。為四部衆廣說分別妙法華經。一皆度六百萬億那由他恒河沙等衆生。十教利喜。令發阿耨多羅三藐三菩提心。大通智勝佛過八万四千劫已。從三昧起。往詣法座。安詳而坐。普告大衆。是十六菩薩沙彌。甚為希有。諸根通利。智慧明了。已曾供養無量千萬億數諸佛。於諸佛所。常修梵行。受持佛智。開示衆生。令入其中。汝等皆當數數親近而供養之。所以者何。若聲聞辟支佛及諸菩薩。能信是十六菩薩所說經法。受持不毀者。是人皆當得阿耨多羅三藐三菩提。如來之慧。佛告諸比丘。是十六菩薩常樂說是妙法華經。一菩薩所化六百萬億那由他恒河沙等衆生。世所生與菩薩俱。從其聞法。悉皆信解。以此因緣。得值四万億諸佛。世尊。于今不盡諸比丘。我今語汝。彼佛弟子。十六沙彌。今皆得阿耨多羅三藐三菩提。於十方國土。現在說法。有無量百千萬億菩薩聲聞。以為眷屬。其二沙彌東方作佛。一名阿閼在歡喜國。二

法華經卷第三 第三十

名須弥頂東南方二佛。一名師子音。二名師子相南方二佛。一名虛空住。二名常滅西南方二佛。一名帝相。二名梵相。西方二佛。一名阿弥陀。二名度一切世間苦惱。西北方二佛。一名多摩羅跋旃檀香神通。二名須弥相。北方二佛。一名雲自在。二名雲自在。王東北方佛名壞一切世間怖畏。第十六我釋迦牟尼佛。於娑婆國土。成阿耨多羅三藐三菩提。諸比丘。我等為沙彌時。各各教化無量百千萬億恒河沙等衆生。從我聞法。為阿耨多羅三藐三菩提。此諸衆生于今。有住聲聞地者。我常教化。阿耨多羅三藐三菩提。是諸人等。應以是法。漸入佛道。所以者何。如來智慧難信。難解。今時所化無量恒河沙等衆生。若汝等諸比丘。及我滅度後。未來世中。聲聞弟子。是也。我滅度後。復有弟子。不聞是經。不知不覺。菩薩所行。自於所得功德。生滅度想。當入涅槃。我於餘國作佛。更有異名。是人雖生滅度之想。入於涅槃。而於彼土。未佛智慧得聞。

是經唯以佛乘而得滅度更無餘乘除諸如來方便說法諸比丘若如來自知涅槃時到眾又清淨信解堅固了達空法深入禪定便集諸菩薩及聲聞眾為說是經世間無有二乘而得滅度唯一佛乘得滅度耳比丘當知如來方便深入眾生之性知其志樂小法深著五慾為是等故說於涅槃是人若聞則便信受譬如五百由旬險難惡道曠絕無人怖畏之處若有多眾欲過此道至珍寶處有一導師聰慧明達善知險道通塞之相將導眾入欲過此難所將人眾中路懈退白導師言我等疲極而復怖畏不能復進前路猶遠今欲退還導師多諸方便而作是念此等可愍云何捨大珍寶而欲退還作是念已以方便力於險道中過二百由旬化作一城告眾入言汝等勿怖莫得退還今此大城可於中止隨意所作若入是城使得安隱若能前至寶所亦可得去是時疲極之眾心大歡喜歡未曾有我等今皆免斯惡道快得安隱於是

眾入前入化城生已度想生安隱想今時導師知此人眾既得止息無復疲倦即滅化城語眾入言汝等去來寶處在近向者大城我所化作為止息耳諸比丘如來亦復如是今為汝等作大導師知諸生死煩惱惡道險難長遠應去應度若眾生但聞一佛乘者則不欲見佛不欲親近便作是念佛道長遠久受勤苦乃可得成佛知是心怯弱下劣以方便力而於中道為止息故說二涅槃若眾生住於二地如來亦時即便為說汝等所作未辦汝所住地近於佛慧當觀察籌量所得涅槃非真實也但是如來方便之力於一佛乘分別說三如彼導師為止息故化作大城既知息已而告之言寶處在近此城非實我化作耳亦時世尊欲重宣此義而說偈言大通智勝佛十劫坐道場佛法不現前不得成佛道諸天神龍王阿脩羅眾等常雨於天花以供養彼佛諸天擊天鼓并作眾伎樂香風吹萎花更雨新好者過十小劫已乃得成佛道諸天及世人

心皆懷踊躍彼佛十六子皆與其眷屬千万億圍繞俱行至佛所頭面禮佛足而請轉法輪聖師子法雨充我及一切世尊甚難值久遠時一現為覺悟群生振動於一切東方諸世界五百万億國梵宮殿光曜昔所未曾有諸梵見此相尋來至佛所散花以供養并奉上宮殿請佛轉法輪以偈而讚歎佛知時未至受請默然坐三方及四維上下亦復亦散華奉宮殿請佛轉法輪世尊甚難值願以大慈悲廣開甘露門轉無上法輪無量世尊受彼眾入請為宣種種法四諦十二緣無明至老死皆從生緣有如是眾過患汝等應當知宣暢是法時六百万億娑得盡諸苦際皆成阿羅漢第二說法時千万恒沙眾於諸法不受亦得阿羅漢從是後得道其數無有量万億劫竿數不能得其邊時十六王子出家作沙彌皆共請彼佛演說大乘法我等及營從皆當成佛道願得如世尊慧眼第一淨佛知童子心宿世之所行以無量因緣種種諸辟說六波羅蜜及諸神通事分別真實法菩薩所行道

法華經卷第三 第三十張

說是法華經如恒河沙偈彼佛說經已
靜室入禪定一心一處坐八万四千劫
是諸沙弥等知佛禪未出為無量億眾
說佛無上慧各各坐法座說是大乘經
於佛宴寂後宣揚助法化一一沙弥等
所度諸眾生有六百万億恒河沙等眾
彼佛滅度後是諸聞法者在在諸佛土
常與師俱生是十六沙弥具足行佛道
今現在十方各得成正覺亦時聞法者
各在諸佛所其有住聲聞漸教以佛道
我在十六數曾亦為汝說是故以方便
引汝趣佛慧以是本因緣今說法華經
令汝入佛道慎勿懷驚懼譬如險惡道
迫絕多毒獸又復無水草人所怖畏屢
無數千万眾欲過此險道其路甚勝遠
經五百由旬時有一導師強識有智慧
明了心決定在險濟眾難眾人皆疲倦
而白導師言我等今項乏於此欲退還
導師作是念此輩甚可愍如何欲退還
而失大珍寶尋時思方便當設神通力
化作大城郭莊嚴諸舍宅周有園林
涼渠及浴池重門高樓閣男女皆充滿
即作是化已慰眾言勿懼汝等入此城

法華經卷第三 第三十張

各可隨所樂諸人既入城心皆大歡喜
皆生安隱想自謂已得度導師知已息
集眾而告言汝等當前進此是化城耳
我見汝疲極中道欲退還故以方便力
權化作此城汝今勤精進當共至寶所
我亦復如是為一切導師見諸未道者
中路而解廢不能度生死煩惱諸險道
故以方便力為息說涅槃言汝等苦滅
所作皆已辦既知到涅槃皆得阿羅漢
今乃集大眾為說真實法諸佛方便力
分別說三乘唯有一佛乘息處故說二
今為汝說實汝所得非滅為佛一切智
當發大精進汝證一切智十力等佛法
具三十二相乃是真實滅諸佛之導師
為息說涅槃既知是息已引入於佛慧
添品妙法蓮華經卷第三

壬寅歲高麗國大藏經

勅彫造

添品妙法蓮華經卷第四

在

隋天竺三藏闍那維多共發多譯

五百弟子授記品第八

尔時富樓那弥多羅尼子從佛聞是
智慧方便隨宜說法又聞授諸大弟
子阿耨多羅三藐三菩提記復聞宿
世因緣之事復聞諸佛有大自在神
通之力得未曾有之心淨踊躍即從座
起到於佛前頭面礼足却住一面瞻
仰尊顏目不暫捨而作是念世尊甚
奇特所為希有隨順世間若干種性
以方便知見而為說法拔出眾生成
慶貪著我等於佛功德言不能宣唯
佛世尊能知我等深心本願尔時佛
告諸比丘汝等見是富樓那弥多羅
尼子不我常稱其於說法人中取為
第一亦常歎其種種功德精勤護持
助宣我法能於四眾示教利喜具足
解釋佛之正法而大饒益同梵行者
自捨如來無能盡其言論之辯汝等
勿謂富樓那但能護持助宣我法亦
於過去九十億諸佛所護持助宣佛

之正法於彼說法人中亦取第一又於諸佛所說空法明了通達得四無導智常能審諦清淨說法無有疑惑具足菩薩神通之力隨其壽命常修梵行彼佛世人咸皆謂之實是聲聞而富樓那以斯方便饒益無量百千衆生又化無量阿僧祇人令立阿耨多羅三藐三菩提為淨佛土故常作佛事教化衆生諸比丘富樓那亦於七佛說法人中而得第一今於我所說法人中亦為第一於賢劫中當來諸佛說法人中亦復第一而皆護持助宣佛法亦於未來護持助宣無量無邊諸佛之法教化饒益無量衆生令立阿耨多羅三藐三菩提為淨佛土故常勤精進教化衆生漸漸具足菩薩之道過無量阿僧祇劫當於此土得阿耨多羅三藐三菩提乎曰法明如來應供正遍知明行足善逝世間解無上士調御丈夫天人師佛世尊其佛以恒河沙等三千大千世界為一佛土七寶為地地平如掌無有山陵谿澗溝壑七寶臺觀充滿其中

諸天宮殿近處虛空人天交接兩得相見無諸惡道亦無女人一切衆生皆以化生無有姪欲得大神通身出光明飛行自在志念堅固精進智慧普皆金色三十二相而自莊嚴其國衆生常以二食一者法喜食二者禪悅食有無量阿僧祇千萬億那由他諸菩薩衆得大神通四無所智善能教化衆生之類其聲聞衆等數投計所不能知皆得具足六通三明及八解脫其佛國土有如是等無量功德莊嚴成就劫名寶明國名善淨其佛壽命無量阿僧祇劫法住甚久佛滅度後起七寶塔遍滿其國今時世尊欲重宣此義而說偈言

諸比丘諦聽佛子所行道善學方便故不可得思議知衆樂小法而畏於大智是故諸菩薩作聲聞緣覺以無數方便化諸衆生類自說是聲聞去佛道甚遠度脫無量衆皆悉得成就雖小欲懈怠漸當令作佛內秘菩薩行外現是聲聞少欲厭生死實自淨佛土示衆有三毒又現邪見相我弟子如是方便度衆生

若我具足說種種現化事衆生聞是者心則懷疑惑今此富樓那於昔千億佛勤修所行道宣護諸佛法為求無上慧而於諸佛所現居弟子上多聞有智慧所說無所畏能令衆歡喜未曾有疲倦而助佛事已度大神通具四無所慧知衆根利鈍常說清淨法演暢如是義教諸千億衆今住大乘法而自淨佛土未來亦供養無量無數佛護助宣正法亦自淨佛土常以諸方便說法無所畏度不可計衆成就一切智供養諸如來護持法寶歲其後得成佛号名曰法明其國名善淨七寶所合成劫名為寶明菩薩衆甚多其數無有量皆度大神通威德力具足充滿其國土聲聞亦無數三明八解脫得四無所智以是等為僧其國諸衆生姪欲皆已斷純一變化生具相莊嚴身法喜禪悅食更無餘食想無有諸女人亦無諸惡道富樓那比丘功德悉成滿當得斯淨土賢聖衆甚多如是無量事我今但略說

今時千二百阿羅漢心自在者作是念我等歡喜得未曾有若世尊各見

授記如餘大弟子者不亦快乎佛知

法華經卷第四

第三說

在

此等心之所念告摩訶迦葉是千二百阿羅漢我今當現前次第與授阿耨多羅三藐三菩提記於此眾中我大弟子憍陳如比丘當供養六萬二千億佛然後得成為佛号曰普明如來應供正遍知明行足善逝世間解無上士調御丈夫天人師佛世尊其五百阿羅漢遍樓頻螺迦葉伽耶迦葉都提迦葉迦留陀夷優陀夷阿菟樓駄離波多劫賓都薄拘羅周陀莎伽陀等皆當得阿耨多羅三藐三菩提盡同一号名曰普明今時世尊欲重宣此義而說偈言

憍陳如比丘當見無量佛過阿僧祇劫乃成等正覺常放大光明具足諸神通名聞遍十方一切之所敬常說無上道故号为普明其國土清淨菩薩皆勇猛威昇妙樓閣遊諸十方國以無上供具奉獻於諸佛作是供養已心懷大歡喜須臾還本國有如是神力佛壽六萬劫正法住倍壽像法復倍是法滅天人憂其五百比丘次第當作佛同号曰普明

轉次而授記我滅度之後某甲當作佛其所化世間亦如我今日國土之嚴淨

法華經卷第四

第六說

在

及諸神通力菩薩聲聞眾正法及像法壽命劫多少皆如上所說迦葉汝已知五百自在者餘諸聲聞眾亦當復如是其不在此會汝當為宣說

今時五百阿羅漢於佛前得授記已歡喜踊躍即從座起到於佛前頭面礼足悔過自責世尊我等常作是念自謂已得究竟滅度今乃知之如無智者所以者何我等應得如來智慧而便自以小智為足世尊譬如有入至親友家醉酒而卧是時親友官事當行以無價寶珠繫其衣裏與之而去其人醉卧都不覺知起已遊行到於他國為衣食故勤力求索甚大艱難若少有所得便以為足於後親友會遇見之而作是言出哉丈夫何為衣食乃至如是我昔欲令汝得安樂五欲自恣於某年日月以無價寶珠繫汝衣裏今故現在而汝不知勤苦憂惱以求目活甚為癡也汝今可以此寶寶易所須常可如意無所乏短

佛亦如是為菩薩時教化我等令發一切智心而尋廢忘不知不覺曉得

法華經卷第四

第七說

在

阿羅漢道自謂滅度資生艱難得少為足一切智願猶在不失今者世尊覺悟我等作如是言諸比丘汝等所得非究竟滅我久令汝等種佛善根以方便故亦涅槃相而汝謂為實得滅度世尊我今乃知實是菩薩得授阿耨多羅三藐三菩提記以是因緣甚大歡喜得未曾有今時阿若憍陳如等欲重宣此義而說偈言

我等聞無上安隱授記聲歡喜未曾有礼無量智佛今於世尊前自悔諸過咎於無量佛寶得少涅槃分如無智愚人便自以為足譬如貧窮人往至親友家其家甚大富具設諸餽饌以無價寶珠繫著內衣裏默與而捨去時卧不覺知是人既已起遊行詣他國求衣食自濟資生甚艱難得少便為足更不願好者不覺內衣裏有無價寶珠與珠之親友後見此貧人苦切責之已示以所繫珠貧人見此珠其心大歡喜富有諸財物五欲而自恣我等亦如是世尊於長夜

常慙見教化令種無上願我等無智故不覺亦不知得少溫縣分自足不求餘今佛覺悟我言非實滅度得佛無上慧今乃為真滅我今從佛聞授記莊嚴事及轉次受交身心遍歡喜

添品妙法蓮華經授學無學人記品第九
 尔時阿難羅睺羅而作是念我等每自思惟設得授記不亦快乎即從座起到於佛前頭面礼足俱白佛言世尊我等於此亦應有分唯有如來我等所歸又我等為一切世間天人阿脩羅所見知識阿難常為侍者護持法藏羅睺羅是佛之子若佛見授阿耨多羅三藐三菩提記者我願既滿眾望亦足尔時學無學聲聞弟子二千人皆從座起偏袒右肩到於佛前一心合掌瞻仰世尊如阿難羅睺羅所願住立一面尔時佛告阿難汝於來世當得作佛号山海慧自在通王如來應供正遍知明行足善逝世間解無上士調御丈夫天人師佛世尊當供養六十二億諸佛護持法藏然後得阿耨多羅三藐三菩提教化二

十千万億恒河沙諸菩薩等今成阿耨多羅三藐三菩提國名常立勝備其土清淨琉璃為地劫名妙音遍滿其佛壽命無量千万億阿僧祇劫若人於千万億無量阿僧祇劫中算數校計不能得知正法住世倍於壽命像法住世復倍正法阿難是山海慧自在通王佛為十方無量千万億恒河沙等諸佛如來所共讚歎稱其功德尔時世尊欲重宣此義而說偈言
 我今僧中說阿難持法者當供養諸佛然後成正覺号曰山海慧自在通王佛其國土清淨名常立勝備教化諸菩薩其數如恒沙佛有大威德名聞滿十方壽命無有量以慈眾生故正法倍壽命像法復倍是如恒河沙等無數諸眾生於此佛法中種佛道因緣
 尔時會中新發意菩薩八千人咸作是念我等尚不聞諸大菩薩得如是記有何因緣而諸聲聞得如是受尔時世尊知諸菩薩心之所念而告之曰諸善男子我與阿難等於空王佛所同時發阿耨多羅三藐三菩提心

阿難常樂多聞我常勤精進是故我已得成阿耨多羅三藐三菩提而阿難護持我法亦護將來諸佛法藏教化成就諸菩薩眾其本願如是故獲斯記阿難面於佛前自聞授記及國土莊嚴所願具足心大歡喜得未曾有即時憶念過去無量千万億諸佛法藏通達無碍如今所聞亦識本願尔時阿難而說偈言
 世尊甚希有令我念過去無量諸佛法如今日所聞我今無復疑安住於佛道方便為侍者護持諸佛法
 尔時佛告羅睺羅汝於來世當得作佛号踰七寶華如來應供正遍知明行足善逝世間解無上士調御丈夫天人師佛世尊當供養十世界微塵等數諸佛如來常為諸佛而作長子猶如今也是踰七寶華佛國土莊嚴壽命劫數所化弟子正法像法亦如山海慧自在通王如來無異亦為此佛而作長子過是已後當得阿耨多羅三藐三菩提尔時世尊欲重宣此義而說偈言

我為太子時 羅睺為長子 我今成佛道
受法為法子 於未來世中 見無量億佛
皆為其長子 一心求佛道 羅睺羅密行
惟我能知之 現為我長子 以示諸眾生
無量億千萬 功德不可數 安住於佛法
以求無上道

今時世尊見學無學二千人其意柔
軟寂然清淨一心觀佛告阿難汝
見是學無學二千人不唯然已見阿
難是諸人等當供養五十世界微塵
數諸佛如來恭敬尊重護持法藏未
後同時於十方國各得成佛皆同一
名曰寶相如來應供正遍知明行
足善逝世間解無上士調御丈夫天
人師佛世尊壽命一劫國土莊嚴聲
聞菩薩正法像法皆悉同等今時世
尊欲重宣此義而說偈言

是二千聲聞 今於我前住 悉皆與授記
未來當成佛 所供養諸佛 如上說塵數
護持其法藏 後當成正覺 各於十方國
悉同一名號 俱時坐道場 以證無上慧
皆名為寶相 國土及弟子 正法與像法
悉等無有異 咸以諸神通 度十方眾生

名聞普周 遠漸入於涅槃
今時學無學二千人聞佛授記歡喜
踊躍而說偈言
世尊慧燈明 我聞授記音 心歡喜充滿
如甘露見灌

添品妙法蓮華經法師品第十

今時世尊因藥王菩薩告八万大士
藥王汝見是大眾中無量諸天龍三
夜叉乾闥婆阿脩羅迦樓羅緊那羅
摩睺羅伽人非人等及比丘比丘尼
優婆塞優婆夷求聲聞者求辟支
佛者求佛道者如是等類咸於佛前
聞妙法華經一偈一句乃至一念隨
喜者我皆與授記當得阿耨多羅三
藐三菩提佛告藥王又如來滅度之
後若有人聞妙法華經乃至一偈一
句一念隨喜者我亦與授阿耨多羅
三藐三菩提記若復有人受持讀誦
解說書寫妙法華經乃至一偈於此
經卷敬視如佛種種供養華香璎珞
末香塗香燒香繒蓋幢幡衣服伎樂
乃至合掌恭敬藥王當知是諸人等
已曾供養十萬億佛於諸佛所成就

大願愍眾生 故生此人間 藥王若有
人問何等眾生於未來世當得作
佛應示是諸人等於未來世必得作
佛何以故若善男子善女人於法華
經乃至一句受持讀誦解說書寫種
種供養經卷華香璎珞末香塗香燒
香繒蓋幢幡衣服伎樂合掌恭敬是
人一切世間所應瞻奉應以如來供
養而供養之當知此人是 大菩薩成
就阿耨多羅三藐三菩提 哀愍眾生
願生此間廣演分別妙法花經何況
盡能受持種種供養者藥王當知是
人自捨清淨業報於我滅度後愍眾
生故生於惡世廣演此經若是善男
子善女人我滅度後能竊為一人說
法華經乃至一句當知是人則如來
使如來所遣行如來事何況於大衆
中廣為人說藥王若有惡人以不善
心於一劫中現於佛前常毀罵佛其
罪尚輕若人以一惡言毀咎在家出
家讀誦法華經者其罪甚重藥王其
有讀誦法華經者當知是人以佛莊
嚴而自在嚴則為如來肩所荷擔其

所至方應隨向札一心合掌恭敬供養尊重讚歎華香瓔珞末香塗香燒香繒蓋幢幡衣服銷鑪作諸伎樂人中上供而供養之應持天寶而以散之天上寶聚應以奉獻所以者何是人歡喜說法須臾聞之即得究竟阿耨多羅三藐三菩提故今時世尊欲重宣此義而說偈言

若欲住佛道成就自然智常當勤供養受持法花者其有欲疾得一切種智慧當受持是經并供養持者若有能受持妙法華經者當知佛所使愍念諸眾生諸有能受持妙法華經者捨於清淨土愍眾故生此當知如是人自在所欲生能於此惡世廣說無上法應以天華香及天寶衣服天上妙寶聚供養說法者吾滅後惡世能持是經者當合掌恭敬如供養世尊上饌眾甘美及種種衣服供養是佛子真得須臾聞若能於後世受持是經者我遣在人中行於如來事若於一劫中常懷不善心作色而罵佛獲無量重罪其有讀誦持是法華經者須臾加惡言其罪復過彼有人求佛道

而於一劫中合掌在我前以無數偈讚由是讚佛故得無量功德歎美持經者其福復過彼於八十億劫以軍妙色聲及與香味觸供養持經者如是供養已若得須臾聞則應自欣慶我今獲大利藥王今告汝我所說諸經而於此經中法華第一

今時佛復告藥王菩薩摩訶薩我所說經典無量千萬億已說今說當說而於其中此法華經最為難信難解藥王此經是諸佛秘要之藏不可分布妄授與人諸佛世尊之所守護從昔已來未曾顯說如此經者如來現在猶多忿嫉況滅度後藥王當知如來滅後其能書持讀誦供養為他人說者如來則為以衣覆之又為他方現在諸佛之所護念是人有大信力及志願力諸善根力當知是人與如來共宿則為如來手摩其頭藥王在在處處若說若讀若誦若書若經卷所住處皆應起七寶塔極令高廣嚴飾不須復安舍利所以者何此中已有如來全身此塔應以一切華香瓔珞

總蓋幢幡伎樂歌頌供養恭敬尊重讚歎若有人得見此塔札拜供養當知是等皆近阿耨多羅三藐三菩提藥王多有人在家出家行菩薩道若不能得見聞讀誦書持供養是法華經者當知是人未善行菩薩道若有得聞是經典者乃能善行菩薩道其有眾生求佛道者若見若聞是法華經聞已信解受持者當知是人得近阿耨多羅三藐三菩提藥王譬如有渴乏須水於彼高原穿鑿求之猶見乾土知水尚遠施功不已轉見濕土遂漸至泥其心決定知水必近菩薩亦復如是若未聞未解未能修習是法華經當知是人去阿耨多羅三藐三菩提尚遠若得聞解思惟修習必知得近阿耨多羅三藐三菩提所以者何一切菩薩阿耨多羅三藐三菩提皆屬此經此經開方便門示真實相是法華經藏深固幽遠無人能到今佛教化成就菩薩而為開示藥王若有菩薩聞是法華經驚疑怖畏當知是為新發意菩薩若聲聞人聞

深品法華經卷第四 第十七張 在

是經驚疑怖畏當知是為增上慢者藥王若有善男子善女人如來滅後欲為四眾說是法華經者云何應說是善男子善女人入如來室者如來衣坐如來座今乃應為四眾廣說斯經如來室者一切眾生中大慈悲心是如來衣者柔和忍辱心是如來座者一切法空是安住是中然後以不懈怠心為諸菩薩及四眾廣說是法華經藥王我於餘國遣化人為其集聽法眾亦遣化比丘比丘尼優婆塞優婆塞聽其說法是諸化人聞法信受隨順不逆若說法者在空閑處我時廣遣天龍鬼神輒闍婆阿修羅等聽其說法我雖在異國時時令說法者得見我身若於此經忘失句逗我還為說令得具足今時世尊欲重宣此義而說偈言

深品法華經卷第四 第十八張 在

決了聲聞法是諸經之王聞已諦思惟當知此人等近於佛智慧若人說此經應入如來室著於如來衣而坐如來座廣眾無所畏廣為分別說大慈悲為室柔和忍辱衣諸法空為座處此為說法若說此經時有人惡口罵加刀杖瓦石念佛故應忍我千萬億土現淨堅固身於無量億劫為眾生說法若我滅度後能說此經者我遣化四眾比丘比丘尼及清信士女供養於法師引導諸眾生集之令聽法若人欲加惡刀杖及瓦石則遣變化人為之作衛護若說法之人獨在空閑處寂寞無人聲讀誦此經典我今時為現清淨光明身若忘失章句為說今通利若人具是德或為四眾說空處讀誦經皆得見我身若人在空閑我遣天龍三夜叉鬼神等為作聽法眾是人樂說法分別無罣碍諸佛護念故能令大眾喜若親近法師速得菩薩道隨順是師學得見恒沙佛

深品法華經卷第四 第十九張 在

中種種寶物而莊校之五千闍闍龕室千萬無數幢幡以為嚴飾垂寶璣瑠寶鈴萬億而懸其上四面皆出多摩羅跋拏檀之香充滿世界其諸幡蓋以金銀琉璃磚瑪瑙真珠玫瑰七寶合成高至四天王宮三十三天兩天界陀羅華供養寶塔餘諸天龍夜叉乾闥婆阿修羅迦樓羅緊那羅摩睺羅伽人非人等千萬億眾以一切華香璎珞幡蓋伎樂供養寶塔恭敬尊重讚歎今時寶塔中出大音聲歎言善哉善哉釋迦牟尼世尊能以平等大慧教菩薩法佛所護念妙法華經為大眾說如是如是釋迦牟尼世尊如所說者皆是真實今時四眾見大寶塔住在空中又聞塔中所出音聲皆得法喜惟未曾有從座而起恭敬合掌却住一面今時有菩薩摩訶薩名大樂說知一切世間天人阿修羅等心之所疑而自佛言世尊以何因緣有此寶塔從地踊出又於其中發是音聲今時佛告大樂說菩薩此寶塔中有如來全身乃往過去東

方無量千萬億阿僧祇世界國名寶淨彼中有佛号曰多寶其佛本行菩薩道時作大誓願若我成佛滅度之後於十方國土有說法華經處我之塔廟為聽是經故踊現其前為作證明讚言善哉彼佛成道已臨滅度時於天人大眾中告諸比丘我滅度後欲供養我全身者應起一大塔其佛以神通願力十方世界在在處處若有說法華經者彼之寶塔皆踊出其前全身在於塔中讚言善哉善哉大樂說今多寶如來塔聞說法華經故從地踊出讚言善哉善哉是時大樂說菩薩以如來神力故白佛言世尊我等願欲見此佛身佛告大樂說菩薩摩訶薩是多寶佛有深重願若我寶塔為聽法華經故出於諸佛前時其有欲以我身示四眾者彼佛分身諸佛在於十方世界說法盡還集一處然後我身乃出現耳大樂說我分身諸佛在於十方世界說法者今應當集大樂說白佛言世尊我等亦願欲見世尊分身諸佛禮拜供養亦時

佛放白毫一光即見東方五百萬億那由他恒河沙等國土諸佛彼諸國土皆以頗梨為地寶樹寶衣以為莊嚴無數千萬億菩薩充滿其中遍張寶帳寶網羅上彼國諸佛以太妙音而說諸法及見無量千萬億菩薩遍滿諸國為眾說法南西北方四維上下白毫相光所照之處亦復如是亦時十方諸佛各告眾菩薩言善男子我今應往娑婆世界釋迦牟尼佛所并供養多寶如來寶塔時娑婆世界即變清淨琉璃為地寶樹莊嚴黃金為繩以界八道無諸聚落村營城邑大海江河山川林藪燒大寶香曼陀羅華遍布其地以寶網帳羅覆其上懸諸寶鈴唯留此會眾移諸天人置於他土是時諸佛各將一大菩薩以為侍者至娑婆世界各到寶樹下一寶樹高五百由旬枝葉華果次第莊嚴諸寶樹下皆有師子之座高五由旬亦以大寶而校飾之今時諸佛各於此座結加趺坐如是展轉遍滿三千大千世界而於釋迦牟尼佛一

方所分之身猶故未盡時釋迦牟尼佛欲容受所分身諸佛故八方各更變二百萬億那由他國皆令清淨無有地獄餓鬼畜生及阿脩羅又移諸天人置於他土所化之國亦以琉璃為地寶樹莊嚴樹高五百由旬枝葉華果次第莊嚴諸樹下皆有寶師子座高五由旬種種諸寶以為莊嚴亦無大海江河及目真隣陀山摩訶目真隣陀山鐵圍山大鐵圍山須弥山等諸山王通為一佛國土寶地平正寶交露為諸佛當來坐故復於八方各更變二百萬億那由他國皆令清淨無有地獄餓鬼畜生及阿脩羅又移諸天人置於他土所化之國亦以琉璃為地寶樹莊嚴樹高五百由旬枝葉華果次第莊嚴諸樹下皆有寶師子座高五由旬亦以大寶而校飾之亦無大海江河及目真隣陀山摩訶目真隣陀山鐵圍山大鐵圍山須弥山等諸山王通為一佛國土寶地平正寶交露

法華經卷第四 第二十三張 在卷八

帳遠覆其上懸諸幡蓋燒大寶香諸
天寶華遍布其地尔時東方釋迦牟
尼所分之身百千万億那由他恒河
沙等國土中諸佛各各說法來集於
此如是次第十方諸佛皆悉來集坐
於八方尔時一方四百萬億那由
他國土諸佛如來遍滿其中是時諸
佛各在寶樹下坐師子座皆遣侍者
問訊釋迦牟尼佛各寶華滿掬而
告之言善男子汝往詣耆闍崛山釋
迦牟尼佛所如我辭曰少病少惱氣
力安樂及菩薩聲聞眾悉安隱不以
此寶華散佛供養而作是言彼某甲
佛與欲開此寶塔諸佛遣使亦復如
是尔時釋迦牟尼佛見所分身佛悉
已來集各各坐於師子之座皆聞諸
佛與欲同開寶塔即從座起住虛空
中一切四眾起立合掌一心觀佛於
是釋迦牟尼佛以右指開七寶塔戶
出大音聲如却開闢開大城門即時
一切眾會皆見多寶如來於寶塔中
坐師子座全身不散如入禪定又聞
其言善哉善哉釋迦牟尼佛快說是

法華經卷第四 第二十四張 在卷八

法華經我為聽是經故而來至此尔
時四眾等見過去無量千万億劫滅
度佛說如是言歎未曾有以天寶華
聚散多寶佛及釋迦牟尼佛上尔時
多寶佛於寶塔中分半座與釋迦牟
尼佛而作是言釋迦牟尼佛可就此
座即時釋迦牟尼佛入其塔中坐其
半座結跏趺坐尔時大眾見二如來
在七寶塔中師子座上結跏趺坐各
作是念佛座高遠惟願如來以神通
力令我等輩俱處虛空即時釋迦牟
尼佛以神通力接諸大眾皆在虛空
以大音聲普告四眾誰能於此娑婆
國土廣說妙法華經今正是時如來
不久當入涅槃佛欲以此妙法華經
付囑有在尔時世尊欲重宣此義而
說偈言

聖主世尊 雖久滅度 在寶塔中
尚為法來 諸人云何 不勤為法
此佛滅度 無央數劫 處處聽法
以難遇故 彼佛本願 我滅度後
在在所往 常為聽法 又我分身
無量諸佛 如恒沙等 來欲聽法

法華經卷第四 第二十五張 在卷八

及見滅度 多寶如來 各捨妙土
及弟子眾 天人龍神 諸供養事
令法久住 故來至此 為坐諸佛
以神通力 移無量眾 令國清淨
諸佛各各 詣寶樹下 如清涼池
蓮花莊嚴 其寶樹下 諸師子座
佛坐其上 光明嚴飾 如夜闍中
然大炬火 身出妙香 遍十方國
眾生蒙薰 喜不自勝 譬如大風
吹小樹枝 以是方便 令法久住
告諸大眾 我滅度後 誰能護持
讀說此經 今於佛前 自說誓言
其多寶佛 雖久滅度 以大誓願
而師子乳 多寶如來 及與我身
所集化佛 當知此意 諸佛子等
誰能護法 當發大願 令得久住
其有能護 此經法者 則為供養
我及多寶 此多寶佛 處於寶塔
常遊十方 為是經故 亦復供養
諸來化佛 莊嚴光飾 諸世界者
若說此經 則為見我 多寶如來
及諸化佛 諸善男子 各諦思惟
此為難事 宜發大願 諸餘經典

數如恒沙 雖說此等 未足為難
 若接須弥 擲置他方 無數佛土
 亦未為難 若以足指 動大千界
 遠擲他國 亦未為難 若立有頂
 為衆演說 無量餘經 亦未為難
 若佛滅後 於惡世中 能說此經
 是則為難 假使有人 手把虚空
 而以遊行 亦未為難 於我滅後
 若自書持 若使人書 是則為難
 若以大地 置足甲上 昇於梵天
 亦未為難 佛滅度後 於惡世中
 暫讀此經 是則為難 假使劫燒
 擔負乾草 入中不燒 亦未為難
 我滅度後 若持此經 為一人說
 是則為難 若持八万 四千法藏
 十二部經 為人演說 令諸聽者
 得六神通 雖能如是 亦未為難
 於我滅後 聽受此經 問其義趣
 是則為難 若人說法 令千万億
 無量無數 恒沙衆生 得阿羅漢
 具六神通 雖有是益 亦未為難
 於我滅後 若能奉持 如斯經典
 是則為難 我為佛道 於無量土

從始至今 廣說諸經 而於其中
 此經第一 若有能持 則持佛身
 諸善男子 於我滅後 誰能受持
 讀誦此經 今於佛前 自說誓言
 此經難持 若暫持者 我則歡喜
 諸佛亦然 如是之人 諸佛所歎
 是則勇猛 是則精進 是名持戒
 行頭陀者 則為疾得 無上佛道
 能於來世 讀持此經 是真佛子
 住純善地 佛滅度後 能解其義
 是諸天人 世間之眼 於忍畏世
 能須臾說 一切天人 皆應供養
 今時佛告 諸菩薩及天人四衆言
 過去無量劫中 求法華經 無有懈倦
 於多劫中 常作國王 發願求於無上
 菩提心不退轉 為欲滿足 六波羅蜜
 勤行布施 心無忙惜 為馬七珍 國城
 妻子奴婢 僕從頭目 髓腦身肉 手足
 不惜軀命 時世人民 壽命無量 為於
 法故 捐捨國位 委政太子 擊鼓宣令
 四方求法 誰能為我 說大乘者 吾當
 終身供給 走使時有 仙人來白 王言
 我有大乘名妙法蓮華 若不違我 當

為演說 王聞其言 歡喜踊躍 即隨仙人
 供給所須 採果汲水 拾薪設食 乃至
 以身而為 牀座身心 無倦于時 奉事
 經於千歲 為於法故 精勤給使 令無
 所乏 今時世尊 欲重宣此義 而說偈言
 我念過去 劫為求大法 故雖作世國王
 不貪五欲 樂提鍾告 四方 誰有大法者
 若為我解說 身當為奴僕 今時有仙人
 來白大王 言我有微妙法 世間所希有
 若能修行者 吾當為汝說 時王聞仙言
 心生大歡喜 即便隨仙人 供給於所欲
 採薪及果 隨時恭敬 興情存妙法 故
 身心無懈倦 普為諸衆生 勤求於大法
 亦不為己身 及以五欲樂 故為大國王
 勤求獲此法 遂致得成佛 今故為汝說
 佛告諸比丘 今時王者 則我身是 時
 仙人者 今提婆達多是 由提婆達多
 善知識故 令我具足 六波羅蜜 慈悲
 喜捨 三十二相 八十種好 紫磨金色
 十力 四無所畏 四攝法 十八不共神
 通道力 成等正覺 廣度衆生 皆因提
 婆達多 善知識故 告諸四衆 提婆達
 多 却後過無量劫 當得成佛 号曰天

法華經卷第四 第二十九 頌

三如來應供正遍知明行足善逝世
間解無上士調御丈夫天人師佛世
尊世界名天道時天王佛住世二十
中劫廣為衆生說妙法恒河沙衆
生得阿羅漢果無量衆生發緣覺心
恒河沙衆生發無上菩提心得無上
忍至不退轉時天王佛般涅槃後正
法住世二十中劫全身舍利起七寶
塔高六十由旬縱廣四十由旬諸天
人民悉以華華塗香末香燒香衣服
瓔珞幢幡寶蓋伎樂歌頌禮拜供養
七寶妙塔無量衆生得阿羅漢無量
衆生悟辟支佛不可思議衆生發菩
提心至不退轉佛告諸比丘未來世
中若有善男子善女人聞此妙法蓮
華經品聞已淨心信敬不生疑惑者
不墮地獄餓鬼畜生生十方佛前所
生之處常聞此經若生天人中受勝
妙樂若在佛前蓮華化生於時下方
多寶世尊所從菩薩名曰智積白多
寶佛當還本土釋迦牟尼佛告智積
曰善男子且待須臾此有菩薩名文
殊師利可與相見論說妙義可還本

法華經卷第四 第三十 頌

土介時文殊師利坐千葉蓮華大如
車輪俱來菩薩亦坐寶華從於大海
娑竭羅龍宮自然踊出住虛空中詣
靈鷲山從蓮華下至於佛所頭面敬
禮二世尊足修敬已昇往智積所共
相慰問却坐一面智積菩薩問文殊
師利仁者往詣龍宮所化衆生其數
幾何文殊師利言其數無量不可稱
計非口所宣非心所測且待須臾自
當有證所言未竟無數菩薩坐寶蓮
華從海踊出詣靈鷲山住在虛空此
諸菩薩皆是文殊師利之所化度具
菩薩道行皆共論說六波羅蜜本誓
聞人在虛空中說聲聞行今皆修行
大乘空義文殊師利謂智積曰於海
所化其事如此介時智積菩薩以偈
讚曰
大智德勇健 化度無量衆 今此諸大會
及我皆已見 演暢實相義 開闡一乘法
廣度諸群生 今速成菩提
文殊師利言我於海中唯常宣說妙
法華經智積問文殊師利言此經甚
深微妙諸經中寶世所希有頗有衆

法華經卷第四 第三十一 頌

生勤加精進修行此經速得佛不文
殊師利言有娑竭羅龍王女年始八
歲智慧利根善知衆生諸根行業得
陀羅尼諸佛所說甚深秘藏悉能受
持深入禪定了達諸法於剎那頃發
菩提心得不退轉轉才無尋慈念衆
生猶如赤子功德具足心念口演微
妙廣大慈悲仁讓志意和雅能至苦
提智積菩薩言我見釋迦如來於無
量劫難行苦行積功累德求菩提道
未曾止息觀三千大千世界乃至無
有芥子許非是菩薩捨身命廣為
衆生故然後乃得成菩提道不信此
女於須臾頃便成正覺言論未訖時
龍王女忽現於前頭面禮敬却住一
面以偈讚曰
深達罪福相 遍照於十方 微妙淨法身
具相三十二 以八十種好 用莊嚴法身
天人所戴仰 龍神咸恭敬 一切衆生類
無不宗奉者 有聞成菩提 唯佛當證知
我闍大恭敬 虔脫苦衆生
介時舍利弗語龍王女言汝謂不久
得無上道是事難信所以者何女身

添品法華經卷第四 第三十二張 在卷六
垢穢非是法器云何能得無上菩提

佛道玄曠經無量劫勤苦積行具修
諸度然後乃成又女人身猶有五障
一者不得作梵天王二者不得作帝
釋三者魔王四者轉輪聖王五者佛
身云何女身速得成佛

尔時龍王女有一寶珠價直三千大
千世界持以上佛佛即受之龍女謂
智積菩薩尊者舍利弗言我獻此寶
珠世尊納受是事疾不答言甚疾女
言以汝神通力觀我成佛復速於此
當時衆會皆見龍女忽然之間變成
男子具菩薩行即往南方無垢世界
坐寶蓮花成等正覺三十二相八十
種好普為十方一切衆生演說妙法
尔時娑婆世界菩薩聲聞天龍八部
人與非人皆遙見彼龍女成佛普為
時會人天說法心大歡喜悉遙敬禮
無量衆生聞法解悟得不退轉無量
衆生得授道記無垢世界六種振動
娑婆世界三千衆生住不退地三千
衆生發菩提心而得授記智積菩薩
及舍利弗一切大會默然信受

添品法華經卷第四 第三十三張 在
添品妙法蓮華經勸持品第十二

尔時藥王菩薩摩訶薩及大樂說菩
薩摩訶薩與二萬菩薩眷屬俱皆於
佛前作是誓言唯願世尊不以為慮
我等於佛滅後當奉持讀誦說此經
典後惡世衆生善根轉少多增上慢
貪利供養增不善根遠離解脫難
可教化我等當起大忍力讀誦此經
持說書寫種種供養不惜身命尔時
衆中五百阿羅漢得授記者白佛言
世尊我等亦自誓願於異國土廣說
此經復有學無學八千人得授記者
從座而起合掌向佛作是誓言世尊
我等亦當於他國土廣說此經所以
者何是娑婆國中人多弊惡懷增上
慢切德淺薄瞋濁諂曲心不實故尔
時佛姨母摩訶波闍波提比丘尼與
學無學比丘尼六千人俱從座而起
一心合掌瞻仰尊顏目不暫捨於時
世尊告憍曇彌何故憂色而視如來
汝心將無謂我不說汝名授阿耨多
羅三藐三菩提耶憍曇彌我先恕
說一切聲聞皆已授記今汝欲知記

添品法華經卷第四 第三十四張 在卷六
者將來之世當於六萬八千億諸佛

法中為大法師及六千學無學比丘
尼俱為法師如是漸漸具菩薩道當
得作佛号一切衆生意見如來應供
正遍知明行足善逝世間解無上士
調御丈夫天人師佛世尊憍曇彌是
一切衆生意見佛及六千菩薩轉次
授記得阿耨多羅三藐三菩提
尔時羅睺羅母耶輸陀羅比丘尼作
是念世尊於授記中獨不說我名佛
告耶輸陀羅汝於來世百千萬億諸佛
法中修菩薩行為大法師漸具佛道
於善國中當得作佛号具足千萬光
相如來應供正遍知明行足善逝世
間解無上士調御丈夫天人師佛世
尊佛壽無量阿僧祇劫尔時摩訶波
闍波提比丘尼及耶輸陀羅比丘尼
并其眷屬皆大歡喜得未曾有即於
佛前而說偈言
世尊導師 安隱天人 我等聞記
心安具足
諸比丘尼說是偈已白佛言世尊我
等亦於他方國土廣說斯經

今時世尊視八十萬億那由他諸菩薩摩訶薩是諸菩薩皆是阿鞞跋致轉不退法輪得諸陀羅尼即從座起至於佛前一心合掌而作是念若世尊告勅我等持說此經者當如佛教廣宣斯法復作是念佛今默然不見告勅我當云何時諸菩薩敬順佛意并欲自滿本願便於佛前作師子吼而發誓言世尊我等於如來滅後周旋往返十方世界能令衆生書寫此經受持讀誦解說其義如法修行正憶念皆是佛之威力唯願世尊在於他方遙見守護即時諸菩薩俱同發聲而說偈言

唯願不為慮於佛滅度後恐怖惡世中我等當廣說有諸無智人惡口罵詈等及加刀杖者我等皆當忍惡世中比丘邪智心諂曲未得謂為得我慢心充滿或有阿練若納衣在空閑自謂行真道輕賤人間者貪著利養故與白衣說法為世所恭敬如六通羅漢是人懷惡心常念世俗事假名阿練若好出我等過而作如是言此諸比丘等為貪利養故

說外道論義自作此經典誑惑世間人為求名聞故分別於是經常在大衆中欲毀我等故向國王大臣婆羅門居士及餘比丘衆誹謗說我惡謂是邪見人說外道論義我等敬佛故忍忍是諸惡為斯所輕言汝等皆是佛如此輕慢言皆當忍受之濁劫惡世中多有諸恐怖惡鬼入其身罵詈毀辱我等敬信佛當著忍辱鎗為說是經故忍此諸難事我不愛身命但惜無上道我等於來世護持佛所囑世尊自當知濁世惡比丘不知佛方便隨宜所說法惡口而嘖威數數見擯出遠離於塔寺如是等衆惡念佛告勅故皆當忍是事諸聚落城邑其有求法者我皆到其所說佛所囑法我是世尊使衆衆無所畏我當善說法願佛安隱住我於世尊前諸來十方佛發如是誓言佛悉知我心

添品妙法蓮華經卷第四

壬寅歲高麗國大藏都監奉勅彫造

添品妙法蓮華經卷第五

在

隋天竺三藏闍那崛多共發多譯

安樂行品第十三

今時文殊師利法王子菩薩摩訶薩白佛言世尊是諸菩薩甚為難有敬順佛故發大誓願於後惡世護持讀誦說是法華經世尊菩薩摩訶薩於後惡世云何能說是經佛告文殊師利若菩薩摩訶薩於後惡世欲說是經當安住四法一者安住菩薩行處親近處能為衆生演說是經文殊師利云何名菩薩摩訶薩行處若菩薩摩訶薩住忍辱地暴和善順而不平暴心亦不驚又復於法無所行而觀諸法如實相亦不行不分別是名菩薩摩訶薩行處云何名菩薩摩訶薩親近處菩薩摩訶薩不親近國王王子大臣官長不親近諸外道梵志居士軋子等及造世俗文筆讚詠外書及路伽耶陀逆路伽耶陀者亦不親近諸有凶戲相投相撲及鄰羅等種種變現之戲又不親近旃陀羅及畜

添品法華經卷第二 第六示 在

猪羊雞狗咬獵漁捕諸惡律儀如是
人等或時來者則為說法無所怖望
又不親近求聲聞比丘比丘尼優婆
塞優婆夷亦不問評若於房中若經
行處若在講堂中不共住止或時來
者隨宜說法無所怖求文殊師利又
苦薩摩訶薩不應於女人身取能
生欲想相而為說法亦不樂見若入
他家不與小女處女寡女等共語亦復
不近五種不男之人以為親厚不獨
入他家若有因緣須獨入時但一心
念佛若為女人說法不露齒笑不現
臂臆乃至為法猶不親厚况復餘事
不樂畜年少弟子沙弥小兒亦不樂
與同師常好坐禪在於閑處修攝其
心文殊師利是名初親近處復次苦
薩摩訶薩觀一切法空如實相不顛
倒不動不退不轉如虛空無所有性
一切語言道斷不生不出不起無名
無相實無所有無量無邊無尋無障
但以因緣有從顛倒生故說常樂觀
如是法相是名苦薩摩訶薩第二親
近處亦時世尊欲重宣此義而說偈言

添品法華經卷第二 第七示 在

若有苦薩 於後惡世 無怖畏心
欲說是經 應入行處 及親近處
常離國王 及國王子 大臣官長
凶險戲者 及旃陀羅 外道梵志
亦不親近 增上慢人 貪著小乘
三藏學者 破戒比丘 名字羅漢
及比丘尼 好戲笑者 深著五欲
求現滅度 諸優婆夷 皆勿親近
若是人等 以好心來 到苦薩所
為聞佛道 苦薩則以 無所畏心
不懷怖望 而為說法 寡女處女
及諸不男 皆勿親近 以為親厚
亦莫親近 屠兒魁膾 田獵漁捕
為利煞害 販肉自沽 街賣女色
如是之人 皆勿親近 凶險相摸
種種嬉戲 諸姪女等 盡勿親近
莫獨屏處 為女說法 若說法時
無得戲笑 入里乞食 將一比丘
若無比丘 一心念佛 是則名為
行處近處 以此二處 能安樂說
又復不行 上中下法 有為無為
實不實法 亦不分別 是男是女
不得諸法 不知不見 是則名為

添品法華經卷第二 第八示 在

苦薩行處 一切諸法 空無所有
無有常住 亦無起滅 是名智者
所親近處 顛倒分別 諸法有無
是實非實 是生非生 在於閑處
修攝其心 安住不動 如須弥山
觀一切法 皆無所有 猶如虛空
無有堅固 不生不出 不動不退
常住一相 是名近處 若有比丘
於我滅後 入是行處 及親近處
說斯經時 無有怯弱 苦薩有時
入於靜室 以正憶念 隨義觀法
從禪定起 為諸國王 王子臣民
婆羅門等 開化演暢 說斯經典
其心安隱 無有怯弱 文殊師利
是名苦薩 安住初法 能於後世
說法華經
又文殊師利如來滅後於末法中欲
說是經應住安樂行若口宣說若讀
經時不樂說人及經典過亦不輕慢
諸餘法師不說他人好惡長短於聲
聞人亦不稱名說其過惡亦不稱名
讚歎其美又亦不生惡嫌之心善修
如是安樂心故諸有聽者不逆其意

有所難問法華經卷第五 第五張 在四不以小乘法答但以大乘

而為解說令得一切種智今時世尊欲重宣此義而說偈言

菩薩常樂安隱說法

而施牀座以油塗身不清淨地

著新淨衣內外俱淨安履法座

隨問為說若有比丘及比丘尼

諸優婆塞及優婆夷國王王子

群臣士民以微妙義和顏為說

若有難問隨義而答因緣譬喻

敷演分別以是方便皆使發心

漸漸增益入於佛道除煩惱意

及懈怠想離諸憂惱慈心說法

晝夜常說無上道教以諸因緣

無量譬喻開示眾生咸令歡喜

衣服卧具飲食醫藥而於其中

無所希望但一心念說法因緣

願成佛道今眾亦不是則大利

安樂供養我滅度後若有比丘

能演說斯妙法華經心無嫉恚

諸惱障亦無憂愁及罵詈者

又無怖畏加刀杖等亦無損出

安住忍故智者如是善修其心

能住安樂法華經卷第五 第五張 在四如我上說其人功德

千億萬劫算數譬喻說不能盡

又文殊師利菩薩摩訶薩於後末世

法欲滅時受持讀誦斯經典者無懷

嫉妬詬誑之心亦勿輕罵學佛道者

求其長短若比丘比丘尼優婆塞優

婆夷求聲聞者求辟支佛者求菩薩

道者無得惱之令其疑悔語其人言

汝等去道甚遠終不能得一切種智

所以者何汝是放逸之人於道懈怠

故又亦不應戲論諸法有所諍竟當

於一切眾生起大悲想於諸如來起

慈父想於諸菩薩起大師想於十方

諸大菩薩常應深心恭敬禮拜於一

切眾生平等說法以順法故不多不

少乃至深受法者亦不為多說文殊

師利是菩薩摩訶薩於後末世法欲

滅時有成就是第三安樂行者就是

法時無能惱亂得好同學共讀誦是

經亦得大衆而來聽受聽已能持持

已能誦誦已能說說已能書若使人

書供養經卷恭敬尊重讚歎今時世

尊欲重宣此義而說偈言

若欲說是經法華經卷第五 第七張 在四當捨嫉恚慢詬誑邪偽心

常修質直行不輕蔑於人亦不戲論法

不令他疑悔云汝不得佛是佛子說法

常柔和能忍慈悲於一切不生懈怠心

十方大菩薩愍眾故行道應生恭敬心

是則我大師於諸佛世尊生無上父想

破於憍慢心說法無障導第三法如是

智者應守護一心安樂行無量眾所敬

又文殊師利菩薩摩訶薩於後末世

法欲滅時有持是法華經者於在家

出家人中生大慈心於非菩薩人中

生大悲心應作是念如是之人則為

大失如來方便隨宜說法不聞不知

不覺不問不信不解其人雖不問不

信不解是經我得阿耨多羅三藐三

菩提時隨在何地以神通力智慧力

引之令得住是法中文殊師利是菩

薩摩訶薩於如來滅後有成就此第

四法者說是法時無有過失常為比

丘比丘尼優婆塞優婆夷國王王子

大臣人民婆羅門居士等供養恭敬

尊重讚歎虛空諸天為聽法故亦常

隨侍若在聚落城邑空閑林中有人

來欲難問者諸天晝夜常為法故而衛護之能令聽者皆得歡喜所以者何此經是一切過去未來現在諸佛神力所護故文殊師利是法華經於無量國中乃至名字不可得聞何況得見受持讀誦文殊師利譬如強力轉輪聖王欲以威勢降伏諸國而諸小王不順其命時轉輪王起種種兵而往討伐王見兵眾戰有功者即大歡喜隨功賞賜或與田宅聚落城邑或與衣服嚴身之具或與種種珍寶金銀琉璃車乘馬瑙珊瑚琥珀為馬車乘奴婢人民唯歸中明珠不以與之所以者何獨王頂上有此一珠若以與之王諸眷屬必大驚怪文殊師利如來亦復如是以禪定智慧力得法國土王於三界而諸魔王不肯順伏如來賢聖諸將與之共戰其有功者心亦歡喜於四眾中為說諸經令其心悅賜以禪定解脫無漏根力諸法之財又復賜與涅槃之域言得滅度引導其心令皆歡喜而不為說是法華經文殊師利如轉輪王見諸兵

眾有大功者心甚歡喜以此難信之珠久在諸中不妄與人而今與之如來亦復如是於三界中為大法王以法教化一切眾生見賢聖軍與五陰魔煩惱魔死魔共戰有大功勳滅三毒出三界破魔網今時如來亦大歡喜此法華經能令眾生至一切智一切世間多怨難信先所未說而今說之文殊師利此法華經是諸如來第一之說於諸說中實為甚深末後賜與如彼強力之王久護明珠今乃與之文殊師利此法華經諸佛如來秘密之藏於諸經中實在其上長夜守護不妄宣說始於今日乃與汝等而敷演之今時世尊欲重宣此義而說偈言

常行忍辱 哀愍一切 乃能演說 佛所讚經 後末世時 持此經者 於家出家 及非菩薩 應生慈悲 斯等不聞 不信是經 則為大失 我得佛道 以諸方便 為說此法 令住其中 辟如強力 轉輪之王 兵戰有功 賞賜諸物 為馬車乘

嚴身之具 及諸田宅 聚落城邑 或與衣服 種種珍寶 奴婢財物 歡喜賜與 如有勇健 能為難事 王解歸中 明珠與之 如來亦為諸法王 忍辱大力 智慧實藏 以大慈悲 如法化世 見一切人 受諸苦惱 欲求解脫 與諸魔戰 為是眾生 說種種法 以大方便 說此諸經 既知眾生 得其力已 末後乃為 說是法華 如王解歸 明珠與之 此經為尊 眾經中上 我常守護 不妄開示 今正是時 為汝等說 我滅度後 求佛道者 欲得安隱 演說斯經 應當親近 如是四法 讀是經者 常無憂惱 又無病痛 顏色鮮白 不生貧窮 卑賤醜陋 眾生樂見 如慕賢聖 天諸童子 以為給使 刀杖不加 毒不能害 若人惡罵 口則閉塞 遊行無畏 如師子王 智慧光明 如日之照 若於夢中 但見妙事 見諸如來 坐師子座 諸比丘眾 圍遶說法 又見龍神 阿脩羅等

淨品法華經卷第五 第二十一
數如恒沙 恭敬合掌 自見其身

而為說法 又見諸佛 身相金色

放無量光 照於一切 以梵音聲

演說諸法 佛為四眾 說無上法

見身處中 合掌讚佛 聞法歡喜

而為供養 得陀羅尼 證不退智

佛知其心 深入佛道 即為授記

成取正覺 汝善男子 當於來世

得無量智 佛之大道 國土嚴淨

廣大無比 亦有四眾 合掌聽法

又見自身 在山林中 修習善法

證諸實相 深入禪定 見十方佛

諸佛身色 百福相莊嚴 聞法為人說

禮而白佛言 世尊若聽我等於佛滅

後在此娑婆世界勤加精進護持讀

誦書寫供養是經典者當於此土而

廣說之今時佛告諸菩薩摩訶薩眾

止善男子不須汝等護持此經所以

者何我娑婆世界自有六萬恒河沙

等菩薩摩訶薩一一菩薩各有六萬

恒河沙眷屬是諸人等能於我滅後

護持讀誦廣說此經佛說是時娑婆

世界三千大千國土地皆震裂而於

其中有無量千萬億菩薩摩訶薩同

時踊出是諸菩薩身皆金色三十二

相無量光明先盡在此娑婆世界之

復單已樂速離行如是等以無量無

邊算數譬喻所不能知是諸菩薩從

地出已各詣虛空七寶妙塔多寶如

來釋迦牟尼佛所到已向二世尊頭

面禮足及至諸寶樹下師子座上佛

所亦皆作札右遠三印合掌恭敬以

諸菩薩種種讚法而以讚歎住在一

面欣樂瞻仰於二世尊是諸菩薩摩

訶薩從初踊出以諸菩薩種種讚法

而讚於佛如是時間經五十小劫是

時釋迦牟尼佛默然而坐及諸四眾

亦皆默然五十小劫佛神力故令諸

大眾謂如半日今時四眾亦以佛神

力故見諸菩薩遍滿無量百千萬億

國土虛空是菩薩眾中有四導師一

名上行二名無邊行三名淨行四名

安立行是四菩薩於其眾中寂為上

首唱導之師在大眾前各共合掌觀

釋迦牟尼佛而問評言世尊少病少

惱安樂行不所應度者受教易不

令世尊生疲勞耶今時四大菩薩而

說偈言

世尊安樂 少病少惱 教化眾生

淨品法華經卷第五 第二十一

淨品法華經卷第五 第二十一

淨品法華經卷第五 第二十一

得無疲倦 又諸衆生 受化易不
不令世尊 生疲勞耶

今時世尊於菩薩大衆中而作是言
如是如是諸善男子如來安樂少病
少惱諸衆生等易可化度無有疲勞
所以者何是諸衆生世世已來常受
我化亦於過去諸佛供養尊重種種諸
善根此諸衆生始見我身聞我所說
即皆信受入如來慧除先修習學小
乘者如是之人我今亦令得聞是經
入於佛慧今時諸大菩薩而說偈言
善哉善哉 大雄世尊 諸衆生等
易可化度 能問諸佛 甚深智慧
聞已信行 我等隨喜
於時世尊讚歎上首諸大菩薩善哉
善哉善男子汝等能於如來發隨喜心
今時弥勒菩薩及八千恒河沙諸菩
薩衆皆作是念我等從昔已來不見
不聞如是大菩薩摩訶薩衆從地踊
出住世尊前合掌供養問訊如來時
弥勒菩薩摩訶薩知八千恒河沙諸
菩薩等心之所念并欲自決所疑合
掌向佛以偈問言

無量千萬億大衆諸菩薩昔所未曾見
願兩足尊說是從何所來以何因緣集
目身大神通智慧思議其志甚堅固
有大忍辱力衆生所樂見為從何所來
二諸菩薩所將諸眷屬其數無有量
如恒河沙等或有菩薩將六万恒沙
如是諸大衆一心求佛道是諸大師等
六万恒河沙俱來供養佛及護持是經
將五万恒沙其數過於四万及三萬
二万至一萬一千一百等乃至一恒沙
半及三四分億萬分之一千萬那由他
萬億諸弟子乃至於半億其數復過上
百萬至一萬一千及一百五十與一十
乃至三二一單已無眷屬樂於獨處者
俱來至佛所其數轉過上如是諸大衆
若人行籌數過於恒沙劫猶不能盡知
是諸大威德精進菩薩衆誰為其說法
教化而成就從誰初發心稱揚何佛法
受持行誰經修習何佛道如是諸菩薩
神通大智力四地地震裂表皆從中踊出
世尊我昔來未曾見是事願說其所從
國土之名号我常遊諸國未曾見是衆
我於此衆中乃不識一人忽然從地出

願說其因緣今此之大會無量百千億
是諸菩薩等皆欲知此事是諸菩薩衆
本末之因緣無量德世尊唯願決衆疑
今時釋迦牟尼佛分身諸佛從無量
千萬億他方國土來者在於八方諸
寶樹下師子座上結跏趺坐其佛侍
者各各見是菩薩大衆於三千大千
世界四方從地踊出住於虛空各自
其佛言世尊此諸無量無邊阿僧祇
菩薩大衆從何所來今時諸佛各告
侍者諸善男子且待須臾有菩薩摩
訶薩名曰弥勒釋迦牟尼佛之所授
記次後作佛已問斯事佛今答之汝
等自當因是得聞今時釋迦牟尼佛
告弥勒菩薩善哉善哉阿逸多乃能
問佛如是大事汝等當共一心被精
進鎧發堅固意如來今欲顯發宣示
諸佛智慧諸佛自在神通之力諸佛
師子奮迅之力諸佛威猛大勢之力
今時世尊欲重宣此義而說偈言
當精進一心我欲說此事勿得有疑悔
佛智叵思議汝今出信力住於忍善中
昔所未聞法今皆當得聞我今安慰汝

添品法華經卷第五 第十七 在

勿得懷疑懼佛無不實語智慧不可量
所得第一法甚深巨分別如是今當說
汝等一心聽

尔時世尊說此偈已告弥勒菩薩我
今於此大衆宣告汝等阿逸多是諸
大菩薩摩訶薩無量無數阿僧祇從
地踊出汝等皆所未見者我於是娑
婆世界得阿耨多羅三藐三菩提已
教化示導是諸菩薩調伏其心令發
道意此諸菩薩皆於是娑婆世界之
下此界虛空中住於諸經典讀誦通
利思惟分別正憶念阿逸多是諸善
男子等不樂在衆多有所說常樂靜
處勤行精進未曾休息亦不依止人
天而住常樂深智無有障導亦常樂
於諸佛之法一心精進求無上慧尔
時世尊欲重宣此義而說偈言

阿逸汝當知是諸大菩薩從無數劫未
修習佛智慧悉是我所化令發大道心
此等是我子依止是世界常行頭陀事
志樂於靜處捨大衆憒內不樂多所說
如是諸子等學習我道法晝夜常精進
為求佛道故在娑婆世界下方空中住

添品法華經卷第五 第十八 在

志念力堅固常勤求智慧說種種妙法
其心無所畏我於伽耶城菩提樹下坐
得成取正覺轉無上法輪尔乃教化之
令初發道心今皆住不退志當得成佛
我今說實語汝等一心信我從久遠來
教化是等衆

尔時弥勒菩薩摩訶薩及無數諸菩
薩等心生疑惑恠未曾有而作是念
云何世尊於少時間教化如是無量
無邊阿僧祇諸大菩薩令住阿耨多
羅三藐三菩提即白佛言世尊如來
為太子時出於釋宮去伽耶城不遠
坐於道場得成阿耨多羅三藐三菩提
從是已來始過四十餘年世尊云何
於此少時大作佛事以佛勢力以佛
功德教化如是無量大菩薩衆當成
阿耨多羅三藐三菩提世尊此大菩
薩衆假使有人於千萬億劫數不能
盡不得其邊斯等久遠已來於無量
無邊諸佛所殖諸善根成就菩薩道
常修梵行世尊如此之事世所難信
譬如有人色美髮黑年二十五指百
歲人言是我子其百歲人亦指年少

添品法華經卷第五 第十九 在

言是我父生育我等是事難信佛亦
如是得道已來其實未久如此大衆
諸菩薩等已於無量千萬億劫為佛
道故勤行精進善入出住無量百千
萬億三昧得大神通久修梵行善能
次第集諸善法巧於問答人中之寶
一切世間甚為希有今日世尊方云
得佛道時初令發心教化示導令向
阿耨多羅三藐三菩提世尊得佛未
久乃能作此大功德事我等雖復信
佛隨宜所說佛所出言未曾虛妄佛
所知者皆悉通達然諸新發意菩薩
於佛滅後若聞是語或不信受而起
破法罪業因緣唯然世尊願為解說
除我等疑及未來世諸善男子聞此
事已亦不生疑尔時弥勒菩薩欲重
宣此義而說偈言

佛昔從釋種出家近伽耶坐於菩提樹
尔來尚未久此諸佛子等其數不可量
久已行佛道住神通智力善學菩薩道
不染世間法如蓮華在水從地而踊出
皆起恭敬心住於世尊前是事難思議
云何而可信佛得道甚近所成就甚多

願為除眾疑如實分別說辭如少壯人
年始二十五示人百歲子駸白而面皺
是等我所生子亦說是父父少而子老
舉世所不信世尊亦如是得道來甚近
是諸菩薩等志固無怯弱從無量劫來
而行菩薩道巧於難問答其心無所畏
忍辱心決定端正有威德十方佛所讚
善能分別說不樂在人眾常好在禪定
為求佛道故於下空中住我等從佛聞
於此事無疑願佛為未來演說今開解
若有於此經生疑不信者即當墮惡道
願今為解說は無量菩薩云何於少時
教化令發心而住不退地

添品妙法蓮華經如來壽量品第十五

今時佛告諸菩薩及一切大衆諸善
男子汝等當信解如來誠諦之語復
告大衆汝等當信解如來誠諦之語
又復告諸大衆汝等當信解如來誠
諦之語是時菩薩大衆彌勒為首合
掌白佛言世尊惟願說之我等當信
受佛語如是我三白已復言惟願說之
我等當信受佛語今時世尊知諸菩
薩三請不止而告之言汝等諦聽如

來秘密神通之力一切世間天人及
阿修羅皆謂今釋迦牟尼佛出釋氏
宮去伽耶城不遠坐於道場得阿耨
多羅三藐三菩提然善男子我實成
佛已來無量無邊百千萬億那由他
劫辟如五百千萬億那由他阿僧祇
三千大千世界假使有人末為微塵
過於東方五百千萬億那由他阿僧
祇國乃下一塵如從東行盡是微塵
諸善男子於汝意云何是諸世界可
得思惟校計知其數不弥勒菩薩等
俱白佛言世尊是諸世界無量無邊
罪算數所知亦非心力所及一切聲
聞辟支佛以無漏智不能思惟知其
限數我等住阿惟越致地於是事中
亦所不達世尊如是諸世界無量無
邊今時佛告大菩薩眾諸善男子今
當分明宣語汝等是諸世界若著微
塵及不著者盡以為塵一塵一劫我
成佛已來復過於此百千萬億那由
他阿僧祇劫自從是來我常在此娑
婆世界說法教化亦於餘處百千萬
億那由他阿僧祇國導利眾生諸善

男子於是中間我說然燈佛等又復
言其入於涅槃如是皆以方便分別
諸善男子若有眾生來至我所我以
佛眼觀其信等諸根利鈍隨所應度
處處自說名字不同年紀大小亦復
現言當入涅槃又以種種方便說微
妙法能令眾生發歡喜心諸善男子
如來見諸眾生樂於小法德薄垢重
者為是人說我少出家得阿耨多羅
三藐三菩提然我實成佛已來久遠
若斯但以方便教化眾生今入佛道
作如是說諸善男子如來所演經典
皆為度脫眾生或說已身或說他身
或亦已身或亦他身或亦已事或亦他
事諸所言說皆實不虛所以者何如
來如實知見三界之相無有生死若
退若出亦無在世及滅度者非實非
虛非如非異不如三界見於三界如
斯之事如來明見無有錯謬以諸眾
生有種種性種種欲種種行種種憶
想分別故欲令生諸善根以若干因
緣譬喻言辭種種說法所作佛事未
曾暫廢如是我成佛已來甚大久遠

法華經疏卷第五 第三十疏

壽命無量阿僧祇劫常住不滅諸善男子我本行菩薩道所成壽命今猶未盡復倍上數然今非實滅度而便唱言當取滅度如來以是方便教化衆生所以者何若佛久住於世薄德之人不種善根貧窮下賤貪著五欲入於憶想妄見網中若見如來常在不滅便起憍恣而懷厭怠不能生難遭之想恭敬之心是故如來以方便說比丘當知諸佛出世難可值遇所以者何諸薄德人過無量百千萬億劫或有見佛或不見者以此事故我作是言諸比丘如來難可得見斯衆生等聞如是語必當生於難遭之想心懷慕渴仰於佛便種善根是故如來雖不實滅而言滅度又善男子諸佛如來法皆如是為度衆生皆實不虛譬如良醫智慧聰達明練方藥善治衆病其人多諸子息若二十乃至百數以有事緣遠至餘國諸子於後飲他毒藥藥發悶亂宛轉于地是時其父還來歸家諸子飲毒或失本心或不失者遇見其父皆大歡喜

法華經疏卷第五 第三十四疏

拜跪問訊善安隱歸我等愚癡誤服毒藥願見救療更賜壽命父見子等苦惱如是依諸經方求好藥草色香美味皆悲具足擣碎和合與子令服而作是言此大良藥色香美味皆悲具足汝等可服速除苦惱無復衆患其諸子中不失心者見此良藥色香俱好即便服之病盡除愈餘失心者見其父來雖亦歡喜問訊求索治病然與其藥而不肯服所以者何毒氣深入失本心故於此好色香藥而謂不美父作是念此子可愍為毒所中心皆顛倒雖見我喜求索救療如是好藥而不肯服我今當設方便令服此藥即作是言汝等當知我今衰老死時已至是好良藥今留在此汝可取服勿憂不若作是教已復至他國遣使還告汝父已死是時諸子聞父背喪心大憂惱而作是念若父在者慈愍我等能見救護今者捨我遠喪他國自惟孤靈無復恃怙常懷悲感心遂醒悟乃知此藥色香味美即取服之毒病皆愈其父聞子悲已得美尋

法華經疏卷第五 第三十五疏

便來歸咸使見之諸善男子於意云何頗有人能說此良醫虛妄罪不也世尊佛言我亦如是成佛已來無量無邊百千萬億那由他阿僧祇劫為衆生故以方便力言當滅度亦無有能如法說我虛妄過者今時世尊欲重宣此義而說偈言
我得佛來所經諸劫數無量百千萬億載阿僧祇常說法教化無數億衆生令入於佛道今來無量劫為度衆生故方便現涅槃而實不滅度常住此說法我常住於此以諸神通力令顛倒衆生雖近而不見衆見我滅度廣供養舍利咸皆懷戀慕而生渴仰心衆生既信伏質直意柔軟一心欲見佛不自惜身命時我及衆僧俱出靈鷲山我時語衆生常在此不滅以方便力故現有滅不滅餘國有衆生恭敬信樂者我復於彼中為說無上法汝等不聞此但謂我滅度我見諸衆生沒在於苦惱故不為現身今其生渴仰因其心戀慕乃出為說法神通力如是於阿僧祇劫常在靈鷲山及餘諸住處衆生見劫盡大火所燒時

我此土安隱 天人常充滿 園林諸堂閣
種種寶莊嚴 寶樹多花果 衆生所遊樂
諸天擊天鼓 常作衆伎樂 兩旁陀羅華
散佛及大衆 我淨土不毀 而衆見燒盡
憂怖諸苦惱 如是悉充滿 是諸罪衆生
以惡業因緣 過阿僧祇劫 不聞三寶名
諸有修功德 柔和質直者 則皆見我身
在此而說法 或時為此衆 說佛壽無量
久乃見佛者 為說佛難值 我智力如是
慈光照無量 壽命無數劫 久修業所得
汝等有智者 勿於此生疑 當斷令永盡
佛語實不虛 如醫善方便 為治狂子故
實在而言死 無能說虛妄 我亦為世父
救諸苦患者 為凡夫顛倒 實在而言滅
以常見我故 而生憍恣心 放逸著五欲
墮於惡道中 我常知衆生 行道不行道
隨應所可度 為說種種法 每自作是意
以何令衆生 得入無上道 速成就佛身
添品妙法蓮華經分別功德品第十六
余時大會聞佛說壽命劫數長遠如
是無量無邊阿僧祇衆生得大饒益
於時世尊告迦勒菩薩摩訶薩阿逸
多我說是如來壽命長遠時六百八

十萬億那由他恒河沙衆生得無生
法忍復有千倍菩薩摩訶薩得聞持
陀羅尼門復有一世界微塵數菩薩
摩訶薩得樂說無尋辯才復有一世
界微塵數菩薩摩訶薩得百千萬億
無量旋陀羅尼復有三千大千世界
微塵數菩薩摩訶薩能轉不退法輪
復有二千中國土微塵數菩薩摩訶
薩能轉清淨法輪復有小千國土微
塵數菩薩摩訶薩八生當得阿耨多
羅三藐三菩提復有四四天下微塵數
菩薩摩訶薩四生當得阿耨多羅三
藐三菩提復有三四天下微塵數菩
薩摩訶薩三生當得阿耨多羅三藐
三菩提復有二四天下微塵數菩薩
摩訶薩二生當得阿耨多羅三藐三
菩提復有一四天下微塵數菩薩摩
訶薩一生當得阿耨多羅三藐三菩
提復有八世界微塵數衆生皆發阿
耨多羅三藐三菩提心佛說是諸菩
薩摩訶薩得大法利時於虛空中雨
曼陀羅華摩訶曼陀羅華以散無量
百千萬億衆寶樹下師子座上諸佛并

散七寶塔中師子座上釋迦牟尼佛
及久滅度多寶如來亦散一切諸大
菩薩及四部衆又雨細末栴檀沉水
香等於虛空中天鼓自鳴妙聲深遠
又雨千種天衣垂諸瓔珞真珠瓔珞
摩尼珠瓔珞如意珠瓔珞過於九方
衆寶香爐燒無價香自然周至供養
大會一一佛上有諸菩薩執持幡蓋
次第而上至于梵天是諸菩薩以妙
音聲歌無量頌讚歎諸佛今時弥勒
菩薩從座而起偏袒右肩合掌向佛
而說偈言
佛說希有法 昔所未曾聞 世尊有大力
壽命不可量 無數諸佛子 聞世尊分別
說得法利者 歡喜充滿身 或住不退地
或得陀羅尼 或無尋樂說 萬億旋挺持
或有大千界 微塵數菩薩 各各皆能轉
不退之法輪 復有中千界 微塵數菩薩
各各皆能轉 清淨之法輪 復有小千界
微塵數菩薩 餘各八生在 當得成佛道
復有四三二 如此四天下 微塵諸菩薩
隨數生成佛 或一四天下 微塵數菩薩
餘有一生在 當成一切智 如是等衆生

添品法華經卷第五 第三十九張 在 品

聞佛壽長遠得無量無漏清淨之果報復有八世界微塵數衆生聞佛說壽命皆發無上心世尊說無量不可思議法多有所饒益如虛空無邊兩天勇陀羅摩訶勇陀羅釋梵如恒沙無數佛土來兩栴檀沉水續紛而亂墜如鳥飛空下供散於諸佛天鼓虛空中自然出妙聲天衣千萬種旋轉而來下衆寶妙香爐燒無價之香自然悉周遍供養諸世尊其大菩薩衆執七寶幡蓋高妙萬億種次第至梵天一諸佛前寶幢懸勝幡亦以千萬偈歌詠諸如來如是種種事昔所未曾有聞佛壽無量一切皆歡喜佛名聞十方廣饒益衆生一切具善根以助無上心

今時佛告弥勒菩薩摩訶薩阿逸多其有衆生聞佛壽命長遠如是乃至能生一念信解所得功德無有限量若有善男子善女人為阿耨多羅三藐三菩提故於八十萬億那由他劫行五波羅蜜檀波羅蜜尸羅波羅蜜羼提波羅蜜毗梨耶波羅蜜禪波羅蜜奢除般若波羅蜜以是功德比前功

添品法華經卷第五 第三十張 在 品

德百分千分百千萬億分不及其一乃至算數譬喻所不能知若善男子有如是功德於阿耨多羅三藐三菩提退者無有是處今時世尊欲重宣此義而說偈言

若人求佛慧於八十萬億那由他劫數行五波羅蜜於是諸劫中布施供養佛及修覺弟子并諸善菩薩眾殊異之飲食上服與卧具栴檀立精舍以園林莊嚴如是等布施種種皆微妙盡此諸劫數以迴向佛道若復持禁戒清淨無缺漏求於無上道諸佛之所歎若復行忍辱住於調柔地設衆惡來加其心不傾動諸有得法者懷於增上慢為此所輕慢如是亦能忍若復勤精進志念常堅固於無量億劫一心不懈怠又於無數劫住於空閑處若坐若經行除睡常攝心以是因緣故能生諸禪定八十億万劫安住心不乱持此一心福願求無上道我得一切智盡諸禪定際是人於百千萬億劫數中行此諸功德如上之所說有善男女等聞我說壽命乃至一念信其福過於彼若人悉無有一切諸疑悔

添品法華經卷第五 第三十一張 在 品

深心須臾信其福為如此其有諸菩薩無量劫行道聞我說壽命是則能信受如是諸人等頂受此經典願我於未來長壽度衆生如今日世尊諸釋中之王道場師子吼說法無所畏我等未來世一切所尊敬坐於道場時說壽亦如是若有深心者清淨而質直多聞能持隨義解佛語如是之人等於此無有疑又阿逸多若有聞佛壽命長遠解其言趣是人所得功德無有限量能起如來無上之慧何況廣聞是經若教人聞若自持若教人持若自書若教人書若以華香瓔珞幢幡繒蓋香油酥燈供養經卷是人功德無量無邊能生一切種智阿逸多若善男子善女人聞我說壽命長遠深信心信解則為見佛常在耆闍崛山共大菩薩諸聲聞衆圍遶說法又見此娑婆世界其地琉璃坦然平正閭浮檀金以界八道寶樹行列諸臺樓觀皆悉寶成其菩薩衆咸慶其中若有能如是觀者當知是為深信解相又復如來滅後若聞是經而不毀訾起隨喜心當

知已為深信解相何況讀誦受持之者斯人則為頂戴如來阿逸多是善男子善女人不須為我復起塔寺及作僧坊以四事供養眾僧所以者何是善男子善女人受持讀誦是經典者為已起塔造立僧坊供養眾僧則為以佛舍利起七寶塔高廣漸小至于梵天懸諸幡蓋及眾寶鈴華香瓔珞末香塗香燒香眾鼓伎樂簫笛箏箏種種舞戲以妙音聲歌讚讀誦則為已於無量千萬億劫作是供養已阿逸多若我滅後聞是經典有能受持若自書若教人書則為起立僧坊以赤栴檀作諸殿堂三十有二高八多羅樹高廣嚴好百千比丘於其中止園林浴池經行禪窟衣服飲食床褥湯藥一切樂具充滿其中如是僧坊堂閣若干百千萬億其數無量以此現前供養於我及比丘僧是故我說如來滅後若有受持讀誦為他人說若自書若教人書供養經卷不須復起塔寺及造僧坊供養眾僧況復有人能持是經義行布施持戒忍辱

精進一心智慧其德眾勝無量無邊譬如虛空東西南北四維上下無量無邊是人功德亦復如是無量無邊疾至一切種智若人讀誦受持是經為他人說若自書若教人書復能起塔及造僧坊供養讚歎聲聞眾僧亦以百千萬億讚歎之法讚歎菩薩功德又為他人種種因緣隨義解說此法華經復能清淨持戒與柔和者而共同止忍辱無瞋志念堅固常貴坐禪得諸深定精進勇猛攝諸善法利根智慧善若問難阿逸多若我滅後諸善男子善女人受持讀誦是經典者復有如是諸善功德當知是人已趣道場近阿耨多羅三藐三菩提坐道樹下阿逸多是善男子若坐若立若經行處是中便應起塔一切天人皆應供養如佛之塔今時世尊欲重宣此義而說偈言

若我滅後後能奉持此經斯人福無量如上的所說是則為具足一切諸供養以舍利起塔七寶而莊嚴表刹甚高廣漸小至梵天寶鈴千萬億風動出妙聲

又於無量劫而供養此塔華香諸瓔珞天衣眾伎樂然香油酥燈周匝常照明惡世法末時能持是經者則為已如上具足諸供養若能持此經則如佛現在以牛頭栴檀起僧坊供養堂有三十二高八多羅樹上饌妙衣服牀卧皆具足百千眾住處園林諸涼池經行及禪窟種種皆嚴好若有信解心受持讀誦書若復教人書及供養經卷散華香末香以須臾瞻阿提目多伽重油常然之如是供養者得無量功德如虛空無邊其福亦如是況復持此經廣布施持戒忍辱樂檀定不瞋不惡口恭於塔廟護下諸比丘遠離自高心常思惟智慧有問難不瞋隨順為解說若能行是行功德不可量若見此法師成就如是德應以天華散天衣覆其身頭面接足礼生心如佛想又應作是念不久詣道樹得無漏無為廣利諸人天其所住止處經行若坐卧乃至說一偈是中應起塔莊嚴令妙好種種以供養佛子住此地則是佛受用常在於其中經行及坐卧添品妙法蓮華經卷第五

癸卯歲高麗國大藏都監奉勅彫造

添品妙法蓮華經卷第六

在

隋天竺三藏闍那崛多共梵多譯

隨喜功德品第十七

今時弥勒菩薩摩訶薩白佛言世尊若有善男子善女人聞是法華經隨喜者得幾所福而說偈言

世尊滅度後其有聞是經若能隨喜者為得幾所福

今時佛告弥勒菩薩摩訶薩阿逸多如來滅後若比丘比丘尼優婆塞優婆夷及餘智者若長若幼聞是經隨喜已從法會出至於餘處若在僧坊若空閑地若城邑巷陌聚落田里如其所聞為父母宗親善友知識隨力演說是諸人等聞已隨喜復行轉教餘人聞已亦隨喜轉教如是展轉至第五十阿逸多其第五十善男子善女人隨喜功德我今說之汝當善聽若四百万億阿僧祇世界六趣四生眾生卵生胎生濕生化生若有形無形有想無想非有想非無想無足二足四足多足如是等在眾生數者有

人求福隨其所欲娛樂之具皆給與

添品法華經卷第六 第三張 在

之一一眾生與滿閻浮提金銀琉璃車乘馬瑞珊瑚帝珎諸妙珍寶及象馬車乘七寶所成宮殿樓閣等是大施主如是布施滿八十年已而作是念我已施眾生娛樂之具隨意所欲然此眾生皆已衰老年過八十髮白面皺將死不久我當以佛法而訓導之即集此眾生宣布法化亦教利喜一時皆得須陀洹道斯陀含道阿那含道阿羅漢道盡諸有漏於深禪定皆得自在具八解脫於汝意云何是大施主所得功德寧為多不弥勒白佛言世尊是人功德甚多無量無邊若是施主但施眾生一切樂具功德無量何況令得阿羅漢果佛告弥勒我今分明語汝是人以一切樂具施於四百万億阿僧祇世界六趣眾生又令得阿羅漢果所得功德不如是第五十人聞法華經一偈隨喜功德百分千分百万分不及其一乃至算數譬喻所不能知阿逸多如是第五十人展轉聞法華經隨喜功德尚

無量無邊阿僧祇何況初於會中

添品法華經卷第六 第三張 在

聞而隨喜者其福復勝無量無邊阿僧祇不可得比又阿逸多若人為是經故往詣僧坊若坐若立須臾聽受紛是功德轉身所生得好上妙為馬車乘珍寶輦輿及乘天宮若復有人於講法處坐更有人來勸令坐聽若分座令坐是人功德轉身得帝釋坐處若梵王坐處若轉輪聖王所坐之處阿逸多若復有人語餘人言有經名法華可共往聽即受其教乃至須臾聞聞是人功德轉身得與陀羅尼菩薩共生一處利根智慧百千万世終不瘡痂口氣不臭舌常無病口亦無病齒不垢黑不黃不疎亦不黏落不差不曲脣不下垂亦不褻縮不瘰滋不瘡疥亦不皸瘵亦不喎斜不厚不大亦不鰲黑無諸可惡鼻不脇腭亦不曲戾面色不黑亦不狹長亦不眾曲無有一切不可意相唇舌牙齒悉皆嚴好鼻脩高直面貌圓滿眉高而長額廣平正人相具足世世所生見佛聞法信受教誨阿逸多汝且觀

是勸於一人令往聽法功德如此何
況一心聽說讀誦而於大眾為人分
別如說修行亦時世尊欲重宣此義
而說偈言

若人於法會得聞是經典乃至於一偈
隨喜為他說如是展轉教至于第五十
輩後人獲福今當分別之如有大施主
供給無量眾具滿八十歲隨意之所欲
見彼衰老相毀白而面皺齒疎形枯竭
念其死不久我今應當教令得於道果
即為方便說涅槃真實法世皆不牢固
如水沫泡焰汝等咸應當疾生歡離心
諸人聞是法皆得阿羅漢具足六神通
三明八解脫取後第五十聞一偈隨喜
是人福勝彼不可為譬喻如是展轉聞
其福尚無量何況於法會初聞隨喜者
若有勸一人將引聽法華言此經深妙
千萬劫難遇即受教往聽乃至須臾聞
斯人之福報今當分別說世世無口患
齒不疎黃黑唇不厚寡歟無有可惡相
舌不乾黑短鼻高脣且直額廣而平正
面目慈端嚴為人所喜見口氣無臭穢
優鉢華之香常從其口出若故詣僧坊

欲聽法華經須臾聞歡喜今當說其福
後生天人中得妙為馬車珍寶之輦與
及乘天宮殿若於講法處勸人坐聽經
是福因緣得釋梵轉輪座何況一心聽
解說其義趣如說而修行其福不可限
添品妙法蓮華經法師功德品第十八

今時佛告常精進普薩摩訶薩若善
男子善女人受持是法華經若讀若
誦若解說若書寫是人當得八百眼
功德千二百耳功德八百鼻功德千
二百舌功德八百身功德千二百意
功德以是功德莊嚴六根皆令清淨
是善男子善女人父母所生清淨肉
眼見於三千大千世界內外所有山
林河海下至阿鼻地獄上至有頂亦
見其中一切眾生及業因緣果報生
處悉見悉知今時世尊欲重宣此義
而說偈言

若於大眾中以無所畏心說是法華經
汝聽其功德是人得八百功德殊勝眼
以是莊嚴故其目甚清淨父母所生眼
悉見三千界內外諸樓山須弥及鐵圍
并諸餘山林大海江河水下至阿鼻獄

上至有頂處其中諸眾生一切皆悉見
雖未得天眼肉眼力如是

復次常精進若善男子善女人受持
此經若讀若誦若解說若書寫得千
二百耳功德以是清淨耳聞三千大
千世界下至阿鼻地獄上至有頂其
中內外種種所有語言音聲為聲馬
聲牛聲車聲帝哭聲愁歎聲鼙鼓聲
鐘聲鈴聲笑聲語聲男聲女聲童子
聲童女聲法聲非法聲若聲樂聲凡
夫聲聖人聲喜聲不喜聲天聲龍聲
夜叉聲乾闥婆聲阿修羅聲迦樓羅
聲緊那羅聲摩睺羅伽聲人聲水聲
風聲地獄聲畜生聲餓鬼聲比丘聲
比丘尼聲聲聞聲辟支佛聲菩薩聲
佛聲以要言之三千大千世界中一
切內外所有諸聲雖未得天耳以父
母所生清淨常耳皆悉聞知如是分
別種種音聲而不壞耳根今時世尊
欲重宣此義而說偈言

父母所生耳清淨無濁穢以此常耳聞
三千世界聲為馬車牛聲鐘鈴鼙鼓聲
雲瑟笙簧聲簫笛之音聲清淨好歌聲

添品法華經卷第六 第五張 在 香
聽之而不著無數種人聲聞悉能解了

又聞諸天聲微妙之歌音及聞男女聲童子童女聲山川險谷中迦陵頻伽聲命命等諸鳥悲聞其音聲地獄眾苦痛種種楚毒聲餓鬼飢渴逼求索飲人聲諸阿修羅等居在大海邊自共言語時出於大音聲如是說法者安住於此間遙聞是眾聲而不壞耳根十方世界中禽獸鳴相呼其說法之人於此悲聞之其諸梵天上光音及遍淨乃至有頂天言語之音聲法師住於此悉皆得聞之一切比丘眾及諸比丘尼若讀誦經典若為他人說法師住於此悉皆得聞之復有諸菩薩讀誦於經法若為他人說撰集解其義如是諸音聲悉皆得聞之諸佛大聖尊教化眾生者於諸大會中演說微妙法持此法華者悉皆得聞之三千大千界內外諸音聲下至阿鼻獄上至有頂天皆聞其音聲而不壞耳根其耳聰利故悉能分別知持是法華者雖未得天耳但用所生耳功德已如是復次常精進若善男子善女人受持是經若讀若誦若解說若書寫成就

添品法華經卷第六 第六張 在 香
八百鼻功德以是清淨鼻根聞於三

千大千世界上下內外種種諸香須臾那華香閼提華香末利華香瞻蔔華香波羅羅華香赤蓮華香青蓮華香白蓮華香華樹香果樹香栴檀香沉水香多摩羅跋香多伽羅香及千萬種和香若末若丸若塗香持是經者於此間住悉能分別又復別知眾生之香鳥香馬香牛羊等香男香女香童子香童女香及草木藥林香若近若遠所有諸香悉皆得聞分別不錯持是經者雖住於此亦聞天上諸天之香波利質多羅拘鞞陀羅樹香及曼陀羅華香摩訶曼陀羅華香曼殊沙華香摩訶曼殊沙華香栴檀沉水種種香諸華香如是等天香和合所出之香無不聞知又聞諸天身香釋提桓因在勝殿上五欲娛樂嬉戲時香若在妙法堂上為忉利諸天說法時香若於諸園遊戲時香及餘天等男女身香皆悉遙聞如是展轉乃至梵天上至有頂諸天身香亦皆聞之并聞諸天所燒之香及聲聞

添品法華經卷第六 第九張 在 香
香辟支佛香菩薩香諸佛身香亦皆

遙聞知其所在雖聞此香然於鼻根不壞不錯若欲分別為他人說憶念不謬今時世尊欲重宣此義而說偈言
是人鼻清淨於此世界中若香若臭物種種悉聞知須臾那閼提多摩羅栴檀沉水及桂香種種華果香及知眾生香男子女人香說法者遠住聞香知所在大勢轉輪王三小轉輪及子群臣諸宮人聞香知所在身所著珍寶及地中寶藏轉輪王寶女聞香知所在諸人嚴身具衣服及環珞種種所塗香聞則知其身諸天若行坐遊戲及神變持是法華者聞香悉能知諸樹華果實及酥油香氣持經者住此悉知其所在諸山深險處栴檀樹華敷眾生在中者聞香悉能知鐵圍山大海地中諸眾生持經者聞香悉知其所在阿修羅男女及其諸眷屬聞誦遊戲時聞香皆能知曠野險隘處師子為窟狼野牛水牛等聞香知所在若有懷妊者未辨其男女無根及非人間香悉能知以聞香力故知其初懷妊

成就不成就安樂產福子以聞香力故
 知男女所念深欲癡慧心亦知修善者
 地中眾伏藏金銀諸珍寶銅器之所盛
 聞香悉能知種種諸瓔珞無能識其價
 聞香知貴賤出處及所在天上諸華等
 身施身殊沙波利質多樹聞香悉能知
 天上諸宮殿上中下差別眾寶華莊嚴
 聞香悉能知天園林勝殿諸觀妙法堂
 在中而娛樂聞香悉能知諸天若聽法
 或受五欲時來往行坐卧聞香悉能知
 天女所著衣好華香莊嚴周旋遊戲時
 聞香悉能知如是展轉上乃至於梵天
 入禪出禪者聞香悉能知光音遍淨天
 乃至於有頂初生及退沒聞香悉能知
 諸比丘眾等於法常精進若坐若經行
 及讀誦經法或在林樹下專精而坐禪
 持經者聞香悉能知其在菩薩志堅固
 坐禪若讀經或為人說法聞香悉能知
 在在方世尊一切所恭敬愍眾而說法
 聞香悉能知眾生在佛前聞經皆歡喜
 如法而修行聞香悉能知雖未得菩薩
 無漏法生身而是持經者先得此鼻相
 復次常精進若善男子善女人受持

是經若讀若誦若解說若書寫得千
 二百舌功德若好若醜若美不美及
 諸苦澁物在其舌根皆變成上味如
 天甘露無不美者若以舌根於大眾
 中有所演說出深妙聲能入其心皆
 令歡喜快樂又諸天子天女釋梵諸
 天聞是深妙音聲有所演說言論大
 第皆悉來聽及諸龍龍女夜叉夜叉
 女乾闥婆乾闥婆女阿修羅阿修羅
 女迦樓羅迦樓羅女緊那羅緊那羅
 女摩睺羅伽摩睺羅伽女為聽法故
 皆來親近恭敬供養及比丘比丘尼
 優婆塞優婆夷國王王子群臣眷屬
 小轉輪三大轉輪三七寶千子內外
 眷屬乘其宮殿俱來聽法以是菩薩
 善說法故婆羅門居士國內人民盡
 其形壽隨侍供養又諸聲聞辟支佛
 菩薩諸佛常樂見之是人所在方面
 諸佛皆向其處說法悉能受持一切
 佛法又能出於深妙法音令時世尊
 欲重宣此義而說偈言
 是人舌根淨終不受惡味其有所食數
 悉皆成甘露以深淨妙聲於大眾說法

以諸因緣喻引導眾生心聞者皆歡喜
 設諸上供養諸天龍夜叉及阿修羅等
 皆以恭敬心而共來聽法是說法之人
 若欲以妙音遍滿三千界隨意即能至
 大小轉輪王及千子眷屬合掌恭敬心
 常來聽受法諸天龍夜叉羅刹毗舍闍
 亦以歡喜心常樂來供養梵天王魔王
 自在大自在如是諸天眾常來至其所
 諸佛及弟子聞其說法音常念而守護
 或時為現身
 復次常精進若善男子善女人受持
 是經若讀若誦若解說若書寫得八
 百身功德得清淨身如淨琉璃眾生
 意見其身淨故三千大千世界眾生
 生時死時上下好醜生善處惡處悉
 於中現及鐵圍山大鐵圍山彌樓山摩
 訶訶樓山等諸山及其中眾生悉於中
 現下至阿鼻地獄上至有頂所有及
 眾生悉於中現若聲聞辟支佛菩薩
 諸佛說法皆於身中現其色像令時
 世尊欲重宣此義而說偈言
 若持法華者其身甚清淨如彼淨琉璃
 眾皆悉見又如淨明鏡悉見諸色像

添品法華經卷第六 第十五 在 三

菩薩於淨身皆見世所有唯獨自明了
餘人所不見三千世界中一切諸群萌
天人阿修羅地獄鬼畜生如是諸色像
皆於身中現諸天等宮殿乃至於有頂
鐵圍及彌樓摩訶彌樓山諸大海水等
皆於身中現諸佛及眷屬佛子菩薩等
若獨若在眾說法悉皆現雖未得無漏
法性之妙身以清淨常體一切於身現
復次常精進若善男子善女人如來
滅後受持是經若讀若誦若解說若
書寫得千二百意功德以是清淨意
根乃至聞一偈一句通達無量無邊
之義解是義已能演說一句一偈至
於一月四月乃至一歲諸所說法隨
其義趣皆與實相不相違背若說俗
間經書治世語言資生業等皆順正
法三千大千世界六趣衆生心之所
行心所動作心所戲論皆悉知之雖
未得無漏智慧而其意根清淨如此
是人有所思惟籌量言說皆是佛法
無不真實亦是先佛經中所說亦時
世尊欲重宣此義而說偈言
是人意清淨明利無微濁以此妙意根

添品法華經卷第六 第十五 在 三

知上中下法乃至聞一偈通達無量義
次第如法說月四月至歲是世界內外
一切諸衆生若天龍及人夜叉鬼神等
其在六趣中所念若干種持法華之報
一時皆悉知十方無數佛百福莊嚴相
為衆生說法悉聞能受持思惟無量義
說法亦無量終始不忘錯以持法華故
悉知諸法相隨義識次第達名字語言
如所知演說此人有說皆是先佛法
以演此法故於衆無所畏持法華經者
意根淨若斯雖未得無漏先有如是相
是人持此經安住希有地為一切衆生
歡喜而受敬能以千萬種善巧之語言
分別而說法持法華經故

添品妙法蓮華經常不輕菩薩品第十九

今時佛告得大勢菩薩摩訶薩汝今
當知若比丘比丘尼優婆塞優婆夷
持法華經者若有惡口罵詈誹謗獲
大罪報如前所說其所得功德如向
所說眼耳鼻舌身意清淨得大勢乃
往古昔過無量無邊不可思議阿僧
祇劫有佛名威音王如來應供正遍
知明行足善逝世間解無上士調御

添品法華經卷第六 第十五 在 三

丈夫天人師佛世尊劫名離婁國名
大成其威音王佛於彼世中為天人
阿脩羅說法為求聲聞者說應四諦
法度生老病死究竟涅槃為求辟支
佛者說應十二因緣法為諸菩薩因
阿耨多羅三藐三菩提說應六波羅
蜜法究竟佛慧得大勢是威音王佛
壽四十萬億那由他恒河沙劫正法
住世劫數如一閻浮提微塵像法住
世劫數如四天下微塵其佛饒益衆
生已然後滅度正法像法滅盡之後
於此國土復有佛出亦名威音王如
來應供正遍知明行足善逝世間解
無上士調御丈夫天人師佛世尊如
是次第有二萬億佛皆同一號寂初
威音王如來既已滅度正法滅後於
像法中增上慢比丘有大勢力亦時
有一菩薩比丘名常不輕得大勢以
何因緣名常不輕是比丘凡有所見
若比丘比丘尼優婆塞優婆夷皆悉
禮拜讚歎而作是言我深敬汝等不
敢輕慢所以者何汝等皆行菩薩道
當得作佛而是比丘不專讀誦經典

但行札拜乃至遠見四眾亦復故往
札拜讚歎而作是言我不敢輕於汝
等汝等皆當作佛四眾之中有生瞋
恚心不淨者惡口罵詈言是無智比
丘從何所來自言我不輕汝而與我
等授記當得作佛我等不用如是虛
妄授記如此經歷多年常被罵詈不
生瞋恚常作是言汝當作佛說是語
時衆人或以杖木瓦石而打擲之避
走遠住猶高聲唱言我不敢輕汝汝
等皆當作佛以其常作是語故增上
慢比丘比丘尼優婆塞優婆夷等之
為常不輕是比丘臨欲終時於虛空
中具聞威音王佛先所說法華經二
十千萬億偈悉能受持即得如上眼
根清淨耳鼻舌身意根清淨得是六
根清淨已更增壽命二百萬億那由
他歲廣為人說是法華經於時增上
慢四眾比丘比丘尼優婆塞優婆夷
輕賤是人為作不輕名者見其得大
神通力樂說辯力大善寂力聞其所
說皆信伏隨從是菩薩復化千萬億
眾令住阿耨多羅三藐三菩提命終

之後得值二千億佛皆号日月燈明
於其法中說是法華經以是因緣復
值二千億佛皆同号雲自在燈王
於此諸佛法中受持讀誦為諸四眾
說此經典故得是常眼清淨耳鼻舌
身意諸根清淨於四眾中說法心無
所畏得大勢是常不輕菩薩摩訶薩
供養如是若于諸佛恭敬尊重讚歎
種諸善根於後復值千萬億佛亦於
諸佛法中說是經典功德成就當得
作佛得大勢於意云何尔時常不輕
菩薩豈異人乎則我身是若我於宿
世不受持讀誦此經為他人說者不
能疾得阿耨多羅三藐三菩提我於
先佛所受持讀誦此經為他人說故
疾得阿耨多羅三藐三菩提得大勢
彼時四眾比丘比丘尼優婆塞優婆
夷以瞋恚意輕賤我故二百億劫常
不值佛不聞法不見僧于劫於阿鼻
地獄受大苦惱畢是罪已復遇常不
輕菩薩教化阿耨多羅三藐三菩提
得大勢於法意云何尔時四眾常輕
是菩薩者豈異人乎今此會中跋陀

婆羅等五百菩薩師子月等五百比
丘尼思佛等五百優婆塞皆於阿耨
多羅三藐三菩提不退轉者是得大
勢當知是法華經大饒益諸菩薩摩
訶薩能令至於阿耨多羅三藐三菩
提是故諸菩薩摩訶薩於如來滅後
常應受持讀誦解說書寫是經尔時
世尊欲重宣此義而說偈言
過去有佛号威音王 神智無量
將導一切天人龍神 所共供養
是佛滅後 法欲盡時 有一菩薩
名常不輕 時諸四眾 計著於法
不輕菩薩 往到其所 而語之言
我不輕汝 汝等行道 皆當作佛
諸人聞已 輕毀罵詈 不輕菩薩
能忍受之 其罪畢已 臨命終時
得聞此經 六根清淨 神通力故
增益壽命 復為諸人 廣說是經
諸著法眾 皆蒙菩薩 教化成就
今住佛道 不輕命終 值無數佛
說是經故 得無量福 漸具功德
疾成佛道 彼時不輕 則我身是
時四部眾 著法之者 聞不輕言

汝當作佛淨法華經卷第六 第十九以是因緣 值無數佛
此會菩薩 五百之衆 并及四部
清信士女 今於我前 聽法者是
我於前世 勸是諸人 聽受斯經
第一之法 開示教人 今住涅槃
世世受持 如是經典 億億萬劫
至不可議 時乃得聞 是法華經
憶億萬劫 至不可議 諸佛世尊
時說是經 是故行者 於佛滅後
聞如是經 勿生疑惑 應當一心
廣說此經 世世值佛 疾成佛道
添品妙法蓮華經如來神力品第二十
今時千世界微塵等菩薩摩訶薩從
地踊出者皆於佛前一心合掌瞻仰
尊顏而白佛言世尊我等於佛滅後
世尊分身所在國土滅度之處當廣
說此經所以者何我等亦自欲得是
真淨大法受持讀誦解說書寫而供
養之今時世尊於文殊師利等無量
百千萬億舊住娑婆世界菩薩摩訶
薩及諸比丘比丘尼優婆塞優婆夷
天龍夜叉乾闥婆阿修羅迦樓羅緊
那羅摩睺羅伽人非人等一切衆前

現大神力出廣長舌上至梵世一切
毛孔放於無量無數色光皆悉遍照
十方世界衆寶樹下師子座上諸佛
亦復如是出廣長舌放無量光輝如
牟尼佛及寶樹下諸佛現神力時滿
百千歲然後還攝舌相一時聲教俱
共彈指是二音聲遍至十方諸佛世
界地皆六種震動其中衆生天龍夜
叉乾闥婆阿修羅迦樓羅緊那羅摩
睺羅伽人非人等以佛神力故皆見
此娑婆世界無量無邊百千萬億衆
寶樹下師子座上諸佛及見釋迦牟
尼佛共多寶如來在寶塔中坐師子
座又見無量無邊百千萬億菩薩摩
訶薩及諸四衆恭敬圍繞釋迦牟尼
佛既見是已皆大歡喜得未曾有即
時諸天於虛空中高聲唱言過此無
量無邊百千萬億阿僧祇世界有國
名娑婆是有佛名釋迦牟尼今為
諸菩薩摩訶薩說大乘經名妙法蓮
華教菩薩法佛所護念汝等當深心
隨喜亦當禮拜供養釋迦牟尼佛彼
諸衆生聞虛空中聲已合掌向娑婆

世界作如是言南無釋迦牟尼佛南
無釋迦牟尼佛以種種華香瓔珞幡
蓋及諸嚴身之具珍寶妙物皆共遙
散娑婆世界所散諸物從十方來譬
如雲集變成寶帳遍覆此間諸佛之
上于時十方世界通達無尋如一佛土
今時佛告上行等菩薩大衆諸佛神
力如是無量無邊不可思議若我以
是神力於無量無邊百千萬億阿僧
祇劫為囑累故說此經功德猶不能
盡以要言之如來一切所有之法如來
一切自在神力如來一切秘要之藏
如來一切甚深之事皆於此經宣示
顯說是故汝等於如來滅後應一心
受持讀誦解說書寫如說修行所在
國土若有受持讀誦解說書寫如說
修行若經卷所住之處若於園中若
於林中若於樹下若於僧坊若白衣
舍若在殿堂若山谷曠野是中皆應
起塔供養所以者何當知是處即是
道場諸佛於此得阿耨多羅三藐三
菩提諸佛於此轉于法輪諸佛於此
而般涅槃今時世尊欲重宣此義而

說偈言

添品法華經卷第六 第三十張 在 卷

諸佛救世者住於大神通為悅眾生故
 現無量神力舌相至梵天身放無數光
 為求佛道者現此希有事諸佛聲歎聲
 及彈指之聲周聞十方國地皆六種動
 以佛滅度後能持是經故諸佛皆歡喜
 現無量神力囑累是經故讚美受持者
 於無量劫中猶故不能盡是人之功德
 無邊無有窮如十方虛空不可得邊際
 能持是經者則為已見我亦見多寶佛
 及諸分身者又見我今日教化諸菩薩
 能持是經者今我及分身滅度多寶佛
 一切皆歡喜十方現在佛并過去未來
 亦見亦供養亦令得歡喜諸佛坐道場
 所得秘要法能持是經者不久亦當得
 能持是經者於諸法之義名字及言辭
 樂說無窮盡如風於空中一切無郭尋
 於如來滅後如佛所說經因緣及次第
 隨義如實說如日月光明能除諸幽冥
 斯人行世間能滅眾生闇教無量菩薩
 畢竟住一乘是故有智者聞此功德利
 於我滅度後應受持斯經是人於佛道
 決定無有疑

○添品妙法蓮華經

妙法蓮華經陀羅尼品第二十一 添品法華經卷第六 第三十張 在 卷

尔時藥王菩薩即從座起偏袒右肩
 合掌向佛而白佛言世尊若善男子
 善女人有能受持法華經者若讀誦
 通利若有書寫經卷得幾所福佛告
 藥王若有善男子善女人供養八百
 萬億那由他恒河沙等諸佛於汝意
 云何其所得福寧為多不甚多世尊
 佛言若善男子善女人能於是經乃
 至受持一四句偈讀誦解義如說修
 行功德甚多尔時藥王菩薩白佛言
 世尊我今當與說法者陀羅尼咒以
 守護之即說咒曰

恒都姪他 一安涅 易安涅 未涅
 磨磨泥 五質 六折 七利 八攝 迷
 攝多鼻 九奢 安拘 十目 訖拘 十目 訖
 步 都箇 都箇 迷 迷 迷 迷 迷 迷 迷 迷
 恭磨 恭迷 十杜 野夜 頤 頤 頤 頤 頤 頤
 總頭 十忌 敬 姑 姑 姑 姑 姑 姑 姑 姑
 臆 臆 臆 臆 臆 臆 臆 臆 臆 臆 臆 臆
 刹 刹 刹 刹 刹 刹 刹 刹 刹 刹 刹 刹
 鼻 鼻 鼻 鼻 鼻 鼻 鼻 鼻 鼻 鼻 鼻 鼻
 郁 郁 郁 郁 郁 郁 郁 郁 郁 郁 郁 郁

針還第 添品法華經卷第六 第三十張 在 卷

勃地鼻盧吉拘 連磨針離器拘
 僧伽涅羅殺姑 跋耶 跋耶 跋耶 跋耶
 泥 泥 泥 泥 泥 泥 泥 泥 泥 泥 泥 泥
 護路路 護路路 護路路 護路路 護路路 護路路 護路路 護路路 護路路 護路路
 跋索 跋索 跋索 跋索 跋索 跋索 跋索 跋索 跋索 跋索
 世尊是陀羅尼神咒六十二億恒河
 沙等諸佛所說若有侵毀此法師者
 則為侵毀是諸佛已時擇迦牟尼佛
 讚藥王菩薩言善哉善哉藥王汝慈
 念擁護此法師故說是陀羅尼於諸
 衆生多所饒益

尔時勇施菩薩白佛言世尊我亦為
 擁護讀誦受持法華經者說陀羅尼
 若此法師得是陀羅尼若夜叉若羅
 刹若雷單那若吉蔑若鳩摩茶若餓
 鬼等伺求其短無能得便即於佛前
 而說咒曰
 恒姪他 一涉 踏 踏 踏 二莫 訶 涉 踏 踏 三郁
 雞 雞 雞 雞 雞 雞 雞 雞 雞 雞 雞 雞
 刺致 刺致 刺致 刺致 刺致 刺致 刺致 刺致 刺致 刺致 刺致 刺致
 你 你 你 你 你 你 你 你 你 你 你 你
 你 你 你 你 你 你 你 你 你 你 你 你

第一七冊

二五五

沙大聲聞眾佛壽四萬二千劫菩薩壽命亦等彼國無有女人地獄餓鬼畜生阿修羅等及以諸難地平如掌琉璃所成寶樹莊嚴實帳覆上垂寶花幡寶瓶香鑪周遍國界七寶為臺一樹一臺其樹去臺盡一箭道此諸寶樹皆有菩薩聲聞而坐其下諸寶臺上各有百億諸天作天伎樂歌歎於佛以為供養

今時彼佛為一切眾生意見菩薩及眾菩薩諸聲聞眾說法華經是一切眾生意見菩薩樂習苦行於日月淨明德佛法中精進經行一心求佛滿萬二千歲已得現一切色身三昧得此三昧已心大歡喜即作念言我得現一切色身三昧皆是得聞法華經力我今當供養日月淨明德佛及法華經即時入是三昧於虛空中兩旁陀羅華摩訶曼陀羅華細絳黑栴檀滿虛空中如雲而下又兩海此岸栴檀之香此香六鉢價直娑婆世界以供養佛作是供養已從三昧起而自念言我雖以神力供養於佛不如

以身供養即服諸香栴檀薰陸兜樓婆畢力迦沉水膠香又飲瞻蔔諸華香油滿千二百歲已香油塗身於日月淨明德佛前以天寶衣而自纏身灌諸香油以神通力願而自然身光明遍照八十億恒河沙世界其中諸佛同時讚言善哉善哉善男子是真精進是名真法供養如來若以華香瓔珞燒香栴香塗香天繒幡蓋及海此岸栴檀之香如是等種種諸物供養所不能及假使國城妻子布施亦所不及善男子是名第一之施於諸施中尊尊取上以法供養諸如來故作是語已而各嘿然其身如火然千二百歲過是已後其身乃盡一切眾生意見菩薩作如是法供養已命終之後復生日月淨明德佛國中於淨德王家結加趺坐忽然化生即為其父而說偈言

大王今當知我經行彼處即時得一切現諸身三昧勤行大精進捨所受之身說是偈已而白父言日月淨明德佛今故現在我先供養佛已得解一切

眾生語言陀羅尼復聞是法華經八百千万億那由他甄迦羅頻婆羅阿閼婆等偈大王我今當還供養此佛白已即坐七寶之臺上昇虛空高七多羅樹住到佛所頭面禮足合十指爪以偈讚佛

容顏甚奇妙光明照十方我適曾供養今復還親觀

今時一切眾生意見菩薩說是偈已而白佛言世尊世尊猶故在世今時日月淨明德佛告一切眾生意見菩薩善男子我涅槃時到滅盡時至汝可安施牀座我於今夜當般涅槃又勅一切眾生意見菩薩善男子我以佛法囑累於汝及諸菩薩大弟子并阿耨多羅三藐三菩提法亦以三千大千七寶世界諸寶樹寶臺及給侍諸天悉付於汝我滅度後所有舍利亦付囑汝當今流布廣設供養應起若干千塔如是日月淨明德佛勅一切眾生意見菩薩已於夜後分入於涅槃今時一切眾生意見菩薩見佛滅度悲感懊惱戀慕於佛即以海此

法華經卷第六 第三十三經

岸拊檀為積供養佛身而以燒之火
滅已後收取舍利作八万四千寶瓶
以起八万四千塔高三世界表刹莊
嚴垂諸幡蓋懸眾寶鈴尔時一切眾

生見菩薩復自念言我雖作是供

養心猶未足我今當更供養舍利便

語諸菩薩大弟子及天龍夜叉等一

切大眾汝等當一心念我今供養日

月淨明德佛舍利作是語已即於八

万四千塔前然百福莊嚴辭七万二

千歲而以供養令無數求聲聞眾無

量阿僧祇人發阿耨多羅三藐三菩

提心皆使得住現一切色身三昧尔

時諸菩薩天人阿修羅等見其無辭

憂惱悲哀而作是言此一切眾生意

見菩薩是我等師教化我者而今燒

辭身不具足于時一切眾生意見菩

薩於大眾中立此誓言我捨兩臂必

當得佛金色之身若實不虛今我兩

臂還復故故作是誓已自然還復由

斯菩薩福德智慧深厚所致當尔之

時三千大千世界六種震動天雨寶

法華經卷第六 第三十三經

菩薩於汝意云何一切眾生意見菩
薩豈異人乎今藥王菩薩是也其所
捨身布施如是無量百千万億那由
他數

宿王華若有發心欲得阿耨多羅三

藐三菩提者能燃手指乃至足一指

供養佛塔勝以國城妻子及三千大

千國土山林河池諸珍寶物而供養

者若復有人以七寶滿三千大千世

界供養於佛及大菩薩碎支佛阿羅

漢是人所得功德不如受持此法華

經乃至一四句偈其福眾多宿王華

辭如一切川流江河諸水之中海為

第一此法華經亦復如是於諸如來

所說經中寂為深大又如土山黑山

小鐵圍山大鐵圍山及十寶山眾山

之中須彌山為第一此法華經亦復

如是於諸經中寂為其上又如眾星

之中月天子寂為第一此法華經亦

復如是於千万億種諸經法中寂為

照明又如日天子能除諸闇此經亦

復如是能破一切不善之闇又如諸

法華經卷第六 第三十三經

復如是於眾經中寂為其尊又如帝
釋於三十三天中王此經亦復如是
諸經中王又如大梵天王一切眾生

之父此經亦復如是是一切賢聖學無

學及發菩薩心者之父又如一切凡

夫人中須陀洹斯陀含阿那含阿羅

漢碎支佛為第一此經亦復如是一

切如來所說若菩薩所說若聲聞所

說諸經法中寂為第一有能受持是

經典者亦復如是於一切眾生中亦

為第一一切聲聞辟支佛中菩薩為

第一此經亦復如是於一切諸經法

中寂為第一如佛為諸法王此經亦

復如是諸經中王宿王華此經能授

一切眾生者此經能令一切眾生離

諸苦惱此經能大饒益一切眾生充

滿其願如清涼池能滿一切諸渴乏

者如寒者得火如裸者得衣如商人

得主如子得母如渡得船如病得醫

如闇得燈如貧得寶如民得王如賈

客得海如炬除闇此法華經亦復如

是能令眾生離一切苦一切病痛能

解一切生死之縛若人得聞此法華

經若自書若使人書所得功德以佛智慧譬之多少不得其邊若書是經卷華香瓔珞燒香鉢香塗香幡蓋衣服種種之燈酥燈油燈諸香油燈瞻蔔油燈須臾都油燈波羅羅油燈婆利師迦油燈都婆摩利油燈供養所得功德亦復無量宿王華若有人聞是藥王菩薩本事品者亦得無量無邊功德若有女人聞是藥王菩薩本事品能受持者盡是女身後不復受若如來滅後後五百歲中若有女人聞是經典如說修行於此命終即往安樂世界阿彌陀佛大菩薩眾圍繞住處生蓮花中寶座之上不復為貪欲所惱亦復不為瞋恚愚癡所惱亦復不為憍慢嫉妬諸垢所惱得菩薩神通無生法忍得是忍已眼根清淨以是清淨眼根見七百万二千億那由他恒河沙等諸佛如來是時諸佛還共讚言善哉善哉善男子汝能於釋迦牟尼佛法中受持讀誦思惟是經為他人說所得福德無量無邊火不能焚水不能漂汝之功德千佛共

說不能令盡汝今已能破諸魔賊壞生死軍諸餘怨敵皆悉摧滅善男子百千諸佛以神通力共守護汝於一切世間天人之中無如汝者唯除如來其諸聲聞辟支佛乃至菩薩智慧禪定無有與汝等者宿王華此菩薩成就如是功德智慧之力若有人聞是藥王菩薩本事品能隨喜讚善者是人現世口中常出青蓮華香身毛孔中常出牛頭栴檀之香所得功德如上所說是故宿王華以此藥王菩薩本事品屬累於汝我滅度後後五百歲中廣宣流布於閻浮提無令斷絕惡魔魔民諸天龍夜叉鳩呌茶等得其便也宿王華汝當以神通之力守護是經所以者何此經則為閻浮提人病之良藥若人有病得聞是經病即消滅不老不死宿王華汝若見有受持是經者應以青蓮華盛滿鉢香供散其上散已作是念言此人不久必當取草坐於道場破諸魔軍當吹法螺擊大法鼓度脫一切眾生老病死海是故求佛道者見有受持是經

與人應當如是生恭敬心說是藥王菩薩本事品時八万四千菩薩得解一切眾生語言陀羅尼多寶如來於寶塔中讚宿王華菩薩言善哉善哉宿王華汝成就不可思議功德乃能問釋迦牟尼佛如此之事利益無量一切眾生

添品妙法蓮華經卷第六

癸卯歲高麗國大藏都監奉勅彫造

添品妙法蓮華經卷第七

在

隋天竺三藏闍維多共笈多譯

妙音菩薩品第二十三

余時釋迦牟尼佛放大人相肉髻光明及放眉間白毫相光遍照東方百八萬億那由他恒河沙等諸佛世界過是數已有世界名淨光莊嚴其國有佛号淨華宿王智如來應供正遍知明行足善逝世間解無上士調御丈夫天人師佛世尊為無量無邊菩薩大衆恭敬圍繞而為說法釋迦牟尼佛白毫光明遍照其國今時一切淨光莊嚴國中有一菩薩名曰妙音久已殖衆德本供養親近無量百千萬億諸佛而悉成就甚深智慧得妙幢相三昧法華三昧淨德三昧宿王戲三昧無縛三昧智印三昧解一切衆生語言三昧集一切功德三昧清淨三昧神通遊戲三昧慧炬三昧莊嚴王三昧淨光明三昧淨藏三昧不共三昧日旋三昧得如是等百千萬億恒河沙等諸大三昧釋迦牟尼佛光

照其身即白淨華宿王智佛言世尊我當往詣娑婆世界禮拜親近供養釋迦牟尼佛及見文殊師利法王子菩薩藥王菩薩勇施菩薩宿王華菩薩上行意菩薩莊嚴王菩薩藥上菩薩余時淨華宿王智佛告妙音菩薩汝往莫輕彼國生下劣想善男子彼娑婆世界高下不平土石諸山穢惡充滿佛身界小諸菩薩眾其形亦小而汝身四万二千由旬我身六百八十万由旬汝身第一端正百千万福光明殊妙是故汝往莫輕彼國若佛菩薩及國土生下劣想妙音菩薩白其佛言世尊我今詣娑婆世界皆是如來之力如來神通遊戲如來功德智慧莊嚴於是妙音菩薩不起于座身不動搖而入三昧以三昧力於耆闍崛山去法座不遠化作八万四千衆寶蓮華閻浮檀金為莖白銀為葉金剛為鬚甄叔迦寶以為其臺余時文殊師利法王子見是蓮華而白佛言世尊是何因緣先現此瑞有若干千万蓮華閻浮檀金為莖白銀為葉

金剛為鬚甄叔迦寶以為其臺余時釋迦牟尼佛告文殊師利是妙音菩薩摩訶薩欲從淨華宿王智佛國與八万四千菩薩圍遶而來至此娑婆世界供養親近禮拜於我亦欲供養聽法華經文殊師利白佛言世尊是菩薩種何善本修何功德而能有是大神通力行何三昧願為我等說是三昧名字我等亦欲勤修行之行此三昧乃能見是菩薩色相大小威儀進止惟願世尊以神通力彼菩薩來令我得見余時釋迦牟尼佛告文殊師利此久滅度多寶如來當為汝等而現其相時多寶佛告彼菩薩善男子來文殊師利法王子欲見汝身于時妙音菩薩於彼國沒與八万四千菩薩俱共發來所經諸國六種震動皆悲雨於七寶蓮華百千天樂不鼓自鳴是菩薩目如廣大青蓮華葉正使和合百千万月其面貌端正復過於此身真金色無量百千功德莊嚴威德熾盛光明照耀諸相具足如那羅延堅固之身入七寶臺上昇虛空去

地七多羅樹諸菩薩眾恭敬圍繞而
來詣此娑婆世界耆闍崛山到已下
七寶臺以價直百千瓔珞持至釋迦
牟尼佛所頭面禮足奉上瓔珞而白
佛言世尊淨華宿王智佛問訊世尊
少病少惱起居輕利安樂行不四大
調和不世事可忍不眾生易度不無
多貪欲瞋恚愚癡嫉妬慳慳不無不
孝父母不敬沙門不無邪見不無不
善心不攝五情不世尊眾生能降伏
諸魔怨不久滅度多寶如來在七寶
塔中來聽法不又問計多寶如來安
隱少惱堪忍久住不世尊我今欲見
多寶佛身惟願世尊示我今見今時
釋迦牟尼佛語多寶佛是妙音菩薩
欲得相見時多寶佛告妙音言善哉
善哉汝能為供養釋迦牟尼佛及聽
法華經并見文殊師利等故來至此
今時華德菩薩白佛言世尊是妙音
菩薩種種何善根修何功德有是神力
佛告華德菩薩過去有佛名雲雷音
王多陀阿伽度阿羅訶三藐三佛陀
國名現一切世間劫名喜見妙音菩

薩於方二千歲以十萬種伎樂供養
雲雷音王佛并奉上八萬四千七寶
鈴以是因緣果報今生淨華宿王智
佛所有是神力華德於汝意云何今
時雲雷音王佛所妙音菩薩伎樂供
養奉上寶器者豈異人乎今此妙音
菩薩摩訶薩是華德是妙音菩薩已
曾供養親近無量諸佛久殖德本又
值恒河沙等百千萬億那由他佛華
德汝但見妙音菩薩其身在此而是
菩薩現種種身處處為諸眾生說是
經典或現梵王身或現帝釋身或現
自在天身或現大自在天身或現天
大將軍身或現毗沙門天王身或現
轉輪王身或現諸小王身或現長者
身或現居士身或現宰官身或現婆
羅門身或現比丘比丘尼優婆塞優
婆夷身或現長者居士婦女身或現
宰官婦女身或現婆羅門婦女身或
現童男童女身或現天龍夜叉乾闥
婆阿脩羅迦樓羅緊那羅摩睺羅伽
人非人等身而說是經諸有地獄餓
鬼畜生及眾難處皆能救濟乃至於

王後宮中為女身而說是經華德是
妙音菩薩能救護娑婆世界諸眾生
皆是妙音菩薩如是種種變化現身
在此娑婆國土為諸眾生說是經典
於神通變化智慧無所損減是菩薩
以若干智慧明照娑婆世界今一切
眾各得所知於十方恒河沙世界
中亦復如是若應以聲聞形得度者
現聲聞形而為說法應以辟支佛形
得度者現辟支佛形而為說法應以
菩薩形得度者現菩薩形而為說法
應以佛形得度者即現佛形而為說
法如是種種隨所應度者而為現形
乃至應以滅度而得度者示現滅度
華德妙音菩薩摩訶薩成就大神通
智慧之力其事如是今時華德菩薩
白佛言世尊是妙音菩薩深種善根
世尊是菩薩住何三昧而能如是在
所變現度脫眾生佛告華德菩薩善
男子其三昧名現一切色身妙音菩
薩住是三昧中能如是饒益無量眾
生說是妙音菩薩品時與妙音菩薩
俱來者八萬四千人皆得現一切色

身三昧此娑婆世界無量菩薩亦得

法華經卷第七 第九品

是三昧及陀羅尼今時妙音菩薩摩訶薩供養釋迦牟尼佛及多寶佛塔

已還歸本土所經諸國六種震動雨寶蓮華作百千萬億種種伎樂既到

本國與八万四千菩薩圓遶至淨華宿王智佛所白佛言世尊我到娑婆

世界饒益衆生見釋迦牟尼佛及見多寶佛塔禮拜供養又見文殊師利

法王子及見藥王菩薩得勤精進力菩薩勇施菩薩等亦令是八万四千

菩薩得現一切色身三昧說是妙音菩薩來往品時四万二千天子得無

生法忍華德菩薩得法華三昧

諸妙法蓮華經觀世音菩薩普門品第二十四

介時無盡意菩薩即從座起偏袒右肩合掌向佛而作是言世尊觀世音

菩薩以何因緣名觀世音佛告無盡意菩薩善男子若有無量百千萬億

衆生受諸苦惱聞是觀世音菩薩一心稱名觀世音菩薩即時觀其音聲皆得解脫

大火不能燒由是菩薩威神力故若為大水所漂稱其名号即得淺處若有百千萬億衆生為求金銀琉璃車馬馬瑙珊瑚琥珀真珠等寶入於大海假使黑風吹其舫舫飄墮羅刹鬼國其中若有乃至一人稱觀世音菩薩名者是諸人等皆得解脫羅刹之難以是因緣名觀世音

法華經卷第七 第八品

若復有人臨當被害稱觀世音菩薩名者彼所執刀杖尋段段壞而得解脫若三千大千國土滿中夜叉羅刹欲來惱人聞其稱觀世音菩薩名者是諸惡鬼尚不能以惡眼視之况復加害

設復有人若有罪若無罪枷械枷鎖檢繫其身稱觀世音菩薩名者皆悉斷壞即得解脫若三千大千國土滿中怨賊有一商主將諸商人賣持重寶經過險路其中一人作是唱言諸善男子勿得恐怖汝等應當一心稱觀世音菩薩名号是菩薩能以無畏施於衆生汝等若稱名者於此怨賊當得解脫衆商人聞俱發聲言南無

觀世音菩薩稱其名号即得解脫無盡意觀世音菩薩摩訶薩威神之力巍巍如是若有衆生多於煙欲常念恭敬觀世音菩薩便得離欲若多瞋患常念恭敬觀世音菩薩便得離瞋若多愚癡常念恭敬觀世音菩薩便得離癡無盡意觀世音菩薩有如是等大威神力多所饒益是故衆生常應心念若有女人設欲求男禮拜恭敬觀世音菩薩便生福德智慧之男設欲求女便生端正有相之女宿殖德本衆人愛敬無盡意觀世音菩薩有如是力若有衆生恭敬禮拜觀世音菩薩福不唐捐是故衆生皆應受持觀世音菩薩名号無盡意若有人受持六十二億恒河沙菩薩名字復盡形供養飲食衣服卧具醫藥於汝意云何是善男子善女人功德多不無盡意言甚多世尊佛言若復有人受持觀世音菩薩名号乃至一時禮拜供養是二人福正等無異於百千萬億劫不可窮盡無盡意受持觀世音菩薩名号得如是無量無邊福德之利

法華經卷第七 第九品

無盡意菩薩白佛言世尊觀世音菩薩云何遊此娑婆世界云何而為衆生說法方便之力其事云何佛告無盡意菩薩善男子若有國土衆生應以佛身得度者觀世音菩薩即現佛身而為說法應以辟支佛身得度者即現辟支佛身而為說法應以聲聞身得度者即現聲聞身而為說法應以梵王身得度者即現梵王身而為說法應以帝釋身得度者即現帝釋身而為說法應以自在天身得度者即現自在天身而為說法應以大自在天身得度者即現大自在天身而為說法應以天大將軍身得度者即現天大將軍身而為說法應以毗沙門身得度者即現毗沙門身而為說法應以小王身得度者即現小王身而為說法應以長者身得度者即現長者身而為說法應以居士身得度者即現居士身而為說法應以宰官身得度者即現宰官身而為說法應以婆羅門身得度者即現婆羅門身而為說法應以比丘比丘尼優婆塞

優婆塞身得度者即現比丘比丘尼優婆塞身得度者即現比丘比丘尼者居士宰官婆羅門婦女身得度者即現婦女身而為說法應以童男童女身得度者即現童男童女身而為說法應以天龍夜叉乾闥婆阿修羅迦樓羅緊那羅摩睺羅伽人非人等身得度者即皆現之而為說法應以執金剛神得度者即現執金剛神而為說法無盡意觀世音菩薩成就如是功德以種種形遊諸國土度脫衆生是故汝等應當一心供養觀世音菩薩是觀世音菩薩摩訶薩於怖畏急難之中能施無畏是故此娑婆世界皆号之為施無畏者無盡意菩薩白佛言世尊我今當供養觀世音菩薩即解頸衆寶珠璎珞價直百千兩金而以與之作是言仁者受此法施珍寶璎珞時觀世音菩薩不肯受之無盡意復白觀世音菩薩言仁者慈我等故受此璎珞今時佛告觀世音菩薩當慈此無盡意菩薩及四衆天龍夜叉乾闥婆阿修羅迦樓羅緊那

羅摩睺羅伽人非人等故受是璎珞即時觀世音菩薩慈諸四衆及於天龍人非人等故受其璎珞分作二分一分奉釋迦牟尼佛一分奉多寶佛塔無盡意觀世音菩薩有如是自在神力遊於娑婆世界
 今時莊嚴幢菩薩問無盡意菩薩言佛子以何因緣名觀世音無盡意菩薩即便遍觀觀世音菩薩過去頽海舌莊嚴幢菩薩言佛子諦聽觀世音菩薩所行之行今時無盡意菩薩即說偈言
 世尊妙相具我今重問彼佛子何因緣名為觀世音具足妙相尊偈答無盡意汝聽觀音行善應諸方所即指深如海歷劫不思議侍多千億佛發大清淨願我為汝略說聞名及見身心念不空過能滅諸有苦假使興害意推落大火坑念彼觀音力火坑變成池或漂流巨海魚龍諸鬼難念彼觀音力波浪不能沒或在須弥峯為人所推墮念彼觀音力如日虛空住或被惡人逐墮落金剛山念彼觀音力不能損一毛或值怨賊繞

淨品法華經卷第七 第十四張 在

各執刀加害念彼觀音力咸即起慈心
或遭王難苦臨刑欲壽終念彼觀音力
刀尋段段壞或囚禁如鐵手足被枷械
念彼觀音力釋然得解脫咒咀諸毒藥
所欲害身者念彼觀音力彼即轉迴去
或遇惡羅刹毒龍諸鬼等念彼觀音力
時恙不敢害若惡獸圖逐利牙爪可怖
念彼觀音力疾走無邊方軌地及蟻蟻
氣毒烟火燃念彼觀音力尋聲自迴去
雲雷鼓擊電降雹澍大雨念彼觀音力
應時得消散衆生被囚厄無量苦逼身
觀音妙智力能救世間苦具足神通力
廣修智方便十方諸國土無刹不現身
種種諸惡趣地獄鬼畜生生老病死苦
以漸志令滅真觀清淨觀廣大智慧觀
悲觀及慈觀常願常瞻仰無垢清淨光
慧日破諸闇能伏災風火普明照世間
悲體戒雷震慈意妙大雲澍甘露法雨
滅除煩惱焰誦詠經官慶怖畏軍陣中
念彼觀音力衆怨悉退散妙音觀世音
梵音海潮音勝彼世間音是故須常念
念念勿生疑觀世音淨聖於苦惱死厄
能為作依怙具一切功德慈眼視衆生

福聚海無量是故應頂禮

今時持地菩薩即從座起前白佛言
世尊若有衆生聞是觀世音菩薩品
自在之業普門亦現神通力者當知
是人功德不少佛說是普門品時衆
中八万四千衆生皆發無等等阿耨
多羅三藐三菩提心

添品妙法蓮華經妙莊嚴王本事品第二十五

今時佛告諸大衆乃往古世過無量
無邊不可思議阿僧祇劫有佛名雲
雷音宿王華智多陀阿加度阿羅訶
三藐三佛陀國名光明莊嚴劫名喜
見彼佛法中有王名妙莊嚴其王夫
人名曰淨德有二子一名淨藏二名
淨眼是二子有大神力福德智慧久
修菩薩所行之道所謂檀波羅蜜尸
羅波羅蜜羼提波羅蜜毗梨耶波羅
蜜禪波羅蜜般若波羅蜜方便波羅
蜜慈悲喜捨乃至三十七助道法皆
悉明了通達又得菩薩淨三昧日星
宿三昧淨光三昧淨色三昧淨照明
三昧長莊嚴三昧大威德藏三昧於
此三昧亦悉通達今時被佛欲引導

淨品法華經卷第七 第十五張 在

妙莊嚴王及愍念衆生故說是法華
經時淨藏淨眼二子到其母所合十
指爪掌白言願母往詣雲雷音宿王
華智佛所我等亦當侍從親觀供養
札拜所以者何此佛於一切天人衆
中說法華經宜應聽受母告子言汝
父信受外道深著婆羅門法汝等應
往白父與共俱去淨藏淨眼合十指
爪掌白母我等是法王子而生此邪
見家母告子言汝等當憂念汝父為
現神變若得見者心必清淨或聽我
等往至佛所於是二子念其父故踊
在虛空高七多羅樹現種種神變於
虛空中行住坐卧身上出水身下出
火身下出水身上出火或現大身滿
虛空中而復現小小復現大於空中
滅忽然在地入地如水履水如地現
如是等種種神變令其父王心淨信
解時父見子神力如是大歡喜得
未曾有合掌向子言汝等師為是誰
誰之弟子二子白言大王彼雲雷音
宿王華智佛今在七寶菩提樹下法
座上坐於一切世間天人衆中廣說

法華經是我等師我是弟子父語子

法華經卷第七 第十六

言我今亦欲見汝等師可共俱往於是二子從空中下到其母所合掌白母父王今已信解堪任發阿耨多羅三藐三菩提心我等為父已作佛事願母見聽於彼佛所出家修道余時二子欲重宣其意以偈白母

願母放我等出家作沙門諸佛甚難值我等隨佛學如優曇波羅值佛復難是

脫諸難亦難願聽我出家

母即告言聽汝出家所以者何佛難

值故於是二子白父母言善哉父母

願時往詣雲雷音宿王華智佛所親

觀供養所以者何佛難得值如優曇

波羅華又如一眼之龜值浮木孔而

我等宿福深厚生值佛法是故父母

當聽我等今得出家所以者何諸佛

難值時亦難遇彼時妙莊嚴王後宮

八萬四千人悉皆堪任受持是法華

經淨眼菩薩於法華三昧久已通達

淨藏菩薩已於無量百千萬億劫通

達離諸惡趣三昧欲令一切眾生離

諸惡趣故其王夫人得諸佛集三昧

能知諸佛秘密之藏二子如是方

法華經卷第七 第十七

便力善化其父今心信解好樂佛法於是妙莊嚴王與群臣眷屬俱淨德夫人與後宮姊妹眷屬俱其王二子與四萬二千人俱一時共詣佛所到已頭面礼足繞佛三匝却住一面余時彼佛為王說法亦教利喜王大歡悅余時妙莊嚴王及其夫人解頸真珠瓔珞價直百千以散佛上於虛空中化成四柱寶臺臺中有大寶牀敷百千天衣其上有佛結跏趺坐放大光明

今時妙莊嚴王作是念佛身希有端

嚴殊特成就第一微妙之色時雲雷

音宿王華智佛告四眾言汝等見是

妙莊嚴王於我前合掌立不此王於

我法中作比丘精勤修習助佛道法

當得作佛号婆羅樹王國名大光劫

名大高三其婆羅樹王佛有無量菩

薩眾及無量聲聞其國平正功德如

是其王即時以國付弟與夫人二子

并諸眷屬於佛法中出家修道王出

家已於八萬四千歲常勤精進修行

妙法華經過是已後得一切淨功德

法華經卷第七 第十八

莊嚴三昧即昇虛空高七多羅樹而白佛言世尊此我二子已作佛事以神通變化轉我邪心令得安住於佛法中得見世尊此二子者是我善知識為欲發起宿世善根饒益我故來生我家余時雲雷音宿王華智佛告妙莊嚴王言如是如是如汝所言若善男子善女人種善根故世世得善知識其善知識能作佛事示教利喜令入阿耨多羅三藐三菩提大當知善知識者是大因緣所謂化導令得見佛發阿耨多羅三藐三菩提心

大王汝見此二子不此二子已曾供

養六十五百千萬億那由他恒河沙諸

佛親見恭敬於諸佛所受持法華經

愍念邪見眾生令住正見妙莊嚴王

即從虛空中下而白佛言世尊如來

甚希有以功德智慧故頂上肉髻光

明顯照其眼長廣而紺青色眉間毫

相白如珂月齒白齊密常有光明唇

色赤好如頻婆果今時妙莊嚴王讚

歎佛如是等無量百千萬億功德已

英如來前一心合掌復白佛言世尊

新法集解卷之七

張
仁

然如來前一心合掌復白佛言世尊
 未曾有也如來之法具足成就不可
 思議微妙功德教戒所行安隱使善
 我從今日不復自隨心行不生邪見
 憍慢瞋恚諸惡之心說是語已札佛
 而出佛告大衆於意云何妙莊嚴王
 豈異人乎今華德菩薩是其淨德夫
 人今佛前光照莊嚴相菩薩是哀愍
 妙莊嚴王及諸眷屬故於彼中生其
 二子者今藥王菩薩藥上菩薩是是
 藥王藥上菩薩成就如此諸大功德
 已於無量百千萬億諸佛所殖衆德
 本成就不可思議諸善功德若有人
 識是二菩薩名字者一切世間諸天
 人民亦應禮拜佛說是妙莊嚴王本
 事品時八万四千人遠塵離垢於諸
 法中得法眼淨

添品妙法蓮華經普賢菩薩勸發品第二十六

尔時普賢菩薩以自在神通威德名
 聞與大菩薩無量无边不可稱數從
 東方來所經諸國普皆震動雨寶蓮
 華作無量百千万億種種伎樂又與
 無數諸天龍夜叉乾闥婆阿脩羅

清江先生文集卷之六

此

迦樓羅緊那羅摩睺羅伽人非人等
大衆圍繞各現威德神通之力到娑
婆世界耆闍崛山中頭面禮釋迦平
尼佛右繞七匝白佛言世尊我於寶
威德上王佛國還聞此娑婆世界說
法華經與無量無邊百千萬億諸善
薩衆共來聽受唯願世尊當為說之
若善男子善女人於如來滅後云何
能得是法華經佛告普賢菩薩若善
男子善女人成就四法於如來滅後
當得是法華經一者為諸佛護念二
者殖諸德本三者入正定聚四者發
救一切衆生之心善男子善女人如
是成就四法於如來滅後必得是經
尔時普賢菩薩白佛言世尊於後五
百歲濁惡世中其有受持是經典者
我當守護除其衰患令得安隱使無
伺求得其便者若魔若魔子若魔女
若魔民若為魔所著者若夜叉若羅
刹若鳩槃荼若毗舍闍若吉遮若富
單那若聾施羅等諸惱人者皆不得
便是人若行若立讀誦此經我尔時
乘六牙白象王與大菩薩衆俱詣其

法華經卷第七 第三張 在

第三主張：在

所而自現身供養守護安慰其心亦為供養法華經故是人若坐思惟此經今時我復乘白象王現其人前其人若於此法華經有所忘失一句一偈我當教之與共讀誦還令通利今時受持讀誦法華經者得見我身甚大歡喜轉復精進以見我故即得三昧及陀羅尼名為旋陀羅尼百千萬億旋陀羅尼法音方便陀羅尼得如是等陀羅尼世尊若後世後五百歲濁惡世中比丘比丘尼優婆塞優婆夷求索者受持者讀誦者書寫者欲修習是法華經者於三七日中應一心精進滿三七日已我當乘六牙白象與無量菩薩而自圍繞以一切衆生所意見身現其人前而為說法示教利喜亦復與其陀羅尼咒得是陀羅尼故無有非人能破壞者亦不為女人之所惑亂我身亦自常護是人惟願世尊聽我說此陀羅尼即於佛前而說呪曰

多^上姪他阿壇茶^{徒皆}壇茶^{直下}鉢底壇
茶跋囉^上多^上你壇茶^上矩舍^{始他}犁壇^上

茶鉢上施喇上施囉上施底
勃歌鉢囉近施囉上尼_{反移}阿跋囉上
恒你阿囉恒你僧伽上跋囉上綺羯僧伽
上你伽多上泥達囉上磨上跋囉上綺羯
囉上婆上婆上婆上婆上婆上婆上婆上婆
舍_{反移}羅耶阿上努伽上_{反移}謝伽上鼻_{反移}上
扣_{反移}樂馳上_{反移}羼

世尊若有菩薩得聞是施羅尼者當
知普賢神通之力若法華經行闍浮
提有受持者應作是念皆是普賢威神
之力若有受持讀誦正憶念解其義
趣如說修行當知是人行普賢行於
無量無邊諸佛所深種善根為諸如
來手摩其頭若但書寫是人命終當
生忉利天上是時八万四千万女作
眾伎樂而來迎之其人即著七寶冠
於姝女中娛樂快樂何况受持讀誦
正憶念解其義趣如說修行若有人
受持讀誦解其義趣是人命終為千
佛授手令不恐怖不墮惡趣即往兜
率天上弥勒菩薩所弥勒菩薩有三
十二相大菩薩眾所共圍繞有百千
万億天女眷屬而於中生有如是等

功德利益是故智者應當一心自書
若使人書受持讀誦正憶念如說修
行世尊我今以神通力守護是經於
如來滅後閻浮提內廣令流布使不
斷絕今時釋迦牟尼佛讚言善哉善
哉普賢汝能護助是經今多所眾生
安樂利益汝已成就不可思議功德
深大慈悲從久遠來發阿耨多羅三
藐三菩提意而能作是神通之願守護
是經我當以神通力守護能受持普
賢菩薩名者普賢若有受持讀誦正
憶念修習書寫是法華經者當知是
人則見釋迦牟尼佛如從佛口聞此
經典當知是人供養釋迦牟尼佛當
知是人佛讚善哉當知是人為釋迦
牟尼佛手摩其頭當知是人為釋迦
牟尼佛衣之所覆如是之人不復貪
著世樂不好外道經書手筆亦復不
意親近其人及諸惡者若屠兒若畜
猪羊鷄狗若獵師若街賣女色是人
心意質直有正憶念有福德力是人
不為三毒所惱亦不為嫉妬我憍邪
憍增上憍所惱是人少欲知足能修

普賢之行普賢若如來滅後後五百
歲若有人見受持讀誦法華經者應
作是念此人不久當詣道場破諸魔
眾得阿耨多羅三藐三菩提轉法輪
擊法鼓吹法鬘雨法雨當坐天人大
眾中師子法座上普賢若於後世受
持讀誦是經典者是不復貪著求
服卧具飲食資生之物所願不虛亦
於現世得其福報若有人輕毀之言
汝狂人耳空作是行終無所獲如是
罪報當世世無眼若有供養讚歎之
者當於今世得現果報若復見受持
是經者出其過惡若實若不實此人
現世得白癩病若有輕笑之者當世
世牙齒疎缺醜陋平鼻手脚線戾眼
目眇眇身體臭穢惡瘡血水腹短
氣諸惡重病是故普賢若見受持是
經者當起遠迎當如敬佛說是普賢
勸發品時恒河沙等無量無邊菩薩
得百千億旋陀羅尼三千大千世界
微塵等諸菩薩具普賢道
添品妙法蓮華經卷第七 第三十七
尔時釋迦牟尼佛從座而起現大神

◇高麗大藏經◇

力以右手摩無量菩薩摩訶薩頂而添品法華經卷第七 第二十二版 在
作是言我於無量百千萬億阿僧祇
劫修集是難得阿耨多羅三藐三菩
提法今以付囑汝等汝等應當一心
流布此法廣令增益如是我於無量
薩摩訶薩頂而作是言我於無量
千萬億阿僧祇劫修集是難得阿耨
多羅三藐三菩提法今以付囑汝等
汝當受持讀誦廣宣此法令一切衆
生普得聞知所以者何如來有大慈
悲無諸慳慳亦無所畏能與衆生佛
之智慧如來智慧自然智慧如來是
一切衆生之大施主汝等亦應隨學
如來之法勿生慳慳於未來世若有
善男子善女人信如來智慧者當為
演說此法華經使得聞知為令其人
得佛慧故若有衆生不信受者當於
如來餘深法中亦教利喜汝等若能
如是則為已報諸佛之恩時諸菩薩
摩訶薩聞佛作是說已皆大歡喜遍
滿其身益加恭敬曲躬低頭合掌向
佛俱發聲言如世尊勅當具奉行唯
然世尊願不有慮諸菩薩摩訶薩衆

如是三反俱發聲言如世尊勅當具添品法華經卷第七 第三十六版 在
奉行唯然世尊願不有慮今時擇迦
牟尼佛令十方來諸分身佛各還本
土而作是言諸佛各隨所安多寶佛
塔還可如故說是語時十方無量分
身諸佛坐寶樹下師子座上者及多
寶佛并上行等無邊阿僧祇菩薩大
衆舍利弗等聲聞四衆及一切世間
天人阿脩羅等聞佛所說皆大歡喜
添品妙法蓮華經卷第七

王寅歲高麗國大藏部監奉
勅彫造